

DYUS YUWE SAN LUCAS FI'JNI

Teofilo's neewe'wena fi'jni

1 ¹⁻⁴Andy namicu Teófilo, indya's cjiyu'jna fi'jatstju cue'sh ensu na'wē yuuc tyā'sna. Tyā'sa' tyā'wē yūuya' tacjetsiyina, Cristo yacj u'jusawe'sha' ma'wērrajne'ta ew uy tyā'wēytyi tyāawe'sha' cue'shtyi pta'sh, atsa' tyā'sa' maava tyā'wēyta ew pta'shna fi'jrra nviit wēe. Tyāa pa'ga andyva ma'wērrajne' yūu tyā'sa' wala ew jypa'yacy paapējyrra indyna pta'shna fi'jatstju, cyaj isa yuj pta'shi'ne'ta sūjūne'nga.

Juan Bautista upywa'ja's pta'shni

⁵Judea quiwete ne'ljue'sh Herodes ensu', teech sacerdotē Zacarias yaasesac u'pu'. Tyāa yu', sacerdotē ne'ljue'sh Abias ji'cj yu'. Atsa' tyajy nyu Elisabet yu', Aarón ji'cj yu'. ⁶Ptamí Dyus jycaajnyti' nwēesē'jsaty yu', tyāa pa'ga Dyus dyi'pte ew fi'nzesaty yu'. ⁷Nava tyāawe'sha' luuch ji'pjmeety yu', Elisabetja' luuch ji'pjuwa'jsameene' yu' naa pa'ga. Cjirrava wala tjē'cjue yā'j yu'ty.

⁸Zacarias yacj ūssawe'shtyi dyuus yatte selpiwa'j en ājte', na'wēc yuu: ⁹Dyuus yat altalte wēt putasá incienso's cambya' u'cawa'jsa quimteva jiyuya', sacerdotewe'sha' suerte na'wēsa cutyi'jty. Atsa' cyteea' Zacariascu casej. ¹⁰Tyājū' Zacarias' Dyus altalte wēt putas'a's cambutste', nasa pa'jsa' jyucaysa ecajurráaty Dyus yacj puuty we'wena ūsu'. ¹¹Naapcachja' Zacarias'a's vyaac Dyus jycaajni teech angel altal pucate patsu ju'ngte. ¹²Atsa' Zacarias' tyā's uyrra', cuj yajcyna wala ūucjcu. ¹³Nava tyāa angel yu' na'jic:

—Zacarias, ūucjnu. Iindy pytjaa we'weni's Dyus pasrra cytey yuutsa', atsa' iindy nyu Elisabetja' luuch ji'pjuna. Tyāa luucha's Juan yasene'nga. ¹⁴Tyā'wē yuute', indya' wala wechana neeyūune'nga, atsa' maava tyā'wērrarráa wechaatyna tyajy upyni's jiyurra', ¹⁵tyāa pa'gatey tyāa luucha' Dyus dyi'pte walasa yuuwa'jsa'. Tyāasa quíjva ctū'ju'jwa'jsa yu'sa' tundymeena, naasáa Dyus Espiritu yuurráana ūuste jyuca ji'pjuna nji'j tutyju yuu casejmey. ¹⁶Sa' Israel quiwesuwe'shtyi maanzcuēesatyva taqui'sa Dyus tashtey qui' cuutya'jana. ¹⁷Tyāa Juana' Dyus Nchi'c yatste pecūjuna, sa' Dyus yuwe pta'shsa Elias Espiritu quijteva ājawa'jsa's

ji'pju'c tyā'sna írráa ji'pjuna. Tyāasa neywe'shtyi luuch yacj caapui'jmée caafi'nze'ljena, sa' nwēesē'jsameetyva nwēesē'jya' caapiya'jana. Tyā'wē yūuna nasaty pjeu'juna Dyus Nchi'ca's jypa'gacajn jite', ¹⁸Zacarias'a' na'jīnac pējy:

—Cue'sha' ptamíi wala tjē'jyā'tja'w, atsa' ¿ma'wē yūurra iindy tyā'jīni' cytey yuune'tjeva ew jii neeyūuqui'tj? jīc. ¹⁹Atsa' Dyus angela' pta'shcu:

—Andya' Dyusna selpiina fi'nzesa Gabrieltju. Tyāa pa'gac andya's jycaaj, indya's naa yuwe ewsa's pta'shcajn. ²⁰Nava andy pta'shni's tyā'wē dyij yuuna sūjmeeng naa pa'ga āchjīi we'weya' ewumée neeyūune'nga iindy nchi'c upypcach jīc.

²¹Dyuus yat dyiite tyā'wē jytjēeyūute', ecaju nasa yu' Zacarias'a's ūytjasnaty ūsu', ¿quij yuurraqui'c tyacue jytjēeyūu? sūjna. ²²Tyājū' Zacarias'a' casejrra', we'weya' ājāmeerra', cuseju vijyarrarráac cjiyu'ju'. Atsa' tyā'wē yūute', dyuus yat dyiite quija' uyyujne' sūjū'ty nasa yu'. Sa' Zacarias'a' tyā'wēesa neeyūuc.

²³Dyuus yatte selpiina jyā'jrra', Zacarias'a' tyajy yatna u'cj. ²⁴Tyāa ensu' Zacarias nyu Elisabetja' nasa ji'pj neeyūurra', tyajy yatu casejmec u'pu' tajts a'tepcach, naa sūjna: ²⁵Āchja' ū'cue Dyusa' na'wēc yūu, atsa' nasa' ū'cue's peena yu' atsewe'wemeetyna sūjna.

Jesus upywa'ja's pta'shni

²⁶Elisabetja' nasa ji'pj neeyūuni seis a'teju', Dyusa' angel Gabriela's Galileasu teech chjamb Nasaret yaasesatec caaj, ²⁷teech cna'sa Maria yaasesa yatte pa'jrra' yuwe pta'shcajn. Tyāa cna'sa yu', teech pitstjē'j Jose yaasesa yacj iimi'ya' puuty we'werrac u'p yu'. Tyāa Jose' jycaajsa David ji'cj yu'. ²⁸Atsa' Dyus angela' Maria u'pnite pa'jrra' na'jīc:

—Dyusa' ijcha yacj ūsa', naa pa'ga Dyus bendiciona's maa maa u'yteva jytjaacue jypa'garra u'pi'cha. Tyāasa wechana me'pchi ewrráa jite', ²⁹Maria' Dyus angel we'weni's wēsē'jrra tjengrra', cujc yajcy ¿ma'wētequi'c tyā'jī'? sūjna. ³⁰Atsa' Dyus angela' na'jīc:

—Maria, ūucjnuch, Dyus peeygāanisa i'cha. ³¹Tyāa pa'ga āchjīi teech luuch pijts ji'pj neeyūurra tyā'sa' Jesus yasene'chca. ³²Tyāa luucha' jytujtje walasa yuuwal'sa'. Tyāasa cielute Dyus Nchi'c ya'cysusuna. Atsa' tyā'sa' Dyusa' jycaajwa'jsa vituna, yatsgatjē'j David na'wēysa. ³³Cyaj Israelwe'shtyi quiuway jycaajana, nava tyajy jycaajni' bagachte yujva ptsumeena jīc.

³⁴Tyājū' Maria' tyāa angela's pējycu:

—¿Ma'wē tyā'wē yuja' yūucy? Ū'cue' cna'sa nmi' ji'pjmeetj atsyuja' jite', ³⁵angela' na'wēc pta'sh:

—Dyus Espiritu' icha cacue's tyāarrarráa jyuca iiyamuna. Tyā'wē yuuniterráa nasa vyaana. Tyāa pa'ga luuch upysa' Dyus jīi yuuna, sa' Dyus Nchi'c ya'cysusuna. ³⁶Tyā'wēy icha pucacjē nyacj Elisabetjva luuch pijts ji'pjuya'va', tjē'cjuē yā'jrrava. Bagach yujva nasa ji'pjusameerrava, āchja' seis a'te yā'j yuutsa' nasa ji'pjuni. ³⁷Dyus yacja' quij yujva tjēysa yu' meea' jīna pta'shte', ³⁸Maria pasrra':

—Tyā'wē!, ũ'cue! Dyusna selpisáa ne'tca, atsa! ũ'cue's Dyusa' cytey yuuna na'wēng pta'sh tyā'sa' jīc.

Tyajū! Dyus angela' Maria tashu tyuteena u'cj.

Elisabet tashna Maria u'jni

³⁹Tyāa ensuy Maria' jytjēeyūumée u'cj Judea tjā'jsu teech chjamb ũsu'c cytee pa'l'ya'. ⁴⁰Sa' Zacarias yatte pa'jrra', Maria' Elisabetja's wechac. ⁴¹Maria wechana we'weni's wēsē'jetspcachja', Elisabet nasa tutyjtewe'sha' ēšēc. Naapcachja' Dyus Espiritu' Elisabet ũuste jyuca caajiyu'cj. ⁴²Atsa' Elisabetja' Maria's na'jīnac sus we'we:

—Dyusa' ijcha's maa maa u'lyteva jytjaacuec bendeciŷ, sa' tyā'wēycu icha nchi'ca'sva bendeciŷ. ⁴³Atsa' ũ'cue! ¿quijte seelpitca atsga ũ'cue's Nwe'wesa nji'ja' tjengya' pa'já'? ⁴⁴Icha wechana we'weni's wēsē'jetspcachja', ũ'cue luuch tutyjtewe'sha' ēšēc wechana. ⁴⁵Dyus we'weni' cytey yuuna sūjpa'ga, cytey yuuya'va' atsa' wechana mfi'nzech jīc. ⁴⁶Atsa' Maria we'werra':

Ū'cue' ũusuj jyucatj Dyusa's wechá'.

⁴⁷Sa' ũ'cue Dyus nwe'wesa's ũuste pechcanameetj wechana fi'nze'.

⁴⁸Tyā'wē macue pytjaa ajmeecuēteva, Dyusa' peeygājrra tyā'sna selpiwa'jsa vitcu.

Atsa' āchjūyā'ja' ũ'cue's Dyus tyjityjnisac yu' jīna nes yuutyina maa nasava jyuca.

⁴⁹Tyā'wē yaacyajnfírráac Dyus tyacue walasa ũ'cue's tyacue ew yūu. Tyā' wala peeygāasa'.

⁵⁰Tyāasa maava tyā'sna nwēesē'jsatyi' bagachteva peeygājna nes yuuna.

⁵¹Dyusa' quijquijnava jyucac vit, sa' ũuste iwejch yaacysatyva cpaasu'jme'.

⁵²Jycaajsatyva tyāawe'sh jycaajnijū cutyi'cj,

Sa' quijteva ajmée pytjaacuēsatyi' walasac vit.

⁵³Quijva jipjmée peejiina fi'nzesatyi' tyāawe'sh peejini's jyucac ũs.

Sa' wala jipjsa yuutyi'sa' quijva jipjmeeec nvijt.

⁵⁴Tyā's selpisáa Israel nasatyi' pu'chcu,

Sa' peeygājna fi'nzewa'ja's pechcaname'.

⁵⁵Ma'wēne' cue'sh yatsgawe'sh Abrahamwe'shtyi' bagachteva ew yūuya' neeyūu, tyā'sa' cyteycu yuu jīc.

⁵⁶Tyajū! Maria' Elisabet yacj tej a'te u'prrac tyajy yatnay qui' shawendna u'j.

Juan Bautista upyni

⁵⁷Tyāa ensu' Elisabet ātsā'walj ājte', luuch pijts jipjuc. ⁵⁸Atsa' Elisabet nwe'sh vite' namicuwe'shva jiyurra', wechaya' u'jty Dyusa' Elisabetja's tyā'wē ew yūupa'ga.

⁵⁹Tyajū! teech qui'sute', luucha's circuncidāyya' u'jty. Sa' ney yase Zacariastyi qui'p wēe. ⁶⁰Nava nji'j we'werra':

—Tyā'wēmée wejyva Juan yasewa'ja' jīte', pi'cyna u'jsawe'sh pasrra':

61—I'cue nwe'sha' maa yujva Juan yaasesa meety yu' atsa' ¿ma'wētecue Juan yase qui'p wējē'? jī'ty.

62 Tyajū' neya's pējytyi ma'wē yasewa'tjeva. 63 Atsa' neya' Juan yasewa'ja' jīnac fi'jrra ūs. Tyā'wē yūute!, jyucaysa cujty yajcyna neeyūu. 64 Tyāa dundtey Zacarias qui' we'weya' ewuurra', Dyusa's seena' wala wechac. 65 Tyā'wē yūute!, cysū utyasū u'psa' wala ūcj we'wena neeyūuty. Atsa' Judea tjā'jsuwe'shva tyā'wē yūuni's jyuca jiyuty puuty ya'pta'shna. 66 Tyā'wē jiyurra', na'wēty yajcyna puuty paapēyī':

—Isa, tyāa luucha' Dyus bendecīynisane' yu' sa' ¿ma'wē yūuwa'jsacy? jī'ty.

Zacarias's Dyus Espiritu cwe'we'jni

67 Tyajū' Juan ney Zacarias's Dyus Espiritu tyajy ūuste cwe'we'tje!, na'jīnac āate pta'sh:

68 Israelwe'shtyi jype'jsa Dyusa' quījteva jyuca ewsa'.

Cue'sha' tyajy nasatja'w, atsa' nwe'weya' quījrra', ewte nviytcu.

69 Dyusna selpisāa David jī'tjewe'sh teeche caacj quījteva jyuca nwe'weya' ājāwa'jsa.

70 Nyafiitey Dyus yuwe pta'shsawe'sh yacjva na'wēc puuty we'we nwe'weya' caajwa'ja's:

71 Cue'shtyi atsesawe'sh cuseju nwe'werra ewte nviitu'nja,

72 Sa' cue'sh yatsgawe'shtyiva peeygājna, tyā'wē andy puuty we'wenni yuutyi' le'chcuērrāa yujva pechcaname'nja jī'c.

73 Sa' cue'sh yatsgawe'sh Abraham yacjva tyā'wēycu na'wē puuty we'wena jurāy:

74 Cue'shtyi atsesawe'sh cuseju nwe'werra ewte nviitu'nja, atsa' ūucjmée mselpiwe,

75 Andy yuurráana nwēesē'jna uu entepcach jī'c.

76 Atsa' andy nchi'ccuē indya' Dyus ūtyāsa yuweet pta'shsa yuurra, cue'shtyi Nwe'wesa pa'jwa'ja's pjeu'jna pecūjune'nga yatste.

77 Cyaj nasa' pcalpa'ga peltunāywa'ja's maava jiyurra, ewte neeyūuwa'ja's jī'pjutyna.

78 Cue'sh Dyusa' peeygājrra, cielujuy sec na'wē caacweetje'cj,

79 Chji'ndyte uu ente na'wē yā'j ūsteva, wēt eena'te nviyt-ya'.

Sa' cue'shtyiva jypumbamée ewte caafi'nze'jya'c tyā'wē yūu jīnac we'we Zacarias'.

80 Tyajū' Juana' walaana u'cj Dyus yuwe's jiyuna, sa' nasa u'pnimée quiwesuc u'p-ya' u'j, Israelwe'shtyi pta'shya' casejwa'j en ājpcach.

Jesus upyni

(Mt. 1.18-25)

2 1 Tyān ensu' Romate jycaajsa Augusto Cesara' tyajy jycaajni quiwesu nyafyrraj nasaty jyuca etste āshcajn jycaacj, 2 Siriate u'psa nel'jue'sh Cirenio

yaasesa's. ³Atsa' jyucaysaty u'jwa'j ji'pju' tyāawe'sh upyni chjambte, etste āshcajn. ⁴Tyāa pa'gac Jose' Nasaret chjamb Galilea quiweju casejna u'j Judea quiwen Belen chjamb David upynite, Jose' David ji'cj yu' naa pa'ga. ⁵Belenna u'juetsrra', tyajy nyu yuuwa'jsa Maria yacjcu u'j. Nava Maria' nasac ji'pj yu'. ⁶Atsa' Belente ūs'fyna, Maria's ātsā'wa'j en ājte', ⁷cytey ji'pjuc nyafy nchi'ccuē's. Sa' paandeewa'j yat ājmeete', claa sāl'jini yattec luuchcuē's yaprra c'jicj.

Dyus angel piisháa-tjengsawe'shtyi we'weni

⁸Belen utyasu cusva dejméety piisháa-tjengsa u'p yu'. ⁹Naapcachja' Dyus angel teech vyaac tyāawe'sh u'pnisu jyuca eena' cweetjna. Atsa' tyāawe'sha' wala ūc'jtyi. ¹⁰Nava Dyus angela' na'wēc we'we:

—Ūc'jnuwe, yuwe ewsa jyūna yujtj, tyā'sa' maava jyuca wala wechaatyna. ¹¹Āchja' David chjambte teech upycu i'cue'shtyi nwe'wewa'jsa tyā' Dyus caajni Cristo'. ¹²Atsa' tjengya' u'jrra', uyuune'cue luuchcuē's yaprra claa sāl'jini yatga c'jicjni ūste jitspcachja', ¹³tyāa dundtey tyāa angel yacj wala cuj angel cielujūwe'sh vyaaty, Dyusna wechana:

¹⁴¡Dyus ēe walatewe'sha' seena' yuj ew yuuc!

Naa quiwete nasa wēt'wēt fi'nzewa'ja's ūscu peeygājrra jī'ty.

¹⁵Tyajū' angeleswe'sha' cielun qui' shawendna u'juetspcachja', piisháa-tjengsawe'sha' puuty we'wety:

—Belenna u'juega Dyus pta'shni's tjengya' quíj yūuteva uyu'nja'w jīna.

¹⁶Tyajū' wala dund u'jty Belenna, sa' Mariawe'shtyi' uytyi tyā'wē luuchcuē's claa sāl'jini yatga c'jicjrra u'pte. ¹⁷Sa' luucha's uyrra', Dyus angel ma'wē we'weni'sva jyuca pta'shtyi Mariawe'shtyi. ¹⁸Tyajū' vitetyva tyā'wērrarráa pta'shte', wala cuj we'wena neeyūuty. ¹⁹Nava Maria yu', tyā'wē yūuni's jyuca pechcanamée ūusterráac yajcyna fi'nze'.

²⁰Tyajū' piisháa-tjengsawe'sha' Dyus angel ma'wē pta'shteva tyā' cytey yuuteva uyrra', Dyusa's wala wechana shawendna u'jty.

Jesus le'chcuēyna Dyus yatna jyūna u'jni

²¹Upynijū teech qui'sute' luuchcuē's circuncidāyya' u'jrra tyāa entey JESUS yasety, Maria nasa ji'pjumeyna Dyus angel ma'wēne' yase's pta'sh tyā'wētyi yase.

²²Moises leya' nasate ātsā'saty ma'wēne' qui'scaja' atsa' Maria' tyāa entyi cytey yuurra', Jose yacj luuchcuē's Jerusalen chjambna jyūna u'jty, dyuus yatte Dyusna wechana neewe'weya'. ²³Dyus leyte we'werra': Nyafyte pitscuē yūute', Dyus jīi nviitwa'ja' jī'c tyāa pa'gaty Dyusna neewe'weya' u'j. ²⁴Vite ajte Dyus leyte we'werra': e'nz tumb chijme meerrava tumb luuch jyūna u'jrra dyuus yatte icjwa'ja' jī'c atsa' tyā'wēy yūuya' u'jty.

²⁵Tyān ensu' Jerusalen chjambte' teech pitstjē'j Simeon yaasesac u'pu'. Tyāa pitstjē'ja' Dyusna yuurráac neewe'wena fi'nzesa yu', ¿bagach Israelwe'shtyi



(San Lucas 2.7)

nwe'wewa'jsa pa'jacy? sūjna ūytjāsna. Atsa' Dyus Espiritu' Simeona's caajiyu'cj
 26 Nwe'wewa'jsa Dyus caajni Cristo's uume'y uywa'ja's. 27 Sa' Dyus Espiritu'
 Simeona's caayaqu'lj'cj dyuus yatna u'ljwa'ja's, atsa' u'jrra' uycu tyā'wē Jesu
 nji'jwe'sha' Dyus ley jycaajni's cytey yuuya' Jesusa's nuypal'jatste. 28 Atsa'
 Simeona' tyāa luuchcuē's yacjrra na'jīnac Dyusna wecha:

29 Indya' andy yacj puuty we'weni's cytey yuung na' āchjā' andy
 uuwa'ja's ūsune'nga wechana uucajn.

30 Nwe'wesa's nasa jyucaysa dyi'pte caang.

³¹ Atsa' tyā'sa' andy yafyju yuu uytju.

³² Tyāaí Israel nasa meetyva eena' cweetjwa'jsa' na' Israelwe'sh yuutyi' jweeírráa wechwecha caayaqui'jwa'jsa' jī'c.

³³ Simeona' tyāa luuchcuē's tyā'wē we'wete', Jose ptamwe'sha' cujty yajcyna neeyūu. ³⁴ Atsa' Simeona' bendecíyrra', Jesus nji'j Maria's pta'shcu: —Mwēesé'ch, naa luuchcuē' Israelwe'shtyi wala cchjáachja'jwa'jsa' nava tyā'sna jiyusamée yu' wala jypumbawa'jsata'. Mpa'yajcywe vacy tyā'sa' wala atsetyna. ³⁵ Atsa' maarraj tyā'wē atsewa'jsatyna atsa' maarraj tyā'wē jypa'gawa'jsateva tyā'wē yūunisa icha ūusuy we'tju yājāni na'wē yuuna jīc.

³⁶ Cyteea' Fanuel niisa, Aser ji'cj ūsu' wala tjē'cjuēsa Ana yaasesa. Tyā' Dyusna selpisaac yu' sa' wala cna'satey iimi'c nava siete añute' nmi'a' uuc. ³⁷ Āchja' nmi' uuni ochenta y cuatro añu', nava dyuus yatte pu'vitumée een isac Dyusna selpiina, orāyna nes yu'. ³⁸ Sa' Ana' utyaana cūjrra, Dyusna wecharra' pta'shcu Israelwe'shtyi nwe'wewa'jsa's ūytjāsna ūssawe'shtyi's: Naa luuch tyā'wē yūuwa'jsa' jīna.

Nasaretna shawendni

³⁹ Tyajū' Dyus jycaajni leya's cytey yuurra', Galilea quiwesu tyāawe'sh chjamb Nasaretnay Maria Josewe'sha' shawendtyi. ⁴⁰ Atsa' luuchcuē' walaana u'cj Dyus yuwe's jweeírráa piyana, tyā'sa' Dyusí pu'chji'ne' naa pa'ga.

Jesus doce añu jī'pjrra Jerusalenna u'jni

⁴¹ Jesus nji'jwe'sha' añu iisaty Jerusalen chjambna Pascua fiestan u'jue'. ⁴² Sa' Jesus doce añu jī'pjpcachja', Jerusalen chjambna fiestate qui' u'jty, ma'wēne'ta añu iisa u'jue' tyā'wēy. ⁴³ Atsa' fiesta ptsuute', Maria Jose yacj shawendna u'jty. Sa' tyāawe'sh jiyunimeete Jesusa' Jerusalentee neeyūuc. ⁴⁴ Nava nji'jwe'sh yu', Jesusa' nasa wala cshavyte yujna sūjnarráaty teen uta dyi'tje u'j. ⁴⁵ Tyajū' nwe'sh cshavysu jyuca pacuerrava uymeerra', Jerusalen chjambnay pacueya' shawendtyi. ⁴⁶ Sa' tecj ensu' dyuus yatte ley caapiya'jsawe'sh cshavyte wēsē'jna paapējyna u'ptety uy. ⁴⁷ Tyā'wē luuchcuerráarrava tyacue wala leya's jiiira ew paste', jyucaysa cytee wēsē'jna ūssa' wala cuj yaaqui'ty. ⁴⁸ Tyajū' nji'jwe'sh uyrra', cujty yajcy sa' nji'ja' na'jīc:

—Indya' ¿quíjya'nga pta'shmée tyā'wē neeyūu? Cue'sha' wala ñusna pacuetja'w jīte', ⁴⁹ Jesus pasrra':

—Andya' Andy Tata jytjāasnirrá's selpiina u'ptju atsa' ¿quíjya'cue andya's pacué'? jīte', ⁵⁰ tyajy pasni'sa' jiyuya' ājāmeeta'.

⁵¹ Tyajū' Jesusa' neywe'sh yacj Nasaretnay shawendna u'jrra tyāawe'shtyi nwēesē'jnac fi'nze. Atsa' tyajy nji'ja' ma'wē we'weni'sva jiyumeerrava tyajy ūuste pehcana yu' meec yajcyna fi'nze'. ⁵² Tyajū'

Jesusa' walaana u'cj Dyus yuwe's jweefírráa piyana, sa' Dyus dyl'pte ew yúurrac fi'nze, nasaa dyl'pteva tyā'wēy.

Juan Bautista nasa u'pnimée quiwesu Dyus yuwe's pta'shni
(Mt. 3.1-12; Mr. 1.1-8; Jn. 1.19-28)

3 ¹Tiberio Cesar Romate jycaajna u'pni quince añusu' Poncio Pilato' Judeate ne'jue'shcu yu' atsa' Herodesa' Galileate ne'jue'shcu yu'. Naapcachja' tyajy nyacj Felipe' Iturea vite' Traconitete ne'jue'shcu yu'. Atsa' Lisaniasa' Abiliniate ne'jue'shcu yu'. ²Naapcachja' sacerdote npiitstjē'jwe'sh yu' Anas vite' Caifas tyāawe'shtyi yu'. Tyān ensuc Dyusa' tyajy yuwe's nasa u'pnimeesu pta'shya' u'cjan pa'ya Zacarias nchi'c Juana's. ³Atsa' Juana' Jordan yu'wala utyasu msuu msuuva jyuca pecūjc nasaty pta'shna:

—I'cue'sh pcaltyi nvijtrra Dyus tashte shawendrra yu'te mcjēewe ya'bautisāyna, i'cue'shtyi Dyus peltunāycajn jī'c. ⁴Dyus yuwe pta'shsa Isaias na'jīna fi'jni' cytey yuuc:

Nasa u'pnimée quiwesu sus we'wenic ptjūuse' na'jīna:

Dyus pa'jwa'ja's mpjeu'jwe,

Tyā' tjēymée pa'cjan.

⁵Quiwe cafy u'psuva jyuca yuutawa'j yuuna,

Sa' tjā'j wala vite' vits ma'c yuu nava jyuca uucue'jni yuutyna.

Dyl'j ta'ngusava cu'le'jni yuutyna.

Dyl'j ewmeesa's pjeu'jni yuutyna.

⁶Atsa' nasa jyucaysa uyuutyna nwe'wewa'jsa Dyus caajnisas' jīna fi'jni'.

⁷Juan tashte ya'bautisāyya' pa'jsatyi' na'jīnac we'we:

—I'cue'sha' ul weesweesa ji'ji'cue, tyāa pa'ga castigo seena'sa yuja' atsa' tyajū iyuwa'ja's ¿quimga pta'sh? ⁸Tyā'wē castigo seena'saju iyuwa'ja's jiyuyā'jrra', ewrráa yūuna mfi'nzewe, cyaj maava uysa': Naawe'sha' pcaltyi nvijtrra Dyus tashte shawend yujta sūjūtyna. Tyā'jīte', cue'sha' Abrahan ji'tja'w sūjna iiwejch yajcyna fi'nzewa'jme'. Na'jī'tj na': I'cue'shrrámée naa cuet yujtyva Abrahan ji'lj vit-ya' ājāna Dyusa'. ⁹Tyā'wē ewrráa yūuna fi'nzemeete', ama' ij yā'j ūsa' fytūu tashtyi spē'tjya'. Maa fytūu tashva ew yūnmeena atsa' spē'tjrra ipyte cambwa'jrráa yuuna jīnac yu'cypej.

¹⁰Tyā'jīte' nasa' paapējytyi:

—¿Quíjrra yūuna ewrráa fi'nzecytja'w? jīte', ¹¹Juan pasrra':

—E'nz atyj ji'pjrra', ji'pjmeesa'sa' teech ūswal'ja'. Atsa' ū'niva jytjaacue ji'pjrra', vite ji'pjmeesa's puutswa'ja' jīc.

¹²Tyā'wēy gobierno jīi vyu pcjacjsawe'shva yu'te ya'bautisāyya' utyaarra', Juana's na'wēty paapējy:

—Mpeeta'sh, cue'sha' ¿ma'wē yūuna fi'nzecytja'w? jīte', ¹³Juan pasrra':

—Ley macuene' vyu's pēycaja' tyā'srráana mpējywe, íshīrra tjaacue pējymée jīc.

¹⁴Tyajū' soldauwe'shva maaíi yū' tyā'wēy pējytyi:

—Cue'sha! ¿ma'wē yūuna fi'nzeczytja'w? jīte!, tyāawe'shtyiva pta'shcu Juana!

—Maa nasa yujtyva juuna! we'werra tyāawe'sh jīty cusa'jnuwe quīj yujnava. Sa! quīj yujva yuuwemeeteva īshīrra pāatyjī'cjna fi'nzenuwe. Sa! i'cue'shtyi macue deweteva tyāa yacjrrāa wechana mfi'nzewe.

¹⁵Tyā'wē we'wena ūste!, nasa wēsē'ljsa yu' wala yajcyna ūsu'ty: Meerra! ¿naa vāa Cristona? sūjna. ¹⁶Atsa! Juana! jyucaysaty pta'shcu:

—Andya! bautisāyna naasāa yu'terrāatj acje!. Nava andy e'suj vite yuja!, tyā' Dyus Espiritu ipy na'wēsa's i'cue'sh ūuste cyu'acje'jya' ājāwa'ljsa!. Atsa! andya! tyajy pelgatyī wesrrāa yujtyva cijimbya' ājāwa'lmeesatj. ¹⁷Tyā' yujya' scuutyj cweejya'ljni plaatu's cusete at yā'jrra ūsa!. Sa! cweejya'jrra scuutyja's jyaawuuna, nava tama'sa! ipy bagachte yujva ūchjawa'lmeesate cambuna jīc.

¹⁸Tyā'wēc wala kuj jwend yu'cypejna Dyus yuwe's pta'shi' Juana!

¹⁹Sa! ne'jue'sh Herodesa'sva yu'cypejc tyā'wē nyacj Felipe nyu Herodiasa's cusa'jrra, tyāa yacj nyu na'wē fi'nzerra vite! quījva ewmeerrāac yūuna ūsu!.

Atsa! tyāa pa'gac tyā'wē yūuwa'ljme! jīna yu'cypej Juana!. ²⁰Nava Herodesa' nwēesē'jepcachte jwee'fīrrāac tjaacue ewmēe yūu, Juana's carcelte caacyuupja'ljna.

Jesus ya'bautisāyni

(Mt. 3.13-17; Mr. 1.9-11)

²¹Tyā'wē yūumeyna Juana! nasaty yu'te bautisāyna ūste!, Jesusva pa'jrra yu'te ya'bautisāycu. Sa! oraītpcachja!, cielu' pjaatec. ²²Atsa! Dyus Espiritu' Jesus cajcuete tumb chijme na'wēsac vyaana quīj. Naapcachja! cieluju na'wē we'wenic ptjūuse:

—Indya! andy Nchi'c wala wendynisang, atsa! iindypa'ga wala wechana ūstju jīni.

Jesucristo ji'j nyafiiteywe'shtyi pta'shni

(Mt. 1.1-17)

²³Jesusa! treinta añu ji'pjrrac Dyus yuwe's pta'shya! tacj. Jesusa! Jose nchi'ca! jīnisac yu!. Josea!, Eli nchi'ccu yu!. ²⁴Elia!, Matat nchi'ccu yu!. Matatja!, Levi nchi'ccu yu!. Levia!, Melqui nchi'ccu yu!. Melquia!, Jana nchi'ccu yu!. Jana!, Jose nchi'ccu yu!. ²⁵Josea!, Matatias nchi'ccu yu!. Matatiasa!, Amos nchi'ccu yu!.

Amosa!, Nahum nchi'ccu yu!. Nahuma!, Esli nchi'ccu yu!. Esli!, Nagai nchi'ccu yu!.

²⁶Nagaia!, Maat nchi'ccu yu!. Maatja!, Matatias nchi'ccu yu!. Matatiasa!, Semei nchi'ccu yu!. Semei!, Jose nchi'ccu yu!. Josea!, Juda nchi'ccu yu!. ²⁷Juda!, Joana nchi'ccu yu!. Joana!, Resa nchi'ccu yu!. Resa!, Zorobabel nchi'ccu yu!. Zorobabela!, Salatiel nchi'ccu yu!. Salatiela!, Neri nchi'ccu yu!.

²⁸Neri!, Melqui nchi'ccu yu!.

Melquia!, Adi nchi'ccu yu!. Adi!, Cosam nchi'ccu yu!. Cosama!, Elmodam nchi'ccu yu!. Elmodama!, Er nchi'ccu yu!. ²⁹Era!, Josue nchi'ccu yu!. Josue!, Eliezer nchi'ccu yu!.

Eliezera!, Jorim nchi'ccu yu!. Jorima!, Matat nchi'ccu yu!. ³⁰Matatja!, Levi nchi'ccu yu!.

Levia!, Simeon nchi'ccu yu!. Simeona!, Juda nchi'ccu yu!. Juda!, Jose nchi'ccu yu!. Josea!, Jonan nchi'ccu yu!. Jonana!, Eliaquim nchi'ccu yu!.

³¹Eliaquima!, Melea nchi'ccu yu!. Melea!, Mainan nchi'ccu yu!. Mainana!, Matata

nchi'ccu yu'. Matata!, Natan nchi'ccu yu'. ³²Natana!, David nchi'ccu yu'. Davida!, Isaí nchi'ccu yu'. Isaía!, Obed nchi'ccu yu'. Obeda!, Booz nchi'ccu yu'. Booza!, Salmon nchi'ccu yu'. Salmona!, Naason nchi'ccu yu'. ³³Naasona!, Aminadab nchi'ccu yu'. Aminadaba!, Aram nchi'ccu yu'. Arama!, Esrom nchi'ccu yu'. Esroma!, Fares nchi'ccu yu', Faresa!, Juda nchi'ccu yu'. ³⁴Juda!, Jacob nchi'ccu yu'. Jacoba!, Isaac nchi'ccu yu'. Isaacja!, Abraham nchi'ccu yu'. Abrahamana!, Tare nchi'ccu yu'. Tare!, Nacor nchi'ccu yu'. ³⁵Nacora!, Serug nchi'ccu yu'. Seruga!, Ragau nchi'ccu yu'. Ragaua!, Peleg nchi'ccu yu'. Pelega!, Heber nchi'ccu yu'. Hebera!, Sala nchi'ccu yu'. ³⁶Sala!, Cainan nchi'ccu yu'. Cainana!, Arfaxad nchi'ccu yu'. Arfaxada!, Sem nchi'ccu yu'. Sema!, Noe nchi'ccu yu'. Noe!, Lamec nchi'ccu yu'. ³⁷Lamecja!, Matusalen nchi'ccu yu'. Matusalena!, Enoc nchi'ccu yu'. Enocja!, Jared nchi'ccu yu'. Jareda!, Mahalaleel nchi'ccu yu'. Mahalaleela!, Cainan nchi'ccu yu'. ³⁸Cainana!, Enos nchi'ccu yu'. Enosa!, Set nchi'ccu yu'. Setja!, Adan nchi'ccu yu'. Adan yu', Dyus cuseju yuu pjeul'nisac yu'.

Echtjê'j Jesusa's îshii wëeni

(Mt. 4.1-11; Mr. 1.12-13)

4 ¹Dyus Espiritu Jesusa's jype'jya' jyucate vyaanijû', Jesusa' Jordan yu'walaju casejc, atsa' Espiritu' pe'jna u'cj nasa u'pnimeesu. ²Cyteea' cuarenta en quîj yujva û'mée u'prra', wëec. Atsa' echtjê'ja' pa'cj ewmée vit wëerra. ³Sa' pa'jrra na'jîc: —Dyus Nchi'c dyijrra', naa cueta's pan myuucaaj jîte!, ⁴Jesus pasrra': —Nasa' pan yacjrráa yu' îtyî fi'nzemeetyna, naasáa jyuca Dyus we'weni yacj yuurráa îtyî fi'nzetyina jîna fi'ljni ūsa' Dyus librute' jînac pas. ⁵Tyajû' echtjê'ja' teech tjâ'tje Jesusa's pe'jna u'jrra', tyâa vitsu mtee mtee chjamb walatyva caavya'ja'jrra, ⁶na'jîc: —Naa chjambtyi pety quiwe quîjquîjtyva jyuca indyrrarrá's ūsu'nja. Na' jyuca andy cuseterrarráa ducjnisata' atsa' maava andy wendynisa yu'sa' ūsurrá'nja. ⁷Indyva andy tashte peejyücüerra neewe'wene'nga atsa', jyuca iindy jîirráa yuutyna jîte!, ⁸Jesus pasrra': —Indyna jype'jsa Dyusrá's neewe'wewalja', sa' tyáarrá's selpiwalja' jî'c Dyus librute atsa' echtjê'j andy tashu me'j jîc. ⁹Tyâa e'su', echtjê'ja' Jesusa's Jerusalenna pe'jna u'jrra, dyuus yat êete caateca'jrra' na'jîc: —Dyus Nchi'c dyijrra', cute ayjyu mûpj quiwecjê. ¹⁰Tyâa pa'gatey Dyus librute we'werra': Tyajy angeleswe'shtyi jycaajana indya's nwe'wecajn. ¹¹Atsa' angeleswe'sha' cusete jypa'gatyna, iindy chinda cуетte cpã'yúucajmen jîte!, ¹²Jesus pasrra': —Dyus librute': Indyna jype'jsa Dyusa's jycaajwalj jî'pmeeng jî'c jîna paste!, ¹³echtjê'ja' âjámée yâ'jrra, Jesusa's nvijtrra u'cj sa' manz en yu' vyaame!.

Galilea quiwesu Jesus mjiiya' tacjni

(Mt. 4.12-17; Mr. 1.14-15)

¹⁴Tyajü' Jesusa' Dyus Espiritu jype'jni qui' Galileate shawendna pa'tje', tyã quiwesu nasa' jyuca Jesusrrarrá'styi we'we' quíjquijva yũ'c jina. ¹⁵Tyajü' Jesusa' judiuwe'sh pcjaacjenisu Dyus yuwe's caapiya'tje', jyucaysa wala wechana tuutje'je'ty.

Jesusa' Nasaretna u'jni

(Mt. 13.53-58; Mr. 6.1-6)

¹⁶Tyajü' Jesusa' Nasaretnac u'j, tyajy walaní chjambna. Sa' cyte pa'ljrra', sapatu jycaase ensu' ma'wëne' yũ' tyã'wëy, judiuwe'sh pcjaacjenite u'carra yujuc Dyus libru's lëyya'. ¹⁷Atsa' Dyus yuwe pta'shsa Isaias libru'styi ũs. Atsa' na'wë fi'jnicjêc libru's pjaande:

¹⁸Dyus Espiritu' andy yacj ũsa',

Tyãasac andya's tyjityj yuwe ewsa's puuplety pta'shcajn.

Ūste ñusna u'psatycu cviisha'jya' andya's caaj,

Yuuwesa preesuty nwe'wewa'ja'scu pta'shya' caaj,

Sa' uysameetyi' caayu'jna,

Pcyuunisatyi' nwe'werra,

¹⁹Jyucasa wechana neeyũuwa'j añu ãani's pta'shya'c caaj jini's lëyrra', ²⁰Jesusa' libru's apjrra, judiuwe'sh pcjaacjenite pu'chsa's ducjna'va, cachcu. Atsa' jyucaysa judiuwe'sh pcjaacjenite ũssa' iviitumeety Jesusa's tjengna neeyũu ũytjãsna. ²¹Atsa' Jesusa' na'jĩnac pta'sh:

—Na'wë fi'jnisas wësë'ji'cue tyã' ãhjã' cytey yuuwa'j en ãjc jïc.


²²Tyajü' jyucaysa Jesusa's ewrráaty we'wena kuj yajcyna neeyũu, tyã'wë zhichcue pta'shte'. Sa' puuty paapëyi'ty:

—Naa pitstjê'ja' ¿Jose nchi'c meená'? jíte', ²³Jesus pasrra':

—Isa yuuva i'cue'sha' andya's naa sũjũ'ne'cue: Yu'tse'jsa, indyí mya'yu'tse'j. Sa' na'jĩya'vane'cue: Capernaumte quíjquijva ew yũuc jini's wësë'je'tja'w tyãatyi' tyã'wëy myũu ayte iindy quiweteva jĩa'vane'cue jĩrra', ²⁴qui' we'wec:

—Isatj we'we': Dyus yuwe pta'shsa' peecy quiwesu' weechni yuurráa fi'nzetyna maava. ²⁵Dyus yuwe pta'shsa Elias ensu Israel quiwesu' wala kuj viuda ũsu'ty, na'wë tecj añu y medio nus pa'ljmeete', wala wëjê pa'cj tyãa ensu. ²⁶Nava Dyusa' Eliasas' cyanzcuê viuda tashsu jyuca yu' caajmëe, naasáa Sidon chjamb wala pucasu Sareptate teech viuda tashte yuurráac caaj. ²⁷Tyã'wëy Israel quiwesu' wã'jy weete wala ätsã'sa ũsu'ty, Dyus yuwe pta'shsa Eliseo ensu. Nava maa yujtyva nuycatyjimëe, naasáa Naaman Siria quiwetewe'sh yuurrá'scu nuycatyji jíte', ²⁸wësë'jĩrra', judiuwe'sh pcjaacjenite u'psa' wala ũusachana, ²⁹quiiterra Jesusa's chjambuj cutyi'jty. Tyãa chjamb Nasaret yu', tjã'j vitsgac ũsu', atsa' tyãa peña vitsujty ucapajcyya'va yu'.

³⁰Nava Jesusa' tyãawe'sh cshavysu uymeyna scjêwrra u'cj.



(San Lucas 4.19)

Ech iiyamunisa

(Mr. 1.21-28)

³¹ Tyajū' Jesusa' Galileate Capernaum chjambte pa'jrra', sapatu jycaase ensu' Dyus yuwe's pta'shna ūsu'c. ³² Atsa' nasa' wala kuj yajcyna wēsē'je'ty, tyā'wē Dyusa's nwēese'jwa'ja's ūucjnus pta'shpa'ga. ³³ Atsa' cyte judiuwe'sh pcjaacjenite teech pitstjē'j u'pu'c, ech iiyamunisa. Tyā' suscu na'ljīna we'we:

³⁴ —Jesus Nasaretjuwe'sh, cue'shtyi' ¿quijnga yūu wējē'? Cuch yuunu. Meerra' ¿iviituya'vangá'? Indy quimteva jii'tj. Indya' Dyus caajnisang jīte', ³⁵ Jesusa' tyāa ech luucu vit-sa's juuna'c na'ljīna we'we:

—Shuuna' myuu, sa' naa pitstjē'j ūusuj mcaasej jīte', tyāa echa' tyāa pitstjē'ja's nasaa cshavysu pētyrra tyajy ūusuj casejc quij yujva cpā'vitmēe.

³⁶ Tyā'wē yūute', jyucaysa ūucjrra tyāawe'sh pwe'sh na'ljīnaty puuty we'we':

—Jesusa' ¿quimqui saqui'c tyā'wē juuna' jycaajna we'weterrāa ech yujva nwēese'jrra' caseje'? jī'ty.

³⁷ Atsa' Jesus tyā'wē yūuni's msuuva jyucaty wala tuutje'je' tyāa ja'ndasu.

Pedro nyu nji'ja's Jesus nuycatyjini*(Mt. 8.14-15; Mr. 1.29-31)*

³⁸Tyajü' Jesusa' judiuwe'sh pcjaacjenijü casejrra', Simon yattec pa'j. Atsa' Simon nyu nji'ja' wala cacuesecte ätsä'na üsu'c. Tyajü' Jesusa's pytjaa we'wena pta'shtyi. ³⁹Atsa' Jesusa' ätsä'sa tashte cüjrra cacuesec üchjacajn we'wec. Naapcachja' cacueseca' üchjate', quitterra selpiiya' casejc.

Jyuca chji'ndyitste maanzcuëesatyva nuycatyjini*(Mt. 8.16-17; Mr. 1.32-34)*

⁴⁰Tyajü' sec cjējētste', nasa quijquij weeterraj ätsä'satyva jyuca Jesus tashte nuypa'jty. Atsa' ätsä'sa cacuesu cuseju jya'ndyrrarráa jyuca nuycatyjic. ⁴¹Tyāa ätsä'sawe'sh maafi yu' ech luucu vit-sa's üuste jipjteva tyāa echva sujs na'jina casejty:

—Indya' Dyus Nchi'cngu jina. Tyāawe'sha' Dyus Nchi'cteva jiity yu'. Nava Jesusa' juuna' we'werra jwee yu' cwe'weljme'.

Galileasu Dyus yuwe's Jesus pta'shni*(Mr. 1.35-39)*

⁴²Cjicjiitste', Jesusa' chjamb eca jyu'j lajcysuc casej. Nava nasa' cyteeva pacuena pa'jty, vite ajsu u'cjamén neevishaya'. ⁴³Nava Jesusa' na'wéc pta'sh tyāawe'shtyi':

—Dyus jycaajwa'j yuwe's pta'shwa'j jip'tju vite chjambsuva. Tyā'wē yūuya' írráa caajnisatj jic.

⁴⁴Tyāasac Galilea quiwesu judiuwe'sh pcjaacjenisu Dyus yuwe's pta'shna pecüj.

Wendy ucjete wendy seena' wala cjëeni*(Mt. 4.18-22; Mr. 1.16-20)*

5 ¹Teech ente' Jesusa' Genesaret ícj pucate üste', nasa' cytee zuuna'rráaty utana pa'j Dyus yuwe's wësë'j wëerra. ²Tyajü' Jesusa' e'nz barco ícj pucasu namu jipjmée üstec uy, namu wendy-uwesaawe'sh yu' casejrra, wendy ucjety tjetjnaty üs yu'. ³Atsa' Jesusa' teech barco Simon jüite cjëerra, yu'te wejcuë u'jrrac, cytee cachrra, Dyus yuwe's pta'sh nasaty. ⁴Sa' Dyus yuwe's pta'shna jyäljrra', Simona's na'jic:

—Barco's ícj wala pyäjte pa'j jyüna u'jrra tycjée ucje's macj wendy uweya' jite', ⁵Simon pasrra':

—Cue'sha' teech cus utatja'w mjüina pe'te, nava teech wendyrráa yujva uwemeetja'w. Nava iindy jycaajni's cytey yu'nja jürra', ⁶cytey yuute', wendy wala kuj cjëety, atsa' ucje' suteetscu yu'. ⁷Tyajü' vite barcote üssaty pu'chya' yuucajn cuseju pa'yaty. Atsa' tyāawe'shva cüjrra', cashish pu'chrra tyāawe'sh jüiteva äshtyi. Nava e'nz barcotey utarra dujuaate', ícj dyiicjé cjëeya'vaty yu'. ⁸Tyā'wē yuute', Simon Pedro' Jesus tashte peejyücuerra na'jic:

—Andya' pcalstaj atsa' andy tashu mtyutéé jïc.

⁹Cyaanzcuëe wendy cjëete!, Simon Pedro' wala ùucjrrac tyã'jì!, atsa' nasa cytee ùssava tyã'wëytyi ùucj. ¹⁰Zebedeo nchi'cwe'sh Jacobo Juan tyãawe'sha' Simon yacj wendy uwe pu'chna u'jusaty yu' sa' tyãawe'shva tyã'wëytyi wala ùucj. Nava Jesusa' Simona's na'jïc:

—Ùucjnu, ächjüyã'ja' peena yu' wendy uwen u'jumée nasaty Dyus jii pcjajcjsa yuune'nga jite!, ¹¹barcoty ïcj pucatee jyuca nvijtna'va Jesus yacj u'jty.

Teech pitstjê'j wã'jy weete ätsã'sa's Jesus nuycatyjini

(Mt. 8.1-4; Mr. 1.40-45)

¹²Jesusa' teech chjambte ùste!, teech pitstjê'j wã'jy wee seena' canzh ji'pjsac pa'j. Sa' Jesusa's uyna'va, quíitsjurra peejyücuec na'jina:

—Andya's nuycatyjivá'nga ajtsemeerra' jite!, ¹³Jesusa' cuseju jya'ndyna'va, na'jïc:

—Ajtseme'nja, naa pa'ga catyjirra mneeyüu jïtspcachja', tyãa wã'jy weeju catyjirrac neeyüu. ¹⁴Atsa' Jesusa' na'wëc jycaaj:

—Maa yujtyva pta'shmeene'nga, naasáa sacerdoterrá's iindy cacue's tywesya' me'j. Sa' tyãa weeju catyjipa'ga Dyusna peesune'nga Moises ma'wëga jycaaj tyã'wëy, cyaj nasa jyucaysa jiyutyna indy ew catyjirra neeyüuteva jïnac jycaaj.

¹⁵Tuutje'cjameeteva, nasa' jweefírráaty Jesus ew yüuni's tuutje'je'. Atsa' wësê'jya' wala pcjaacje'ty, ätsã'satyva quíj weejuva nuycatyjicajn. ¹⁶Nava Jesusa' nasa u'pnimeesu u'jrrac, Dyus yacj puuty we'we'.

Ësëya' äjasame's Jesus nuycatyjini

(Mt. 9.1-8; Mr. 2.1-12)

¹⁷Jesusa' teech chjambte Dyus yuwe's pta'shna ùste!, cyteea' fariseowe'sh vite' Dyus leya's caapiya'jsawe'shva Galileaju Judeaju vite' Jerusalenu tyajüwe'sh pa'jrraty cysü cachrra u'pu'. Atsa' Dyus pu'chni yacja' Jesusa' ätsã'satyva nuycatyjic. ¹⁸Tyajü' ësëya' äjásameea's yacjrra nuypa'jty. Sa' Jesus tashte pa'j nuycüj wëety. ¹⁹Nava nasa wala ùste!, u'caya' äjámeerra yat èete tejcarraty tycjê nuyquíj ätsã'sa's Jesus üsnicjê. ²⁰Tyajü' ätsã'sa's yacjsawe'sha' Jesusa' nuycatyjiyujuna süjni's jiyurra', ätsã'sa's na'jïc:

—Iindy pcala' peltunäyini yã'jty neeyüu jite!, ²¹Dyus leya's caapiya'jsawe'sh vite' fariseowe'sha' ùuste na'wëty yajcyna u'pu': Naa pitstjê'ja' ¿quii'mna saga Dyusa's iiweech we'wé'? Dyus yuurráa pcalty peltunäyia' äjawa'jsa', atsa' jweeju yu' ¿quimrrá' peltunäyia' äjãma'c? süjü'ty.

²²Atsa' Jesusa' tyãawe'sh ùuste yaacyni's jiyurra' na'jïc:

²³—¿Quij yüutecue tyã'wë yaaquí'? ¿Maa tjëyeesacy? Iindy pcala' peltunäyini yã'jty neeyüu ¿jiniá'? Meerra': Quiiterra me'j ¿jiniá'? ²⁴Tyã'wë



(San Lucas 5.18)

tjēysateva Dyus Nchi'c Nasa Yuusá! naa quiwete pcaltyi peltunāyya' ājāwa'jsa! naa pa'ga caajiyu'jya'vatj āchja' jirra', tyajū' tyāa ēsēya' ājāsameea's we'wec:

—Indya'stju we'we!: Quiterra iindy deeni's tu'srra yatna me'j jīte',
 25 dundtey tyāa ātsā'sa' quiitena' tyajy deeni's tu'srra yatna u'cj, Dyusna wechana tuutje'jna. 26 Jyucaysa cytee ūssa' wala kuj yajcyna we'wena, Dyusráanaty wechana tuutje'je' sa' tyā'wē ūucjnavā na'jī'ty:

—Bagach yujva tyā'wē yūunisa yu'sa' iuymetja'w jī'ty.

Mateo's Jesus pa'yani
 (Mt. 9.9-13; Mr. 2.13-17)

27 Tyāa scjēwa', Jesusa' casejrra', gobierno jīi vyu pcjacjsa Levi yaasesa's vyu pcjacjnite cachrra u'pte uyrra':

—Andy yacj myuj jīte!, ²⁸Levia' quiitena'va quījnavá jyuca nvijtrra Jesus yacj u'cj.

²⁹Tyāa e'su', Levia' tyajy yatte fiesta wala ewsa vitcu Jesusa's pi'cyrra'. Atsa' cyte' gobierno jīi vvyu pcjacjsawe'sh wala cujsa vite' nasa ma'wēsava Jesus yacj ij mesate cachtyi. ³⁰Atsa' fariseowe'sh vite' ley caapiya'jsawe'sha' Jesus yacj u'jusawe'shtyi' na'wēty atsewe'we:

—I'cue'sha' ¿ma'wētecue tyā'wē gobierno jīi vvyu pcjacjsawe'sh yacj vite' pcalsawe'sh yacj ū'wé'? jīte!, ³¹Jesus pasrra':

—Yu'tse'jsa's jypeejymeeta' aca ji'pjmée wēt ūssa', naasáa ātsā'sa yuurráa yu'tse'jsa's jypeejyta'. ³²Andya' nasa ewsaty pacueya' quījmeetj, naasáa pcalsaty pacueya'rráatj quīj, cyaj ewmée yūuna fi'nzeni's nvijtrra Dyus tashte shawenduutyna jic.

Yūunani's Jesusa's pēyni

(Mt. 9.14-17; Mr. 2.18-22)

³³Tyajū' tyāawe'sha' Jesusa's na'wēty paapējy:

—¿Ma'wērrata Juan yacj u'jusa vite' fariseowe'sh yacj u'jusa tyāawe'sha' tajtatey yūunaana Dyus yacj puuty we'wena fi'nze'? Naapcachja' indy yacj u'jusawe'sh yu' yūunameety fi'nze' jīte!, ³⁴Jesus pasrra':

—I'cue'sha' ¿ptamu en fiestate', pi'cynisatyi' caayūuna'jya' ājāma'cue, novio tyāawe'sh yacj nee ūsiite'? ³⁵Nava novio' tyāawe'sh tashu tyuteewa'j en pa'jana, tyajū isa yūunaatyna jīrra', ³⁶naa ejemplo's caaja'nda'jnac pta'sh:

—Ropa iish suteniite, tela u'sesa yacj ya'pā'cje'tsme'. Tyā'wēme' tela u'sesa' jweefirráac sunde' iishsa's. ³⁷Sa' tyā'wēy beca u'se aajnisa's slun iishsate ya'awu'tsme'. Tyā'wēme' beca u'sesa' slun iishsa's sunde'c, atsa' beca yacj slun yacj e'nzīi vitu'ty. ³⁸Tyāa pa'ga beca u'sesa's slun u'sesate awwa'ja'. Tyā'wē yu', maa yujva vitumeetya. ³⁹Atsa' maava beca jyaawniisa's tundysa', beca u'sesa's yu' tundyya' wa'lu'c, jyaawniisarráa jytjaacue ewa' jīrra.

Jycaase enteva scuutyjtyi chuctenderra ū'ni

(Mt. 12.1-8; Mr. 2.23-28)

6 ¹Teech sapatu jycaase ente', Jesusa' scuutyj ejsu u'juetste!, tyāa yacj u'jusawe'sha' scuutyjtyi ūjndena nīñtyi sūupijrra ū'ty. ²Atsa' fariseowe'sh maai' yu' pējtytyi:

—I'cue'sha' ¿mjīipa'gacue mjīi en meeteva tyā'wē yū'? jīte!, ³Jesusa' na'wēc pas:

—I'cue'sha' Dyus libruite iilēeymeevá'cue' Davida' ¿quījga yūu? tyāa yacj pi'cyna u'jusawe'sh yacj teeche ente' wēerra', ⁴dyuus yatte u'carra cytee panty ū'c, sa' tyāa yacj u'jusawe'shtyiva ūsu'scu. Tyāa pana' naasáa sacerdotewe'shrráa ū'wa'tje jiirrava tyā'wēc yūu. ⁵Atsa' Dyus Nchi'c Nasa Yuusaava macue sapatu jycaase enteva jycaajwal'j ji'pja' jic.

Teech pitstjē'j patsu cuse undynisa

(Mt. 12.9-14; Mr. 3.1-6)

⁶Vite sapatu jycaase ensu!, Jesusa' judiuwe'sh pcaacjenite u'carra, Dyus yuwe's pta'shya' tacjcu. Atsa' cyte' teech pitstjē'j patsu cuse undynisac u'p yu!. ⁷Atsa' Dyus leya's caapiya'jsawe'sh vite' fariseowe'sha' Jesusa's peetjengu'naty ūsu' tyā'wē sapatu jycaase enteva nuycatyjite' pāatyji'cjya' sūjrra. ⁸Nava Jesusa' peetjengu'sawe'sh tyā'wē ūs yaacyni's jiyurra', na'jīc tyāa pitstjē'j cuse undynisa's:

—Quiiterra, nasaa pyājte myuju jīte!, tyāa pitstjē'ja' nasaa pyājtec yuju. ⁹Atsa' Jesusa' nasa cyte ūssaty na'jīc:

—I'cue'sh ꞑma'jīqu'icue? Sapatu jycaase enteva, pu'chte ꞑewmañ? meerra' ꞑpu'chwa'jmeemañ? Nasa's nwe'wete ꞑewmañ? meerra' nwe'wemeete ꞑewmañ? jīrra, ¹⁰Jesusa' nasaty tjengrra', tyāa ātsā'sa's na'wēc jycaaj:

—Cuse's mcu'le'j jītspcachja' tyā'wēy yūute!, tyajy cuse' ewuuc. ¹¹Nava vitesa yu' wala ūsachaty, sa' puuty paapēyi'ty: Jesusa's ꞑma'wē yūurra ewmeete nviitucytja'w? jīna.

Docesaty Dyus yuwe's pta'shya' caajni

(Mt. 10.1-4; Mr. 3.13-19)

¹²Tyān ensuy Jesusa' Dyusna pējyya' u'cj tjā'tje sa' teech cus utac Dyusna pējyna pe'te. ¹³Sa' cjiçjyna sējte!, tyā'sna pi'cyna u'jusa cujsaty pa'yarra', doce nasa tyjityjcu tyajy jycaajwa'j. ¹⁴Tyāawe'sha' naarrajtj yu!: Simon, tyā'sa' Pedro yasec qui'p. Vite' nyacj Andres, tyajū' Jacobo, Juan, Felipe, Bartolomé, ¹⁵Mateo, Tomas, Alfeo nchi'c Jacobo, Simon cananista nasa, ¹⁶Jacobo nyacj Judas, vite' Judas Iscariote, Jesusa's atsesawe'sh cusetē ducjwa'jsa.

Nasa seena' wala cujsaty Jesus caapiya'jni

(Mt. 4.23-25)

¹⁷Jesusa' tyāa yacj u'jusawe'sh yacj tjā'j vitsu jysa'jna quījrra', teech ajte tyactec yuju nasa wala cujsawe'sh yacj. Tyāa nasa' Judea quiwesuwe'sh, Jerusalen chjambuwe'sh, vite' i'çj wala pucasu Tiro Sidon chjambuwe'shtyi Jesus pta'shni's wēsē'jya' pa'j, atsa' vite' ātsā'sa Jesus nuycatyjicajntyi pa'j. ¹⁸Sa' ech luucu vit-saty ūuste jī'pjsava Jesus cutyi'tje!, catyjirraty neeyū!. ¹⁹Atsa' nasa jyucaysa cyte ūssa' Jesusa' jya'ndyya' wala pa'pchu'ty, tyā'wē jya'ndyrrarrāa maava catyjitstety uyu!, tyāasaty tyā'wēy yūu wējē'.

Wechana fi'nzewa'jsa vite' ñuste pa'jwa'jsa

(Mt. 5.1-12)

²⁰Tyajū' Jesusa' tyāa yacj u'jusawe'shtyi tjengrra', na'jīc:

—I'cue'sha' quījva jī'pjmerrava cuj yajcymée wechana mfi'nzewe, tyāa pa'gately Dyus jycaajna ūsni' i'cue'sh jī' naa pa'ga.

²¹I'cue'sha' áchjíi yu' wēena ũsrrava wechana meswe, tyāa pa'gatey wala sã'jĩni yuune'cue.

I'cue'sha' áchjíi yu' ñusna ũsrrava wechana meswe, tyāa pa'gatey shijcana fi'nzewa'ja's jypa'gawa'jsai'cue.

²²I'cue'sha' Dyus Nchi'c Nasa Yuusa's nwēesē'pja'ga ewmeesatjas i'cue'sh yasety atsewe'wena tyāawe'sh tashu cutyi'jna tyā'wē yūutsteva, wechana mfi'nzewe. ²³Tyāniitey Dyus yuwe pta'shsawe'shtyiva tyā'wēty pcyuu na' áchva tyā'wēyrráa yuutyna. Nava ñusmēe wechana mfi'nzewe, tyāa pa'gatey cielute peesni's jypa'gawa'j ji'pji'cue.

²⁴Nava ji'pjsawe'sh áchjii wechana fi'nzeni ptsunijü', wala yuj ñuste pa'ljane'cue.

²⁵I'cue'sha' áchjii' wēt tyicna ũsi'cue, nava e'su pytjaa yuj wējēne'cue. I'cue'sha' áchjii' shijcana ũsi'cue, nava e'su ñusna ũ'nene'cue.

²⁶I'cue'sh yu', áchjii yu' maa maa nasava ewrráa tuutje'jni fi'nzerrava, e'su ñuste neeyūune'cue. Nyafiiteyva Dyus yuwe's pta'shsatja'w jina ishĩina u'jusatyi' tyā'wēty ewsata' jina tuutje'je'.

Atsesaty peeygāawa'ja'

(Mt. 5.38-48; 7.12)

²⁷Nava ayte wēsē'jna ũssa i'cue'shtyi' na'wētj jycaaja': Puíi jypacuesatyi' mpeeygājwe. Atsesatyi' ew yūuna mfi'nzewe. ²⁸Ewmēe nuywe'wesatyi's ca'tu' ewrráa mwe'wewe. Wēeshusatyi' tyāawe'sh pa'gate Dyusa's mneewe'wewe. ²⁹Indya's pucacuetga pejtyate', ca'tuwe'sha'sva petyacajn mes. Maa' atyja's cusa'jatsyā'tje', puimēe cmiisa yujnava mes. ³⁰Pe'wsa's mes, sa' iindy ji's cusa'jrra', ducjmeeteva pāatyji'cjna pēynu. ³¹Maa nasava i'cue'shtyi ewrráa yūuna fi'nze jytjāasrra', i'cue'shva tyā'wēy maa nasatyva ewrráa yūuna mfi'nzewe. ³²I'cue'shtyi peeygāasarráaty ca'tuva peeygājrra', ew yūusatja'w ¿jīya' ājāma'cue? Macue nasa ewmeesarrava tyā'wē peeygāasarráaty peeygājya' yu' ājā'ty atsa'. ³³I'cue'shtyi ew yūusarráaty ca'tuva ew yūurra', i'cue'sha' ew yūusatja'w ¿jīya' ājāma'cue? Macue pcalsarrava tyā'wē ew yūusarráaty ew yūuya' yu' ājā'ty. ³⁴Sa' i'cue'shtyi qui' caashwendu'jya' ājāwa'jsarrá's pqui'jrra', i'cue'sha' pu'chsatja'w ¿jīya' ājāma'cue? Macue nasa ewmeesarrava, tyā'wē caashwendu'jya' ājāwa'jsarráaty pqui'jya' yu' ājā'ty. ³⁵Wejyva i'cue'sha' puíi jypacuesaaty peeygājna fi'nze ji'pji'cue, sa' pqui'jrrava jytjaacue caashwendu'juna sūjmēe mfi'nzewe. Tyā'wē ew yūusaaty' Dyusa' wala deweena, atsa' i'cue'sha' cielute Dyus luuch yuune'cue, tyāa pa'gatey Dyus cielutewe'sha' tyā'sna yaacysamēe macue ewmeesateva ca'tu' ewrráa yūuna ũsa'. ³⁶I'cue'sha' peeygāasa myuuwe, i'cue'sh Tatava ma'wē peeygāasana tyā'wēy.

Jiimeerra' nuywe'wewa'jme'

(Mt. 7.1-5)

³⁷Ma'wēsateva jiimeerra', ewmeesata' jina we'wewa'jme', tyā'wē yūupa'ga i'cue'shva Dyus dyi'pte ewmeesa yuuya'mēe. Vitety nuywe'wewa'jme', ca'tuva nuywe'wecajmén. Ājmēe yūusaaty peltunāywa'ja', Dyusva i'cue'shtyi

peltunāycajn. ³⁸Vitety peeswa'ja, ca'tuva i'cue'shtyi Dyusa' peescajn. Macue isarra vitety peeste', ca'tuva i'cue'shtyi Dyusa' tyāa isanitey ew uta pu'quisu'sna zuuna' āshrra peesnisa's jy'pa'gane'cue.

³⁹Teech ejemplo caaja'nda'jrra' na'wēc pta'sh:

—¿Yafy ji'pjmeesa' viteva tyā'wēysa's dyi'tje pe'jna u'jya' ājāma'c? ¿E'nzfi cafycjē cjēemeema'ty? ⁴⁰Piyasá' caapiya'jsate jytjaacuesame'. Nava maava jyuca piyan jyā'jrra yuurráa, caapiya'jsa na'wēy yuuna. ⁴¹¿Ma'wērra iindy yacjtjē'j yafyte cytā' le'chcuēesa cjēerra ūsteva, uyya' ājāqui'ng? iindy yafyte yu' fytū pe'la yuu walasa cjēerra ūste! ⁴²¿Ma'wērra iindy yacjtjē'ja's pēyiqui'ng: iindy yafyte cytā'a's cutyi'ji'nja jina? iindy yafyte yu', fytū pe'la walasa cjēerra u'pteva tyāa yu'sa' uymeerra'. Āacjērráa ew we'wena u'jusatjē'j, iindy yafyte fytū pe'la walasa cjuē'yna mcuutyi'j, sa' tyā'wē yūurrarráa iindy yacjtjē'j yafyte cytā' le'chcuēsa's cutyi'jya' ājāne'nga.

Nasa ma'wē yūutsteva mpa'yajcywe jiyuya'

(Mt. 7.17-20; 12.34-35)

⁴³Fytūu tash ewsa', ewsa'írrác yūnu', nava fytūu tash ewmeesa', ewmeesa írrác yūnu'. ⁴⁴Fytūu tash ma'wēsateva yūntec isa ew ya'jiyu'. Brevsa's cjāas tashte ya'unde'tsme', sa' uva's tsjūtsj tashte ya'unde'tsme'. ⁴⁵Nasa ewsa' ewrráaty we'we', ewsa's ūste ji'pna tyāa pa'ga. Nava nasa ewmeesa', canzhrráaty we'we', tyāa pa'gatey ūste yuu, canzhsa u'pna atsa' we'wenisa' ūsusjne' caseje' naa pa'ga.

Dyusa's nwēese'jsa vite' Dyusa's nwēese'jsamée

(Mt. 7.24-27)

⁴⁶I'cue'sha' andya's Jype'jsa ji'i'cue sa' ¿quij yuurracue andy jycaajni's cytey yu'tsmée? ⁴⁷Maa nasava andy tashte utyaarra', andy we'weni's nwēesē'jrra jycaajni's cytey yūusa' tyā' na'wēsa': ⁴⁸Teech pitstjē'ja' yu'wala pucate cuet walate caachinda'jrra yat tyajc. Tyajū' yu' walaarra', cysū afijmbna scjēwrrava yata's quēesē'jme', cuette caachinda'jrra tyaaajnipa'ga. ⁴⁹Nava maa nasava andy we'weni's wēsē'jrrava, andy jycaajni's cytey yuumeena tyā' teech pitstjē'ja' yu'wala pucate yata's cuetmuse cajcueterráa tyaaajni na'wēsa'. Yu' walaarra', tūchjarra tyāa yata's pētyrra jyuca suwcu.

Soldau cpiitan jype'jnisa's Jesus nuycatyjini

(Mt. 8.5-13)

7 ¹Tyajū' Jesusa' nasaty Dyus yuwe's pta'shna jyā'jrra', Capernaum chjambna u'cj. ²Tyāa chjambte' teech cpiitan ūsu'c romanowe'sh. Sa' tyāa cpiitana' teech selpisáa ji'pju'c wala peeygāanisa. Nava wala ātsā'rra uuya'vayā'cj yu'. ³Tyajū' cpiitana' Jesusa' ma'wēsatyva nuycatyji'c jīni's wēsē'jrra', judiwe'sh pcjaacjenite npiitstjē'jsaty jycaacj Jesusa's pytjaa we'weya', tyā'sna selpisa's nuycatyjiya' yuucajn. ⁴Atsa' tyāawe'sha' Jesusa's utyaarra', na'jīnaty pytjaa pi'cyna we'we:

—Tyāa cpiitana'sa' indy pu'chvatsa' ewna sūjū'tja'w. ⁵Tyā' cue'shtyi peeygājrra pcjaacjewa'j yat yujva ctyaaja'cj naa pa'ga jīte', ⁶Jesusa' tyāawe'sh pe'jni u'cj. Nava yat utya pa'jatsterrāa, cpiitana' tyajy namicuty caacja Jesusa's na'jīcajn:

—Andya' wala ājmecuesatj atsa' wejy yuuva andy yatte u'caya' yujmēe tee yuu. ⁷Andya' tyā'wē ājmecuesarra írráatj indya's andy yuu pacueya' yujya' tjaame. Atsa' wejy yuuva tyājúrrāa yuwejurrāa mwe'we atsrrāa andya's selpisa' catyjina. ⁸Andyva jwee npiitstjē'jsa jycaajni's nwēesē'jna ūstju, nava jweeju andy jycaajnisā soldau ji'ptju. Sa' tyāawe'shtyi' teehsa's me'j jīte', andy jycaajni's cytey yu'c. Sa' vite's pa'yate', tyāava cytey nwēesē'je'c. Sa' andya's selpisa's quīj jycaatjeva, cytey yu'c jīnac yuwecaaj.

⁹Tyajū' na'wē cpiitan yuwe caajni's Jesus wēsē'jrra', cuj yajcynac neeyūu. Sa' e'ste yuusaty tjengrra' na'jīc:

—Isatj we'we', Israelwe'sh mteewe'sh yujva tyā'wē andy we'weterrāa catyjina sūjsa yu' iuymēetj naa cpiitan na'wēsa yu' jīc. ¹⁰Tyajū' jycaajnisawe'sha' yatnay shawendrra', cpiitan jype'jnisa' catyjyā'j u'ptety uy.

Viuda nchi'ca's Jesus ĩtyi vitni

¹¹Tyāa e'su', Jesusa' teech chjamb Nain yaasesatec pa'jya' u'j, tyāa yacj u'jusawe'sh vite nasa cujsa yacj. ¹²Sa' chjambte u'catste', teech uusá's pendaaya' nasa wala cuj u'juetstec uy. Tyāa uusá' viuda nchi'c tyāarrāasac yu'. ¹³Atsa' Jesus uyrra', tyāa viuda's peeygājrra cviisha'jna:

—Ū'nenuch jīnac we'we.

¹⁴Sa' Jesusa' utyaarra, taula's jya'ndycu. Atsa' yacjrra u'jsa', nee yujuty. Naapcachja' Jesusa' uusá's na'jīc:

—Pitstacy, mquīite jī'tj indya's jīte', ¹⁵uusá' cachrra we'wec. Atsa' Jesusa' njī'ja's ducjcu. ¹⁶Na'wē yūuni's nasa uyrra', jyucaysa wala ūucjrrava, tyā'wēytyi Dyusa's wala wechana na'jī':

—Dyus jycaajni wala yujsa cue'sh cshavyte vyaac jī'ty. Sa' qui' we'werra':

—Dyusa' tyajy nasaty pu'chya' quījc jī'ty.

¹⁷Tyajū' Jesus tyā'wē yūuni's nasa jyuca jiyuty Nain chjamb peecu'jsuwe'sh vite' Judea quiwesuwe'shva jyuca.

Jesus tashna caajnisawe'sh

(Mt. 11.2-19)

¹⁸Jesus tyā'wē yūuni's Juan Bautista' jyuca jiyuc Juan yacj u'jusawe'sh pta'shte'. Sa' tyāa yacj u'jusa e'nzsaty pa'yarra', ¹⁹Jesus tashna caacj paapējyja':

—Indya' ¿isa Cristo naa quiwete quīiwal'jsa ūsu'c tyāa dyijngá', meerra' vite ūytjasuvá'nja'w? jīnac pēycaaj. ²⁰Atsa' e'nz jycaajnisā Jesus tashte pa'jrra' tyā'wēy pējytyi:

—Juan Bautista' cue'shtyi' caacj indya's paapējyja': ¿Cristo naa quiwete quiiwa'jsa ūsu'c tyāa dyjngá', meerra' vite ūytjasuvá'nja'w? jīnaty pējy.

²¹ Sa' tyā'wē paapēysawe'sh pa'jatste!, Jesusa' nasa wala quījquīj wee canzhate ātsā'satyva nuycatyjic, ech luucu vit-saty ūuste ji'pjsa vite' uyya' ājāsamée maanzcuēesatyva jyuca nuycatyjic. ²² Sa' Jesusa' paapēysawe'shtyi' na'wēc pas:

—I'cue'sh ma'wēne'cue wēsē'jna uy tyā'wēy pta'shine'cue Juana's na'jīna: Uyya' ājāsameeva uyu'ty. Atsa' lengsava catyjirra lengmeety neeyū'. Wā'jy wee canzh ji'pjsava catyjinity neeyū'. Atsa' wēsē'jya' ājāsameeva wēsē'jya' ājā'ty. Uuniisava qui' ityī yu'ty. Sa' naa quiwete pytjaacuēsa yuutyi' Dyus tashite pa'jwa'ja's pta'shnic yuu. ²³ Atsa' andya's cuj yajcyna jypumbasame!, wechana fi'nzesa yuuna jīnac pta'shcaaj.

²⁴ Juan yuwe caajnisawe'sh u'tje!, Jesusa' Juan ma'wēsateva pta'shcu na'jīna:

—Nasa u'pnimée quiwesu' i'cue'sha' ¿quija'scuae tjengya' u'j? ¿Cjīij tash wejyate ēsē'sesa's vá'cue tjengya' u'j? ²⁵ ¿Cjīmeerra' teech pitstjē'j ropa zhichcuesa atjrra u'pna sūjrra vá'cue tjengya' u'j? I'cue'sha' jii i'cue tyā'wē ropa zhichcuesa atjrra wēt wechana fi'nzesa' jycaajni yat-surráaty u'pu'. ²⁶ ¿Quim yuunacue tjengya' u'j? ¿Dyus yuwe pta'shsa's vá'cue tjengya' u'j? Isa tyā'wē dyij yuurra' Dyus yuwe pta'shsate teech jytjaacue walasa's ne'cue uy. ²⁷ Juana's we'werrac Dyus librute na'wē pta'shi':

Andy yuwee pta'shsa's iindy yatste cajatstju,

Iindy pa'jwa'ja's pjeu'cjan jīna fi'jni'.

²⁸ Na'jī'tj na': naa quiwete Dyus yuwe pta'shsate maa maateva jytjaacuesa' Juan Bautistac yu'. Tyā'wēteva, maava macue ājmeecuesarrava Dyus jycaajnite u'casa yu', Juante jytjaacuesa yuutyna jīte!, ²⁹ Juan bautisāynisa nasa jyucaysa vite' gobierno jīi vyyu pcjacjsa tyāawe'sh wēsē'jrra', Dyusa' maa yacjva jyuca ewsana sūjnaty neeyūu. ³⁰ Nava fariseowe'sh vite' ley caapiya'jsawe'sh Juan bautisāynimeesa yu', tyāawe'shtyi' Dyus ew yūu wēeni yu'sa' jypa'gamée ajtsety. ³¹ Atsa' Jesusa' na'jīc:

—Naa ensu nasaty! ¿quiim yacj caaja'nda'jaqui'tj? ¿Quiim na'wēta yu'? ³² Luuch le'chcuē na'wēty yu'. Tyāawe'shrráaty plaasasu pweesa'jya' cachrra, vite luuchtyi sus palyana na'jī': Zhichcuetja'w tujcana cuví' nava cu'ju'tsmeei'cue. Sa' űus űustja'w memu', nava űne'tsmeei'cue jī'ty. Tyā'wēsata' naa entewe'sha'. ³³ I'cue'sha' Juan Bautista's ech luucu vit-sa's ji'pjna tyāasac pan űmée vinova tundyi'tsmée jī'i'cue, tyā'wē quījva űmée tundypa'gameerráa. ³⁴ Nava Dyus Nchi'c Nasa Yuusáa quījrra', űwe'tj, tundyi'tj, ats yu': Naa tjē'ja' wala pū'we', wala tundysa'. Gobierno jīi vyyu pcjacjsawe'sh vite' pcalsawe'sh yacj namicu' jī'i'cue. ³⁵ I'cue'sha' jiimeerrai'cue tyā'jī'. Nava maava jiyuwa'jsa yuutyi' Dyusa' caajiyu'juna andy ma'wēsateva jīc.

Simon yatte Jesus pa'jni

³⁶ Teech fariseo' Jesusa's pi'cyu sāl'jīya', atsa' Jesusa' tyāa fariseo yatna u'jrra', mesate cachcu űya'. ³⁷ Naapcachja' teech u'y iiméj canzh ewmée

yūuna u'jusa tyāa chjambtey u'psa jiyuc Jesusa' fariseo yatte ũ'ya' u'ljni's. Sa' teech frasco aceite wēt putasana atrra fariseo yatte pa'cj. ³⁸Sa' ũ'nena utyaana cūjrra', yafy yu'ju Jesus chindaty pcji'cyu. Cjīrrac tyajy dycjasju andy!jrra wechá'. Sa' aceite wēt putasa's Jesus chindacjē awcu. ³⁹Tyā'wē yūuni's fariseo Jesusa's pi'cysatjē'j uyrra', na'wēc yajcy: Naa pitstjē'j isa Dyus yuwe's pta'shsa dyijvatsa', jiyuna naa u'ya' pcalsa ewmeesarra tyā'wē chindaty pcji'cyna aceite awna u'pteva sūjū'c. ⁴⁰Atsa' Jesusa' na'jīc:

—Simon, indya's na'wē we'wewa'l'j ji'ptju jīte', fariseo pasrra':

—Mwe'we jīte', ⁴¹Jesusa' na'jīc:

—Teech pitstjē'ja's e'nz nasaty yuul yu' vyy pqui'jrra. Teechsa' quinientos pesoc yuul yu'. Atsa' vite' cincuenta pesoc yuul yu'. ⁴²Atsa' e'nzīi tyāawe'sh yuultyi ducya' ājāmeete', vyyu pqui'jsa' tyāawe'shtyi' peltunāyū. Atsa' ¿maa sūjūqui'ng tyāa yuulusa e'nzsaty maaqui'c wejy tjaacue wecha pqui'jsa's? jīte', ⁴³Simon pasrra':

—Wala yuulusane' wejy tjaacue wecha jīte', Jesusa':

—Isa yuj we'we'ng, jīc.

⁴⁴Tyajū' Jesusa' tyāa u'ya's tjengrra' Simona's na'jīc:

—Andya' iindy yatte pa'tjeva, yu' ũsmeeng andy chindaty pcji'cwa'l'. Nava naa u'ya's mtjeng, tyajy yafy yu'juc pcji'cji' sa' tyajy dycjasjuc andy!j. ⁴⁵Andya's wechameeng. Nava naa u'ya' ayte u'cafin nviitnime' andy chindaty wechana. ⁴⁶Andy jycuetcjē' aceite awmeeng. Nava naa u'ya' aceite wēt putasaac aw andy chindacjē. ⁴⁷Na'jī'tj na', pcal iiméj wala canzhsateva peltunāyni neeyūusa' tyā'wēyūcu wala wendyna utyá' peltunāysa's. Nava walamée peltunāynisa' jwee yu' wechana utya'tsme'.

⁴⁸Tyajū' tyāa u'ya's we'werra':

—I'cue' peltunāyni yā'ji'cue jīc.

⁴⁹Atsa' pi'cynasa Jesus yacj ũ'na u'psa' tyāawe'sh pwe'sh na'wēty puuty we'we':

—Naa pitstjē'ja' ¿quiimqui saqui'c pcalsa yujtyva peltunāi'? jī'ty.

⁵⁰Atsa' Jesusa' na'wēc we'we tyāa u'ya's:

—Andy peltunāina sūjrrane'cue andy tashte utyāa naa pa'ga ewte yā'ji'cue neeyūu na' āchja' wēt wech wecha me'l'we jīc.

U'ywe'sh Jesusa's pi'cyna u'jusa

8 ¹Tyāa e'su' Jesusa' maanzcuēe chjambsuva pecūjc Dyus jycaajwa'l' ena's pta'shna tyāa yacj u'jusawe'sh docesa yacj, chjamb le'chcuēsu walasuva tyā'wēy. ²Vite' u'ywe'shva pi'cyna u'ju'ty na'wē echtyi cutyi'l'jna quīj weete ātsā'satyva nuycatyjic tyā'wē yuuniisa, atsa' tyāa cshavyte teeche'sa' Maria Magdalena yaasesa tyajy ũusuj siete echtyi cutyi'cj tyāac yu'. ³Vite' Herodesa's pu'chsa Chusa nyu Juanac yaasesa yu', vite' Susanac yaasesa yu'. Cuj u'ysaty Jesusa's pu'chna u'jusa yu' tyāawe'sh ji'pjuni quījcue yacjrrāava.

Scuutyj uujsa's caaja'nda'jni

(Mt. 13.1-9; Mr. 4.1-9)

4 Tyajū' chjambuwe'sh wala nasa casejty, Jesusa's tjengya'. Atsa' nasa tyaanzcuēe pcjaacjete', Jesusa' ejemplo yacjcu pta'sh na'jīna:

5—Scuutyj uujsa' uujsa' casejc. Atsa' msuuíi yu' manz ñiñ dyl'jsu āasu neeyūute', nasa waacjil'cjl'jítste, vichacueva fiwrra ū'ty. 6 Atsa' msuuíi yu', cuet-suty ūshi. Nava bucharrava quiwe ew jil'pjmeete', tupjaameerra jyuca ujnđytyi. 7 Msuuíi yu', tsjūtsj cshavysuty ūshi. Atsa' tsjūtsjva ja'nda bucharra' scuutyja's apjrra iviituty. 8 Sa' vite ajsu' quiwe ewsatec ūshi. Tyāa yu' walaarra teech tashrrāa cien ñiñtyi jil'pju.

Tyajū' Jesusa' sujscu na'jīna we'we:

—Jiyuwa'jsa ūsrra', jiyune'cue jīc.

9 Tyajū' tyāa yacj u'jusawe'sha' Jesusa's pējtytyi tyāa ejemplo's ma'jīniteva jiyuya'. 10 Atsa' Jesus pasrra' na'jīc:

—Dyus jycaajni ensu ma'wē yūuwa'ja'sva quim yujva jiyunimeesa's i'cue'sh yuutyi's āate caajiyu'ju'nja. Nava vite yuutyi' ejemplo yacjrrāatj pta'shi', cyaj macue uyrrava, uysamēe na'wērrāa neeyūutyina. Sa' pta'shni's wēsē'jrrava, jiyumēe neeyūutyina.

11 Naa ejemplo' na'wēsa': Scuutyj fiwa' Dyus yuwe jīni!. 12 Atsa' manz ñiñ dyl'jsu ūshisá!, nasa Dyus yuwe's wēsē'tjeva echtjē'ja' cutyil'jina wēsē'jrra yu'acjni's jīni!. Tyā'wē Dyus yuwe's ūusuj cutyil'tje', tyāawe'sh ūusa' vituna. 13 Atsa' manz ñiñ cuet-su ūshisá!, nasa Dyus yuwe's jypa'garra manz en yu' wechana wēsē'jna fi'nzetyina. Nava ūuste ew yu'acjmeerra', tjēysa ñusu en pa'tjerrāa, Dyus tashu qui' tyuteetyina jīni!. 14 Atsa' manz ñiñ tsjūtsj cshavysu ūshisá!, nasa wēsē'jrrava, naa quiwetewe'sh jil'pju wēenirrá's yajcyna pa'pchuna ewmeesurrāa wechwecha fi'nzesa jīni!. Sa' Dyus yuwe's pechcanatyna, atsa' cyul firráa yuuna. 15 Nava nasa ūus ewsa Dyus yuwe's jypa'yacy wēsē'jrra nwēesē'jna Dyus yacjrrāa u'jurra', quijsuva ewrrāa yūuna fi'nzēna, tyā' manz ñiñ yu' quiwe ewsate ūshisáa na'wēta'.

Āate jiyuwa'j yu' neeyūuwa'jsamēe

(Mr. 4.21-25)

16 Lampara's atūu dyyite apjrra tyajya' tyā'wē ya'pquiltatsme'. Wejyva ēetec ya'tyaja' eena' cweetjcajn, cyaj maava u'casa' eena'te u'cacajn. 17 Macue paatste sūtjnisarrava, quīj yujva āate vyaamēe yu' neeyūuwa'jme'. Sa' macue ūusterrāa yaacynisa'sva, quim yujva āate jiyunimēe yu' neeyūuwa'jme'.

18 Tyā'wēyā'tje', ew mwēesē'jwe. Maava wa'lmēe wēsē'tje', jytjaacue caajiyu'ljuna Dyusa'. Nava wēsē'jya' wa'lsa's, caajiyu'jnimēe yuuna. Jyuca cusa'jni yuuna.

Jesus nji'j vite' tyajy nyacjwe'sh

(Mt. 12.46-50; Mr. 3.31-35)

¹⁹Tyajū' Jesus ūsnite pa'ljty nji'j vite' nyacjwe'sh. Nava nasa wala ūste', Jesus tashte utyaaya' ājāmeeta'. ²⁰Atsa' cytee ūssa teehsa' Jesusa's pta'shcu na'ljina:

—Iindy mama, iindy nyacjwe'sh, iindy npe'shwe'sh indya's tjengya' pa'ljrra ecate ūsta', sa' indya's peejyta' jite', ²¹Jesus pasrra':

—Dyus yuwe's wēsēljrra' cytey yuutyna tyā'wē yuusaarrāa, andy mama, andy nyacj, andy npe'shwe'sh na'wēsata' jic.

Marte wejya wala's Jesus cyuuju'jni

(Mt. 8.23-27; Mr. 4.35-41)

²²Teech ente' Jesusa' tyāa yacj u'jusawe'sh yacj barcote cjēerra':

—Vite ajn icj cuten u'juega jirra' u'ljty.

²³Nava icj pyājūy u'juetspcachja' Jesusa' dejc. Naapcachja' wejyaa wala seena' quiiterra, yu'a's barcote yuutatscu yu'. Atsa' barco' icj dyiicjē cjēeya'vac yu'. ²⁴Tyajū' Jesusa's fitytyi na'ljina:

—Cue'shtyi jype'jsa mquiite, icj dyiicjē cjējētstja'w jite', Jesus quiiterra' wejyaa wala pety icj yā'ljrra yujucaatje', jyuca yujuc, atsa' quij yujvamée ewrrāac neeyūu. ²⁵Tyajū' tyāa yacj u'jusawe'shtyi' na'ljic:

—¿Mjiirracue Dyusa' pu'chjina sūjna yajcymée? jite', tyāa yacj u'jusawe'sha' ūucjrra tyāawe'sh pwe'shrrāaty na'ljina puuty we'we':

—Naa pitstjē'ja' ¿quimqui atsqi'ty wejyaa wala icj tyā'wēsa yujva nwēese'je'? jī'ty.

Gadara quiwetewe'sh ech iiyamunisa

(Mt. 8.28-34; Mr. 5.1-20)

²⁶Tyajū' pejca Gadara quiwete pesajty Galilea icj cuteju. ²⁷Atsa' Jesusa' tyāa quiwete pa'latste', cyte' teech chjambuwe'sh pitstjē'lj casejc Jesus yacj puuty uyya'. Tyāa pitstjē'ja' wala tyachyā'lj ech luucu vitni u'ju'c. Sa' ropa atjmée yatteva u'psameec yu', naasāa uusāa pendaní cuet cafysurrāac u'psa yu'. ²⁸Sa' Jesusa's uyrra', tashte peejyūcuerra', na'ljinac sujs we'we':

—Jesus, Dyus ityisa Nchi'c, andya'sa' ¿quijnga yūu wējē'? Andya's űnuste ūswa'tje acjajmēn pytjaatj we'we' jic.

²⁹Jesusa' tyāa ech luucu vit-sa's ūusu casej cajatscu yu', tyāa pa'gac tyā'wē we'we'. Tyāa echa' ūuste cjēerra nasa's luucu vitpa'gaty, cadenaju cuse pety chinda yā'ljrra tund wēe. Nava quij yujnava weji'meec chuctende'. Tyā'wē yuurrac tyāa ech luucu vit-sa' nasa u'pnimeesu jyūna u'ljue' tyāa pitstjē'ja's.

³⁰Tyajū' Jesusa' tyāa echa's pējycu:

—¿Quij yaasenga? jite':

—Legion yaasetj jīnac pas.



(San Lucas 8.25)

Tyāa pitstjē'lj ūuste wala kuj ech cjēerra ūsu'ty, tyāasac legion yaasetj jīna pas. ³¹ Sa' tyāa ech luucu vit-sa' Jesusa's pytjaa we'wety cāfy wala seena' ūucjūcjsacjē acjajmén. ³² Sa' cysū tjā'jsū cuchi wala ūsu'ty apjna, atsa' tyāa cuchi ūussu cjēeya' u'jwa'ja'styi Jesusa's pējy pytjaa we'wena. Atsa' Jesusa' cuchi ūussu cjēeya' u'cjaacj. ³³ Tyājū' tyāa ech luucu vit-sa tyāa pitstjē'lj ūusu casejrra, cuchi ūussu cjēete', tyāa cuchi' peñacjē pelurra, icj walacjē cjēerra jyuca uuty. ³⁴ Atsa' cuchi tjengsa' tyā'wē yūute uyrra', ūucjrra pta'shya' wala dund u'jty chjambna vite' chjamb peecu'jsuva jyuca. ³⁵ Atsa' quīj yūuteva uyya' nasa' tjengya' pa'jty. Sa' Jesus ūsnite cūjrra', uytyi ech luucu vit-sa' tyāa pitstjē'lj ūusu jyuca casejte', Jesus tashte wēt yā'j ropa atjrra cachrra u'pte. Sa' wala ūucjtyi. ³⁶ Atsa' tyāa pitstjē'lj ech luucu vitnisa' ma'wē yūurra catyjiteva uysa' cytee tjengya' pa'jsaty pta'shtyi. ³⁷ Tyāa pa'garrāa Gadara quiwesuwe'sh jyucaysa ūucjrra Jesusa's tyāa quiweju casejna u'cjaajty. Tyā'jyā'tje', Jesusa' barcote cjēerra qui' shawendcu. ³⁸ Atsa' tyāa pitstjē'lj luucu vitnijū catyjisa' Jesusa's pytjaa we'wec pe'jrra u'cjan. Nava Jesusa' tyajy yatnac u'cjaaj na'jīna:

³⁹—lindy yatna shawendna me'lj, sa' mtuutje'lj indya's Dyus na'wē ew yūuni's jīte', tyāa pitstjē'lj u'jrra', chjambsu jyuca pta'shcu Jesus ma'wē ew yūuni'sva jyuca.

Jairo niisa vite' Jesus atyjte jya'ndysa

(Mt. 9.18-26; Mr. 5.21-43)

⁴⁰Tyajü! Jesusa' Galilea quiwetey qui' shawendna pesatje', nasa üytjäsna üssa' wala wechana jypa'gaty. ⁴¹Cyte' teech pitstjêl' judiuwe'sh pcjaacjenite npiitstjêl'jsa Jairo yaasesac pa'j. Sa' tyãa pitstjêl'ja' Jesus tashte peejyücuerra', pytjaa we'wec tyajy yatna yuucajn. ⁴²Cytee yu' tyajy niisa teechrráasa doce añu jil'pjsa ätsã'rra uuwa'tjerráa yã'cj üs yu' naa pa'ga. Atsa' Jesusa' u'juetste', tyãa yacj u'jsa nasa wala cuj dyi'tje utarráaty u'jna üsu'. ⁴³Tyãa nasa cuj cshavyte teech u'y doce añu yã'l'j cacue yu' vyaate ätsã'sac casej. Sa' tyãa u'ya' tyajy vyu's jyuca pembac yu'tse'jsaty dewena, nanva maa yujva nuycatyjiya' äjãmeeta'. ⁴⁴Atsa' tyãa u'ya' Jesus e'ste utyaarra, atyj vitsejê cpaajya'ndycu, naapcachja' tyãa dundtey cacue yu'a' yujuc.

⁴⁵Tyajü! Jesusa' paapëjyuc:

—¿Quimga andya's jya'ndy? jïna.

Atsa' jyucaysa: Maa yujva jya'ndymetja'w jïte', Pedro vite' tyãa yacj u'jusa' nal'jity:

—Nasaa cshavyte zuuna'rráa u'jna üsngu sayuja' çma'wënga quimga jya'ndy jïna pëyí'? jïte', ⁴⁶Jesus pasrra':

—Teechsa andya's jya'ndyyujc, tyã'wë andya's jya'ndypa'garráa ätsã'rrava catyjirrac neeyüu andy pu'chte jïc.

⁴⁷Atsa' tyãa u'y ma'wë yüuni'sva Jesusa' jiyute', tyajy tashte üucjna yayana cüjrra peejyücu. Sa' nasaa dyi'pte jyuca pta'shcu ätsã'rra Jesus atyjte jya'ndyrra' tyãa dundtey catyjirra neeyüuni's. ⁴⁸Tyajü! Jesus we'werra':

—Catyji'nja süjrrane'cue andy tashte tyã'wë yüuya' yuwé' tyãa pa'ga ächja' catyji'cue neeyüu na' wechana me'jwe jïc.

⁴⁹Cytee nee Jesus we'wena üsýyna, judiuwe'sh pcjaacjenite npiitstjêl'jsa Jairo yatu yuusa teech pa'l'jrra', Jairo's pta'shcu:

—lindy niisa' uuyã'cj, atsa' Jesusa's cuch pe'jna yuunu jïte', ⁵⁰Jesus wësê'l'jrra':

—Ñusnu, andyrrá's myajcy atsrráa iindy niisa' catyjina jïc.

⁵¹Tyajü! Jairo yatte pa'l'jrra', vite yuutyi' ca'ga'jmée, naasáa Pedro, Jacobo, Juan, vite' cna'sa neywe'shtyirráac ca'ga'l'. ⁵²Cyte' ñus we'wena ü'nenaty üsu'. Nava Jesus we'werra':

—Ü'nenuwe, tyãa cna'sa' uunime', naasáa deenirrá' jïte', ⁵³cytee üssa' npeevyshijcaty, uuníi üste tyã'l'jipa'ga. ⁵⁴Tyajü! Jesusa' uuniisa's cuseju pu'quisna' sujscu we'we:

—Cna'sa, mquiitech jïna.

⁵⁵Naapcachja', dundtey ityí yuurra quiitec, atsa' Jesusa' puutscaacj.

⁵⁶Atsa' neywe'sha' wala cuj yajcyna wechana tjengtyi. Nava Jesusa' maa yujtyva pta'shcaajme' tyã'wë uuniiteva ityí vitni's.

Docesaty Dyus yuwe's pta'shya' caajni*(Mt. 10.5-15; Mr. 6.7-13)*

9 ¹Jesusa' tyāa yacj u'jusa docesaty cyteerraj pa'yarra' quīj weete ātsā'satyva nuycatyjiya' ājāwa'ja's ūscu, ech luucu vit-satyva nasa ūusu cutyi'cjan. ²Tyā'wē yuurrac caaj Dyus jycaajwa'j ena's pta'shna ātsā'satyva nuycatyjicajn. ³Sa' na'wēc yu'cypej:

—Dyi'tje quīj yujva jyūmēe me'jwe cjāambu, ya'ja, vyu, caame tyā'wēsaty. Cmiisa yujva e'nz yu' jyūrta u'jnuwe. ⁴Maa yatte paandeyja' pa'jyā'jrra', cyteerrāa paandejna ūsune'cue tyajū qui' casejna u'pjcach. ⁵Maa chjambteya' i'cue'shtyi jypa'gameete', i'cue'sh chindate quiwe tujnda's sacueecuerra casejene'cue, cyaj Dyus yuwe's macue jypa'gameerrava, yuuwesa yuutyna jīnac yu'cypej.

⁶Tyajū' tyāawe'sha' casejrra', chjamb le'chsū mtee mteeva jyuca Dyus yuwe's pta'shna ātsā'satyva nuycatyjinyat pecūj.

Juan Bautista uuní*(Mt. 14.1-12; Mr. 6.14-29)*

⁷Tyajū' ne'jue'sh Herodesa' Jesus quījquījva ew yūuni's jiyurra', wala cuj yajcyu, tyā'wē maafí yu' Juan Bautistane' uurrava qui' ityī yuu jī'ty tyāa pa'ga. ⁸Atsa' vite yu', Dyus yuwe's pta'shsa Eliasne' qui' vyaa jī'ty. Naapcachja' vite we'werra': Dyus yuwe pta'shsawe'sh jwee yatsgaywe'shne' qui' ityī yuu jī'ty. ⁹Nava Herodes yu' na'jī'c:

—Andyítj Juan Bautista tyjicja's caaspē'tje'j tyāana. Tyāameerra' jwee yu' ¿quimrraj tyacue quījquījva yūuya' ājācy? jī'c.

Tyāasac Herodesa' tyacue uy wējē' Jesusa's.

Cinco mil nasaty Jesus sājīni*(Mt. 14.13-21; Mr. 6.30-44; Jn. 6.1-14)*

¹⁰Jesus caajnisawe'sha' qui' shawendna pa'jrra', tyāawe'sh quījrrajne'ta yūu tyā'sna pta'shtyi Jesusa's. Tyajū' Jesusa' tyāawe'shrrāaty fiite pe'jna u'cj Betsaida chjamb ja'ndasu nasa u'pnimeesu. ¹¹Nava nasa' jiyurra', tyāawe'shva Jesus e'stey u'jty. Atsa' Jesusa' jypa'garra', Dyus ma'wē jycaajwa'ja'sva pta'shcu sa' ātsā'satyva nuycatyjic.

¹²Tyajū' cusutste', Jesus yacj u'jusawe'sh docesa' na'jīty Jesus tashte utyaarra:

—Nasaty' mcaaj, chjambu paandee yat-su ū' weyrra ū'cajn. Tyā'wēme' ayte' nasa yat utyameesū ūstja'w jīte', ¹³Jesus pasrra':

—I'cue'shīiva mpuutswe jīc. Atsa' tyāawe'sh pasrra':

—Tajts pan, e'nz wendyrrāa jī'ptja'w. Cue'sha' chjambna weyya' uljmeete yu', ājmeena naanzcuēesaty puutswal'j jīty.

¹⁴Nasa yu', pitstjē'jrráa cinco mil ājty yu'. Nava Jesusa' tyāa yacj u'jusawe'shtyi' na'ljīc:

—Cincuenta tyujnderra fiifii tyacsu mcaachi'jwe jīte',
¹⁵tyāawe'sha' tyā'wēy nasaty jyucay caycachji'ty. ¹⁶Tyajū' Jesusa' tajts pan e'nz wendytyi jypa'gana'va cielute pagayrra, Dyusna wechana orāyacu. Sa' pe'ltenderra tyāa yacj u'jusawe'shtyi ūscu, nasa jyucaysaty ūsu'scajn. ¹⁷Tyajū' jyucaysa ū'rra tyicte', quiyasaaty doce canastate utaty pcjajc.

Pedro' jiyuc Jesusa' Dyus tashu yuusaateva

(Mt. 16.13-19; Mr. 8.27-29)

¹⁸Teech ente Jesusa' tyāa yacj u'jusawe'sh yacjrráa fii tyuteena u'jrra Dyusna orāyna u'prra', tyāawe'shtyi pējyuc:

—Nasa' andya'sa' ¿quimna jī'ta? jīte', ¹⁹tyāawe'sh pasrra':

—Maaf': Juan Bautistana jī'ty. Vite': Eliasna jī'ty. Atsa' vite yu': Dyus yuwe pta'shsa tyāniiteywe'sh uuniirrava ityī yuusaana jī'ty jīte', ²⁰Jesus pējyrra':

—Tyajū' i'cue'sha' andya'sa' ¿quimna sūjū'cue? jīte', Pedro pasrra':

—Indya' Cristo, Dyus tashu yuusang jīc. ²¹Tyajū' wala neewe'wec Jesusa' Dyus tashu yuusa Cristo' jīna maa yujtyva pta'shcajmén.

Jesusa' tyajy uuwa'ja's pta'shni

(Mt. 16.20-28; Mr. 8.30-9.1)

²²Tyajū' na'wēc pta'sh:

—Dyus Nchi'c Nasa Yuusá' wala pcyuuni yuuwa'ja's jypa'gawa'lj pejca peejyuyja', tyāa pa'ga judiu ntjē'jsawe'sh vite' sacerdote npiitstjē'jwe'sh vite' Dyus leya's caapiya'jsawe'sh ajtserra icjetyna. Nava uurrava tecj ente' qui' ityī yuuna jīnac pta'sh.

²³Tyajū' jyucaysaty na'ljīc:

—Maava andy yacj yuu wēerra', peecy cacue jytjāasni's quījnava jyuca nvjtrra yuurráa andy yacj yujya' ājāne'cue, macue pytjaa yuuwa'lj seena'sa een isa ma'c pa'lnava tyā'sa' ūucjmée. ²⁴Maa nasava naa quiwete ityī fi'nzewa'jrrá's ya'nwe'wesa' Dyus yacj fi'nzewa'lj yu'sa' iviituna. Nava maa nasava andy yacj fi'nzepa'garráa naa quiwete ityī fi'nzeni's yajcymée iviitusa', Dyus yacj fi'nzewa'lj yu'sa' iviitumeena. ²⁵Nasa' naa quiwetewe'shrrá's jyuca cnayrra', tyajy ūus yu's iviitute', ¿quijte selpiicy, peecy ūus yu's nwe'wemeete'?

²⁶Maa nasava andya's jypa'gaya' wa'lna andy pta'shnityva wa'lutyna atsa' Dyus Nchi'c Nasa Yuusaava andy Tata eena' cweetjniite Dyus angeleswe'sh yacj jycaajya' quijrra', tyā'wē yūusatyi' jypa'gaya' wa'luna. ²⁷Isatj we'we', ayte ūssa uuméy uyuune'cue Dyus jycaajya' quīini's jīc.

Jesusa' zhichcue yu'ptjejrta vyaani

(Mt. 17.1-8; Mr. 9.2-8)

²⁸Tyā'wē we'weni teech qui'su scjēwniite', Jesusa' tǎ'jtje orāyya' u'cj Pedro, Jacobo, Juan tyāawe'sh yacj. ²⁹Jesusa' orāyina u'piyna, tyajy dyi'pa' fiycu zhichcue yu'ptje, atsa' tyajy atjni ropava tyā'wētyi chijme cuejnesa yuu. ³⁰Tyajū' tyāa yacja' e'nz pitstjē'jty puuty we'wena vyaa, teechna' Moises vite' Elias tyāawe'shtyi yu'. ³¹Jyuca zhichcue eena' cweetjni pyājte Jesus ma'wē nūs pytjaa yuurra Jerusalente uuwa'ja'styi we'we'. ³²Pedrowe'sha' wala dee wēerrava, dejmēe u'prra' uytyi, Jesus eena' cweetjni vite e'nzsa tyāa yacj ūssaty. ³³Tyajū' tyāa e'nz pitstjē'jwe'sha' Jesusa's tyuteena u'juetste', Pedro' na'jic:
—Ayte' cue'sh ūswa'j wala ewa', atsa' tecj wa' tyajaga, teechna' iindy jii, vite' Moises jii, vite' Elias jii jic.

Nava Pedro' ūus yuu yajcyméy we'wesarrác yu'. ³⁴Naapcachja' tāapj quijna'va, jyuca apjcu. Atsa' wala ūucjtyi tāapj dyiite neeyūurra. ³⁵Tyajū' tāapj dyiiju na'wēc we'we:

—Na' andy Nchi'c wala wendynisa', atsa' tyā'sa' nwēesē'jna cytey myuuwe jinic ptjūuse.

³⁶Tyā'wē we'wenijū', Jesusrrāa yā'j ūstety uy. Sa' tyāawe'sha' shuuna'ty neeyūu, sa' tyān ensu' quim yujtyva pta'shmeeta' tyā'wē uyni's.

Teech luuch wēechpa'jsa's Jesus nuycatyjini

(Mt. 17.14-21; Mr. 9.14-29)

³⁷Sa' cuscuus encjē', tǎ'ju quijatste', nasa wala cuj Jesusa's pu'tjengya' casejty. ³⁸Atsa' teech pitstjē'ja' nasaa cshavyte ūssa' sus we'werra:

—Andy nchi'c teechrrāa jip'jtu tyā'sa' meen tjeng. ³⁹Tyā'sa' ech luucu vit-sa uwerra caywēchpa'ja'jna cweeyi'jna wala pcyu'c sa' tyjwete wējē'tsme'. Tyā'wē yūute', yuwesu bu'chrrāc sējē'. ⁴⁰Indy yacj u'jusawe'shtyi' pytjaa we'weyā'tj, tyāa echa's andy nchi'c ūusu cutyi'cjan. Nava tyāawe'sha' ājāmeeta' jite', ⁴¹Jesus pasrra:

—Dyusa' pu'chjina sūjwa'j yu'sa' jip'jmeesata' naa nasa'. ¿Bagachpcach i'cue'sh yacj pu'chna ūs ya'vatca? ¿Bagachpcach ājāmēe fi'nze ya'vacue? Mneejyūj iindy nchi'ca's jite', ⁴²tyāa pitstacya' Jesus tashte utyaana cūjūtspcachja', tyāa ech luucu vit-sa' caywēchpa'ja'jrta pētycu. Nava Jesusa' juuna' we'werra ech luucu vit-sa's ūusu cutyi'tje', tyāa pitstacya' ew catyjic atsa' Jesusa' neya's ducjcu.

⁴³Atsa' Dyus tyacue wala ew yūute', jyucaysa wala cuj yajcyyti.

Jesusa' tyajy uuwa'ja's qui' pta'shni

(Mt. 17.22-23; Mr. 9.30-32)

Na'wē yūuni's nasa wala cuj yajcyna ūspcachja', Jesusa' tyāa yacj u'jusawe'shtyi' na'wēc we'we:

⁴⁴—Na'sa' ew wēsē'jrta pechcananuwe: Dyus Nchi'c Nasa Yuusá's nasa ewmeesa cusete ducjni yuuwa'ja' jiteva, ⁴⁵tyāa yacj u'jusawe'sh yu'

jiyuya' ājāmeeta', tyāawe'sh jiyuwa'ljmeene' yu' naa pa'ga. Sa' tyā'wērrava pējy yu' meeta' ūucjrra.

Quim wejy jytjaacue jytujtjesacy

(Mt. 18.1-5; Mr. 9.33-37)

⁴⁶Tyajū' Jesus yacj u'ljusawe'sha' tyāawe'sh pwe'sh puuty paapēyi'ty: —Ayte' cue'sh pwe'sh ħmaa wejy jytjaacue walasacytja'w? jīna. ⁴⁷Nava quīj yajcyrra tyā'wē puuty we'wetsteva Jesusa' jiyurra', teech luuchcuē's tyajy pucate tyajrra' na'ljīc:

⁴⁸—Andya's wendysa' maava naa luuch na'wēsaty ajtsemée jypa'gasa', andya's jypa'gasa' yuutyna. Sa' andya's jypa'gasa', andya's jycaajsanava jypa'gasa' yuutyna. I'cue'sh pwe'sh maa tyā'wē ājmeecuesa na'wē yajcyna fi'nzena tyāa yuurraa jytjaacue walasa yuuna jīc.

Cue'shtyi atsesamée yu' cue'sh yacj fi'nzesatyna

(Mr. 9.38-40)

⁴⁹Tyajū' Juan we'werra':

—Cue'shtyi jype'jsa mwēese'j. Teech pitstjē'j iindy yase's cysusrra ech luucu vit-sa's nasaa ūusu cutyil'jitste cue'sha' uyrra', tyā'wē yūunu jīnatja'w we'we, cue'sh yacj u'ljusageec yu' naa pa'ga jīte', ⁵⁰Jesus pasrra':

—Maava cue'shtyi atsewe'wesamée yu' cue'shtyi pu'chsa írraátyna, atsa' tyāawe'shtyi' cuch tyā'wē yuunuwe jīc.

Juanwe'sh cieluju ipy caaquī'ij wēeni

⁵¹Tyajū' Jesus cielun u'jwa'j en utyaatste', ūucjmée Jerusalen chjambna u'jya' casejc. ⁵²Sa' u'juetsrra', yatste yuwe caacj, atsa' tyāawe'sha' Samaria quiwete teech chjambtety deewa'j yat pacueya' u'j. ⁵³Nava tyāa chjambtewe'sha' Jesus Jerusalenna u'juetste uyrra', jypa'ga wēemeeta'.

⁵⁴Tyajū' tyā'wē yūute', Jacobo, Juanwe'sha' Jesusa's na'ljīty:

—Cue'sha' cieluju ipy caaquī'j'rra tyāa nasaty' pamba jytjāasvatsa', cue'sha' cytey yu'nja'w Dyus yuwe pta'shsa Eliasva ma'wēga yūu tyā'wēy jīte', ⁵⁵Jesusa' tjengrra' na'ljinac yu'cypej:

—I'cue'sha' jiyu'tsmeel'cue ma'wē yūuwa'ja'sva. ⁵⁶Dyus Nchi'c Nasa Yuurrava, andya' nasaty pembaya' yuwe'tsmeetj, naasaa nwe'werra ewte nvijt-ya'rraátj quīj jīc.

Tyajū' vite chjambnaty u'j.

Jesus yacj fi'nze wēesa

(Mt. 8.19-22)

⁵⁷Tyāawe'sh dyi'tje u'juetste', teech pitstjē'j Jesusa's na'ljīc:

—Jype'jsa, indy yacj yuu wēetj, indy mtee u'juetsteva jīte', ⁵⁸Jesus pasrra':

—Yu'cj niimal yujva deewa'j cagy ji'pjta', atsa' vichacuēva yat ji'pjta'. Nava Dyus Nchi'c Nasa Yuusa' mtee yujva tyajy dyictjerráa yuja'sva cjcjwa'j ji'pjme' jïc.

⁵⁹Tyajü' Jesusa' vite's pa'yac:

—Andy yacj myuj jīna.

Atsa' tyāa pasrra':

—Jype'jsa, müytjās, andy tata cjuē'yna pendaaya' u'juetstju jite', ⁶⁰Jesus pasrra':

—Uusaawe'sha' peecy uusáa pwe'sh ya'pendaatyna. Atsa' indya' Dyus jycaajwa'j ena'srráa pta'shya' me'j jïc.

⁶¹Tyajü' vite' na'jïc:

—Jype'jsa, andya' indy yacj yuu wēetj, nava andy yattewe'sh cjuē'lytyi neewe'weya' u'juetstju jite', ⁶²Jesus pasrra':

—Maava mjīa's tacjrrarráa e'su yu' tjengsa' selpimeena Dyus ma'wē jycaajwa'ja'sva pta'shya' jïc.

Setenta nasaty Jesus caajni

10 ¹Tyāa e'su' vite setenta tyjityjrra, e'nz e'nzcu yatste caaj, tyajy pa'lwa'j chjamsu mteeva jyuca. ²Sa' na'jïc:

—Isa mjīiwa'ja' wala yuj ūsa', nava mjīisa yu' cujmeeta'. Atsa' mjīi namu's pytjaa we'wena mpējywe nasa mjīiwa'jsa tyajy mjīitewe'sh. ³I'cue'sha' jypa'yacy me'jwe, piishacuēty alum cshavysu na'wē cajaststju naa pa'ga. ⁴Ya'ja, vyu, pelgatyi tyā'wēsa jyūmēe me'jwe. Sa' dyi'tje nasa pul'jycjēw yujrrava wechana jytjēyuumee'cue. ⁵Quiim yatte pa'l'rrava, ewrráa we'wena wechana pa'jane'cue. ⁶Atsa' tyāa yattewe'sh atsesameerra, tyā'wē wechana pa'jni's ewrráa jypa'gatyna. Nava jypa'gameete', tyajü qui' u'juene'cue. ⁷Sa' mtee ew jypa'gatyna, tyāa yatte paandejene'cue, tyāawe'sh quīj sāl'jīni'sva ū'na, tyāa pa'gatey mjīisa' ū'wa'ja's jypa'gawa'j ji'pja'. Atsa' i'cue'sha' yat iisa paandejna pecūjnuwe. ⁸Maa chjambtewe'sh i'cue'shtyi jypa'gate', cytee ūsune'cue quīj puutsteva wa'lmēe jypa'gana. ⁹Sa' cytee ātsā'satyva nuycatyjrra na'wē pta'shine'cue: Dyus jycaajna pa'l'jwa'j ena' i'cue'sh yacj utya ūsa'. ¹⁰Nava maa chjambteva i'cue'shtyi jypa'gameete', tyāa chjambte jyuca na'jīne'cue: ¹¹I'cue'sha' jypa'gameerrava yuuwesa yuucajn i'cue'sh chjambte cytā'tujnd yujnava sacueecuerra u'juetstja'w cue'sh chindate uweni's. Sa' macue jypa'gameerrava, jiyurra neeyūutsi'cue: i'cue'shtyi Dyus jycaajna pa'l'jwa'j ena' utya ūsa' jīne'cue. ¹²Na'jī'tj na': Dyus castigāywal'j ente', tyāa chjambtewe'sha' Sodoma chjambtewe'shte jytjaacue ñus ya'castigaŷtyna.

Chjamb nwēese'jsamēe yacj ūucjūcjsa

(Mt. 11.20-24)

¹³Corazín chjambte nasa, Betsaidatewe'sh yā'l'rra, seena' yuj ñuste neeyūuwa'ji'cue. Ayte i'cue'sh dyi'pte na'wētj ātsā'saty nuycatyjina uusáaty fityna yūu na' Tiro vite' Sidon chjambteva tyā'wēy yūuovtsa', tyāawe'sha' pcaltiyi nvijtrra Dyus tashte shawendni tyachyā'j yuuna. ¹⁴Dyus

castigãywa'j ente!, Tiro vite! Sidon chjambte nasate jytjaacue i'cue'sha' ñus castigo's cnayuune'cue. ¹⁵Atsa' Capernaum chjambtewe'sha' cielute u'jwa'lsatj sũjna i'cue yaaqui!, nava infiernote cjẽeya' u'jwa'jsai'cue.

¹⁶Tyãa chjambtyi! tyã'wẽ we'werra!, setentasawe'shtyi! na'ljic:

—Maa nasava i'cue'sh pta'shni's wẽsẽ'jrra!, andya'sva nwẽesẽ'jsa yuutyna. Sa' maava i'cue'shtyi atsesa!, andya'sva atsesa yuutyna. Sa' andya's atsesa' andyrrãana ajtsemée andya's caajsanava atsesa yuutyna jĩnac jycaaj.

Setentasawe'sh qui' shawendni

¹⁷Tyajũ' setentasawe'sha' wala wechana qui' shawendtyi na'ljina:

—Ech luucu vit-sa yujva indy pu'chte!, cue'shtyi! nwẽesẽ'je'ty jĩna pta'shte!, ¹⁸Jesusa' na'ljic:

—Isa yuj pta'shi'i'cue andya' uytju echtjẽ'ja' cieluju cpi'sh cuejni ni na'wẽ wetena quĩjatste. ¹⁹I'cue'sh tyã'wẽ yũucajn fĩrrãatj andya' quĩjteva jyuca ajãwa'ja's ũs, ul weeswée usmity quĩjquĩj ech seena'sava i'cue'shtyi cpã'vit-ya' ajãcajmén. ²⁰Nava ech luucu vit-sa i'cue'shtyi nwẽesẽ'pja'garrãa yu!, wechwecha yaacynuwe. Naasãa cielute i'cue'sh yase fi'jni ũsa' tyãa pa'ga yuurraa wechwecha myajcywe jĩrra!, ²¹Jesusa' tyajy ũuste wala wechac tyã'wẽ Dyus Espiritu pu'chpa'ga. Sa' na'ljic:

Jesus ũuste wala wechwecha yaacyni

(Mt. 11.25-27; 13.16-17)

—Tata, indya's wala wecha'tj, indya' cielute vite! naa quiwete jyuca Namung. Tyãasang naa quiwete wala jytujtesa yuutyi's caajiyu'jmeerrava, ajmeecuesa yuutyi's jiyuwa'ja's ũsngu. Iindy jytjãasni! tyã'wẽne' yu' atsa' tyã'sa' cytey yuung.

²²Andy Tata' quĩjquĩjteva jiyuwa'ja's andyrrarrã'scu ducj. Tyãa pa'ga quim yujva jiyu'tsmeeta' Dyus Nchi'ca's, naasãa Ney yuurraa jiia!. Tyã'wẽy Tata'sva quim yujva jiyu'tsmeeta!, naasãa Nchi'c yuurraa jiia!, sa' maatyva Nchi'c fi' cjiyu'tjerrãa jiyuya' ajãtyna andy Tata's.

²³Tyã'jĩrra' tyãa yacj u'jusawe'shtyi tjengrra!, na'ljic tyãawe'shrrãaty:


—Achj i'cue'sh uyna ũsi'cue tyã'sna tyãawe'sh yafyju uysá' wala yuj wechawa'j ji'pita!. Tyãa pa'gatey achj i'cue'sh uyna ũsi'cue tyã'sa' ²⁴nyafiitey Dyus yuwe pta'shsawe'sh vite' jycaajsawe'shva wala yuj uy wẽety, nava uyya' ajãmeeta!. Tyã'wẽy zhichcue pta'shni's achj i'cue'sh wẽsẽ'jna ũsi'cue tyã'snava wala yuj wẽsẽ'j wẽety, nava wẽsẽ'jya' ajãmeeta' jic.

Teech Samaritano ew yũusa

²⁵Tyajũ' ley caapiya'jsa teechna Jesus tashte utyaarra!, ewmée vit wẽerra na'wẽc paapẽjy:

—Andya' ¿ma'wẽ yũurra psumée ityĩ fi'nzewa'ja's ji'pjuqui'tj? jite!,

²⁶Jesus pasrra!:



(San Lucas 10.27)

—Dyus leyte' ¿ma'wē fi'jni ūsna atsnga lēeyrra jiyu'tsmée? jīte', ²⁷ley caapiya'jsa' na'wēc pas:

—Indyna jype'jsa Dyusa's ūusuj jyuca yajcyrra bagachte yujva peena yu' tyuteeya'mée utyaarra tyāa yuurra's selpiina mfi'nze. Sa' indy ma'wēnga ya'peeygāja', tyā'wēy vite nasatyva mpeeygāj jī'c jīte', ²⁸Jesus we'werra':

—Ew yuj pasngu. Tyā'sa' cytey yuurra', ptsumée ityī fi'nzewa'ja's ji'pjune'nga jīc.

²⁹Nava ley caapiya'jsa yu', tyajy yuweteyrrāa ewmeete neeyūuyā'jrra', na'wēc pējy:

—Tyāa vite nasa jī'c tyāa yu' ¿quimtyna? jīte', ³⁰Jesus pasrra' na'wēc cuentulj:

—Teech pitstjēlj Jerusalenu casejrra' Jericon u'jni dyil'cjē u'juetste', peswée dyil'tje yupya' casejty. Sa' quījquījne' jyūna u'juets yu', tyā's jyuca peswēety. Sa' cpā'vitrra', uuwal'jrrāa yāljty nviit. ³¹Peswée u'jni tyachmeyna, teech sacerdote quījrra' uycu tyāa cpā'vitnisa's, nava pu'chmēe dyil'j scjēwcu. ³²Tyā'wēy Levi jil'tjewe'shva quījrra' uycu, nava tyāava pu'chmēe dyil'j scjēwcu. ³³Tyājū' teech pitstjēlj Samariatewe'sh tyāa dyil'cjēy quījrra', cpā'vitnisa's uyrra', wala peeygāj. ³⁴Sa' cpā'yūusa tashte utyaarra', cpā'su aceite vino yacj awna yu'tse'cj. Tyājū' tyajy a'jni jimbate yacjrra ca'ja'cj, sa' paandee yatna pe'jna u'jrra, cyte' quījquījva peejymeecc sā'jī. ³⁵Cuscuus encjē', tyāa Samariatewe'sha' u'juetsrra', e'nz yvu cutyi'jrra, yat namu's dewec. Sa' na'wēc neewe'we: Naa pitstjēlj cpā'vitnisa's meen sā'jī. Meerra' vvu nviitustju tyāa ājmeevāana nava qui' shawendna pa'jrra, ducje'nja tyāa yuuluni's jīc. ³⁶Jesusa' tyā'wē pta'shrra na'wēc pējy:

—Indy ũus myajcy. Tyāa tecjtewe'sha' ħmaasaga ew yūusana' tjengu'? jīte', ³⁷ley caapiya'jsa pasrra':

—Cpā'vitnisa's peeygāasa jīte', Jesus pasrra':

—Indyva tyā'wēy pu'chna peeygājna me'ju jīnac jycaaj.

Maria Martawe'sh yatte Jesus pa'jni

³⁸Tyajū' Jesusa' teech chjamb le'chcuētec pa'jya' u'j. Tyāa chjambte teech u'y Marta yaasesa' tyajy yatte jypa'gac. ³⁹Sa' Marta' teech nyacjcu ji'pju' Maria yaasesa. Atsa' Maria yu', Jesus pta'shnirrá's wēsē'jya' tyajy tashte cachcu. ⁴⁰Naapcachja' Marta yu', mjiinirrá's wala pa'p'chuna ũsrra', Jesusa's utyaarra na'ljīc:

—ĤUyu'tsmeengá' na'wē ũ'cuerráa wala mjiina ũste', ũ'cue nyacj yu' pu'chjitsme'. Atsa' mpu'chcaaj jīte', ⁴¹Jesus pasrra':

—Marta, i'cue' wala yuj kuj jwend mjiina tundumée ũsi'cue. ⁴²Nava jytjaacue peejysa yu' teech jwend yuurrá'. Atsa' Maria' wejy jytjaacue peejysa's wēsē'je'tsa' tyā'sa' quim yujva cusa'jmeetyna jīnac we'we.

Dyus yacj na'wē puuty we'wewa'ja'

(Mt. 6.9-15; 7.7-11)

11 ¹Teech ente' Jesusa' Dyusna orāynac u'pu' teech ajte, sa' orāyna jyā'tje', tyāa yacj u'jusa teehsa' na'ljīc:

—Cue'shtyi mcaapiya'l, Dyus yacj puuty we'wena orāyya', Juanva ma'wēga tyāa yacj u'jusawe'shtyi' caapiya'ja' tyā'wēy jīte', ²Jesus pasrra':

—Dyus yacj puuty we'wena oraitsrra', na'ljīne'cue:

Cue'sh Tata cielute ũssa,

Indya' bagachteva wala jytujtjesang.

Iindy jycaajwa'l ena'srráatja'w ũytjasu'.

Naa quiwete indy ma'wēne'nga jytjāasu' tyāa yu' jyuca cytey tee yuu cielute na'wēy.

³Āchj cue'sh ũ'wa'ja's meen pees.

⁴Cue'sh ewmée yūuni's meen peltunaĩ, cue'shva peltunāytja'w cue'shtyi ewmée yūusaty tyāa pa'ga.

Ewmeete wetecajmén meen nwe'we jīna oraĩne'cue.

⁵Tyajū' na'ljīnac we'we:

—I'cue'sha' namicu yatte cuspyāj u'jrra': Namicu, tecj pan mpeequi'lj.

⁶Dyi'lj u'jsa andy namicuc yatte pa'lj, atsa' quīj yujva ji'p'jmeetj puutswa'lj, ħjīmeema'cue quījva ji'p'jmeerra'? ⁷Atsa' dyiiju passa' na'ljīna: Andy luuch deeni yā'tja', atsa' cuch susnu. Naapcachja' vityva apjni yā'lj ũsa', atsa' quīj yujva ũsya' ewume'nja jīrrava, ⁸jwee cuch susna nes yuucajmén quiiterra quīj pējyteva jyuca ũsuna. Na'ljī'tj na': Namicu pa'garráa cuspyāj quiiterra ew yūumée naasáa cuch suscajménrráa tyā'wē yūuna. ⁹Tyāa pa'gatj andya' i'cue'shtyi Dyusna pēycaja' atsa' tyā' ũsuna. Quīj peejini'sva

pacuerra' uyuune'cue. Vityte pa'yate' pjaandena. ¹⁰Na'jī'tj na': maava Dyusna pēysa', jypa'gana. Atsa' pacuesa', uyuuna. Atsa' vityte tu'cacate', pjaandena.

¹¹Ūus miyajcywe: i'cue'sh luuch pan pējyte', ¿cueta's ūsma'cue? Meerra' wendy pējyte', ¿ula's ūsma'cue? ¹²Meerrava zits pējyte', ¿usmitya's ūsma'cue? ¹³I'cue'sha' Dyus dyi'pte ewmeesarrava, i'cue'sh luuchtyi' ewsarráa i'cue peesu'. Atsa' i'cue'sh Tata cielutewe'sha' wejy jytjaacue ewsa Dyus Espiritu's peesuna pēysatyi's jíc.

Dyus Espiritu's atsewe'weni
(Mt. 12.22-30; Mr. 3.19-27)

¹⁴Jesusa' ech luucu vit-sa cwe'we'jsame's pitstjē'j ūusuj cutyi'tje', tyāa echa' ūusuj casejc, atsa' tyāa pitstjē'ja' we'weya' ājac. Tyā'wē yūute', nasa' wala kuj yajcyna neeyūuty. ¹⁵Nava vite yu', na'jīnaty we'we':

—Echtjē'j pu'chterraác naa pitstjē'ja' ech luucu vit-satyva nasaa ūusuj cutyi'ji' jī'ty.

¹⁶Naapcachja' vite yu' Jesus quīj yūuteva jiyuya' sūjrra cielujū seena'sa mcaavya'ja'j jīte', ¹⁷Jesusa' tyāawe'sh ewmēe ūus yaacyni's jiyurra', cytey yuumēe na'wērráac we'we':

—Maa gobiernova peecy nasa yacjírraa puiirra', tyāawe'sh pwe'shírraa jyuca ptsuutyna. Maa yattewe'shva tyāawe'sh pwe'shírraa puuty puiirra', tyāawe'sh pwe'shírraa jyuca ptsuutyna. ¹⁸Tyā'wēy echtjē'jva tyāawe'sh pwe'shírraa puuty puiirra', puuty ptsuutyna. Andya'sa' echtjē'j pu'chterraác ech luucu vit-satyva nasa ūusu cutyi'jya' ājā' jī'i'cue tyāa pa'gatj tyā'jī'. ¹⁹Tyā'wē dyijte', i'cue'sh yacj u'jusatyva echtjē'jírraáne' pu'chji' ech luucu vit-saty cutyi'jya'. Ew yajcyvats yu', i'cue'sh yacj u'jusafírraa i'cue'sh jypumbani's cjiyu'jwa'jsata'. ²⁰Andya's echtjē'j pu'chmēe, Dyus pu'chtetj ech luucu vit-saty nasaa ūusuj cutyi'ji'. Isa ew jiyuvats yu', i'cue'shtyi Dyus jycaajwa'j en ājc tyāa pa'ga tyā'wē yūutstju.

²¹Teech pitstjē'j chjāchjasa' quījquijva tyajy jī'pjuni's iviituya'mēe sūjrra puiiwal'j tū'srra yatte yupu'c ca'ga'jya'mēe. ²²Nava vite wejy jytjaacue chjāchjasa pa'jrra', tyāa yupsa's cnayrra puiiwal'ja'sva cusa'jna yuurra jī'pjunityi's tyāac iiyamu.

²³Andy ju'ngumēe ūssa', andya's atsesata'. Atsa' andy yacj pcjac pu'chsame' neesarra tyā'wē yuuna.

Echa' nasa ūuste qui' shawendni
(Mt. 12.43-45)

²⁴Ech luucu vit-sa' nasa ūusu casejrra', nasa u'pnimeesuc jycaasewa'j pacuena u'ju'. Nava uymeerra' naa sūju'c: Andy casejni yatnay shawendna u'jue'nja sūjrra ²⁵qui' shawendte' tyāa nasa ūus yu' yata's ew pandrra

tyaajni na'wẽ ústec uyna pa'ja'. ²⁶Sa' u'jrra vite siete ech tyãate jytjaacue ewmeesaty nuypa'jrra, tyãa nasa úuste pejca u'caty. Atsa' tyãa nasa' jytjaacuec ewmeesa yuuna pa'ja'.

Quim wejy tjaacue wechawa'jsatyqui

²⁷Jesusa' tyã'wẽ pta'shitspcachja', teech u'y nasaa cshavyte na'jínac sus we'we:

—Indyna cchu'chusa mama yacja' seena' yuj wala wecha yujna jíte',

²⁸Jesus pasra':

—Tyã'wẽme!, wejyva Dyus we'weni's wësê'jrra', tyajy jycaajnyityi's cytey yuusáa yacjrráa seena' wala wecha yuja' jíc.

Nasa ewmeesa' cieluju quíjrráava caavya'ja'cjaajni

(Mt. 12.38-42; Mr. 8.12)

²⁹Tyajü' nasa' Jesus we'weni's wësê'jya' tyajy tashte pcjaacjesatyi' na'jínac we'we:

—Nasa ewmeesa naa ensuwe'sha' quíjrráava seena'sa caavya'ja'cjaajnyty. Nava quíj yujva jwee yu' caavya'ja'jmée, naasáa Dyus yuwe pta'shsa Jonas ma'wësaga yu' tyã'srráana cjiyu'tje ewna. ³⁰Jonasva ma'wëga Nínive chjambte nasa ewmeesaty cjiyu'lj, tyã'wëy Dyus Nchi'c Nasa Yuusaava naa ensu nasa ewmeesaty cjiyu'ljsa'. ³¹Naa ensu nasaty Dyus castigäywalj en äjte', tyániitey jyu'lj quiwete jycaajsa u'ytjê'ja' ächga nasatyi' ewmeete nviituna. Tyãa u'ya' tyacue jyu'juwe'sh yujrrava, wa'lméec Salomon pta'shnirrá'sva wësê'jya' pa'j. Naapcachja' ächj yu' Salomonte jytjaacuesa ayte úsa' nava wa'lu'ty naa pa'ga tyãa u'ya' ewmeete nviituna. ³²Tyã'wëy Nínive chjambtewe'shva Dyus castigäywalj en äjte', naa ensu nasaty ewmeete nviitutyna. Tyãawe'sha' Jonas pta'shnirrá'sva wësê'jrra', tyãawe'sh pcaltyi nvijtrra Dyus tashte shawendtyi. Naapcachja' ächj yu' Jonaste jytjaacuesa ayte úsa' nava wa'lu'ty naa pa'ga Nínive chjambtewe'sha' ewmeete nviitutyna.

Yafya' cacue's ewte caafi'nzeljsata'

(Mt. 5.15; 6.22-23)

³³Lampara's atüu dyyite apjrra tyajya' tyã'wë ya'pqui'tatsme', wejyva êetec ya'tyaja' eena' cweetjcajn, cyaj maava u'casa' eena'te u'cacajn.

³⁴Peecy cacuete yafya' lampara na'wësata'. Atsa' iindy yafya' suwenimée ewrra' iindy cacuete jyuca eena' cweetjna nes yuuna. Nava iindy yafy ewmée suweniite', iindy cacue' jyuca chji'ndyterráa neeyüuna.

³⁵Iindy cacuete quíjte yujva chji'ndysamée jyuca eena'sarráa úste', jyuca ew uyuune'nga, lamparava ma'wëga ew eena' cweetje' tyã'wë.

³⁶Nava mpa'yajcy. Tyã'wëme!, eena' cji'ncjysa ji'p'ngü tyãa cweetjmeete', chji'ndyterráa neeyüune'nga.

Fariseo vite' ley caapiya'jsawe'shtyi yuuwesa Jesus nviitni
(Mt. 23.1-36; Mr. 12.38-40; Lc. 20.45-47)

³⁷Tyajū! Jesusa' tyā'wē we'wena jyā'tje!, teech fariseo tyajy yatte sāl'jīya' pi'cycu. Atsa' Jesusa' u'jrra ū'ya' cachcu. ³⁸Tyajū! tyāa fariseo' naasūjc: Naa pitsjtē'ja' wala yuj fiy yu'c cusecē yu' caajmēe ū'ya' cachcu sūjū'c. ³⁹Atsa' Jesusa' na'jic:

—Fariseowe'sh i'cue'sha' plaatu vaso ma'c yuu nava tyāa yuutyi' ecacē yu' pcji'cji'i'cue. Nava i'cue'sh ūus dyiite yu', pesweena quījquījva ewmeerrāa yūunisarrāa jyuca uta ūsa'. ⁴⁰I'cue'sha' jiimeevá'cue: Dyusa' cacuecē āacjēwe'shrrá's uyrra', ūustewe'sh yu's uyu'tsmeene' ¿sūjū'vá'cue? ⁴¹Tyā'wē quījva ji'pjmeesaty ūusuj jyuca peeygājna lmushnu peesvatsa', āacjerrāa yaatesa yuumeene'cue.

⁴²Fariseowe'sh, i'cue'sh yacja' seena' yuj ūucjūucja', i'cue'sha' putatyjā!, me'sucue, quījquījva uutjashte ūsna tyāa yu'sa' jyuca diesmo ducjrava, Dyus yu'sa' ūusu jyuca wendyna nwēese'jna fi'nze'tsmeei'cue naa pa'ga seena' yuj ūucjūucja'. Diesmo's ducjwa'l' yuja', nava Dyusna nwēese'jni wejy jytjaacue ewa'.

⁴³Fariseowe'sh, i'cue'sh yacj seena' yuj ūucjūucja', i'cue'sha' judiuewe'sh pcjaacjenisu cachni wejy ewsarrāana i'cue pacué!, sa' chjambsu msuuva ewcuerrāa wecha jytjāasna i'cue pecūju' naa pa'ga seena' yuj ūucjūucja'.

⁴⁴Ley caapiya'jsawe'sh vite' fariseowe'sh, i'cue'sh yacja' seena' yuj ūucjūucja', i'cue'sha' āajurrāa ew we'werra', ūus dyiiju yu' ewmeerrāa yajcyna fi'nzepa'ga. I'cue'sha' uusāa pendani cafya's apnisa na'wēi'cue. Tyāa cafya's apite!, nasa' ma'wē dyiiga quīj ūsteva jimee cajcuesu scjēuucy tyā'werrāa i'cue jiyunimeete fi'nze' jite!, ⁴⁵ley caapiya'jsa pasrra':

—Cue'shtying atsewe'we' jiteva, ⁴⁶Jesusa' qui' we'werra':

—Ley caapiya'jsawe'sh, i'cue'sh yacja' seena' yuj ūucjūucja', i'cue'shva viterrāaty tyā'wē quim yujva ājāwajmēe tjēysa's ūsrra', i'cue'sh yu', ma'wēcuerrāa yujva pu'chjitsmeei'cue naa pa'ga.

⁴⁷Tyā'wēy i'cue'sh jil' yatsgawe'sh tyā'wē Dyus yuwe pta'shsaty icjrra pendaate!, i'cue'sh yu' tyāa pendani's zhichcue vitnai'cue pjeu'ju'. ⁴⁸Sa' tyā'wē yūurra', cue'sh jil' yatsgawe'sh ew yuj yuuty jīrrane'cue tyāawe'sh icjrra pendani's zhichcue vitna pjeu'ju' naapa'ga i'cue'sh yacja' seena' yuj ūucjūucja'.

⁴⁹Cyají Dyusa' tyā'wē yūuni's we'werrac na'jī!: Andy yuwee pta'shsa tyāniitey ensuva cajanja, sa' naa ensuva cajanja. Nava maaítyi' icjetyna, sa' vite yuutyi' wala ajtsena pcyuutyna jī'c. ⁵⁰Naa ensu nasa' jyucaysa castigo's cnayuutyna, ⁵¹tyā'wē Abela's icjniijūy Dyus yuwe pta'shsaty icjrra Zacarias's icjni entepcach ee pcawpa'ga. Tyāa Zacarias yu'sa' dyuus yat patyute altal utyatety icj. Tyāa pa'ga naa ensu nasaty Dyusa' castigaína, tyā'wē Dyus caajnisaty icjpa'ga.

⁵²Ley caapiya'jsawe'sh, i'cue'sh yacja' seena' yuj ūucjūucja', i'cue'sha' tyacue wala leya's jiisatja'w jīrrava, vite yuutyi's caapiya'ja'tsmeei'cue. Tyāasa vite jiyu wēesaty i'cue'sha' yupnarrāa ūsi'cue jite!, ⁵³ley

caapiya'jsawe'sh vite' fariseowe'sha' wala ũsacharra quijrráava wala paapëjtyti, ⁵⁴ quijtterráava ewmée paste' pãatyjĩ'cjya' sũjrra.

Fariseowe'sh yacj jypa'yacy fi'nze caajni

12 ¹ Tyajũ' nasa iiméj seena' wala pcjaacjerra jyuca utate', Jesusa' tyãa yacj u'jusawe'sh cjuë'tytyi na'wëc we'we:

—Fariseowe'sh ewmée yũuna fi'nzeni's mpa'yajcywe. Tyã'wëme' tyãawe'sha' äajurráa ew we'werra', ũus dyyite yu', ewmeerráaty yaaqui'. ² Nava macue paatste sũtjnisarrava quij yujva äate vyaamée yu' neeyũumeena, sa' macue ũusterráa yaacynisava quij yujva jiyunimée yu' neeyũumeena. ³ Tyãa pa'ga i'cue'sha' quim yujva wësë'jnimeete vá'cue we'we' nava jyuca ptjũusena. Meerra' i'cue'sh ũusterráa vá'cue ewmée yajcy, nava maanzcuëe yat-suva jyuca caajiyu'jni yuuna.

Quimna wejy ũucjwa'jcy

(Mt. 10.28-31)

⁴ Ächja', andy namicu i'cue'shty i'na'jĩ'tj: Cacuerrá's icjsaty i' ũucjnuwe. Tyãawe'sha' cacuerrá's icjrra', jwee yu' quijva yũuya' äjãmeetyna. ⁵ Nava pta'shitstju quimna ũucjwa'tjeva: Naa quiwete ityĩ u'juni's cusa'jrra', ũusa's infiernote caajwa'jsarrá's ũucjna mfi'nzewe. Tyã'srráa ũucjwa'ja'.

⁶ Tajts vichacuëty e'nz centavoterráac ya'tyweyú'. Nava macue pa'gameesateva Dyusa' teechrráa yujnava pechcanaméec tjengna fi'nze'. ⁷ I'cue'sh jycuette dycjas yujva jyuca isani ũsta'. Atsa' i'cue'sh yu' maanzcuëe vichacuëteva jytjaacue pa'gasai'cue. Tyãasa ũucjmée mfi'nzewe.

Jesus quimteva tjaamemée pta'shni

(Mt. 10.32-33; 12.32; 10.19-20)

⁸ I'cue'shty i'na'jĩ'tstju: maava naa quiwete nasaa dyi'pte tjaamemée Cristo jĩitj jĩna äate pta'shsaty i', andyva Dyus Nchi'c Nasa Yuusa' tyã'wëy Dyus angeleswe'sh dyi'pte tjaamemée: Na' andy nasata' jĩna pta'shi'nja. ⁹ Nava maava naa quiwete nasaa dyi'pte tjaamerra Cristo's jiimeetj jĩna ishĩijana atsa' andyva Dyus angeleswe'sh dyi'pte tyã'sa' jiimeetj jĩ'nja.

¹⁰ Maava Dyus Nchi'c Nasa Yuusa's macue atsewe'weteva, ya'peltunaĩna. Nava Dyus Espiritu's atsewe'wete', bagachte yujva peltunãynimée yuuna.

¹¹ Na'jĩ'tj na': i'cue'shty i'judiuwe'sh pcjaacjenisu meerra' cjuë'swe'sh tashte cuutya'tjeva, ũucjnuwe cuy yajcy na quij we'wequi'tj sũjna. ¹² Tyãa pa'gatey Dyus Espiritu' ma'wë we'wewa'ja'sva caaũsutje'jena tyãa dundte jĩc.

Teech ji'pjsa ũ'a's jyaawya' yaacyni

¹³ Tyajũ' teech pitstjê'j nasaa cshavyte ũssa' Jesusa's na'jĩc:
—Andy yacjtjê'ja's meen we'we, tatawe'sh ji'pjuni's pyãjn andy jĩi tyundeecajn jĩte', ¹⁴ Jesus pasrra':

—¿Quimga andya'sa' tyundeendewa'jsa meerrava cjuēs na'wēsa qui'p? jirra', ¹⁵na'wēc we'we:

—Mpa'yajcywe, naa quiwete ji'pjunirrá's yaacynisa's. Tyā'wēme' naa quiwete quijquijva ji'pjurrarráa tyā'wē ityī ya'fi'nze'tsme'.

¹⁶Tyajū' Jesusa' na'wēc ejemplo pta'sh:

—Teech pitstjē'j wala ji'pjsa u'pu'c. Tyajy quiwete uutjash wala yūncu. ¹⁷Atsa' tyāa ji'pjsa' yajcyya' cachcu: ¿Ma'wē yūuqui'tj? Mtee yujva andy ū'a's jyuca jyaawya' ājanimeetj sūjū'c. ¹⁸Sa' yajcyu: Jiiyā'tj ma'wē yūuwa'ja'sva. Ū' jyaaw yattyi pētyya'vatj, vite wejy walasa tyajya'. Sa' quijquij ū'va tjē'tje' vite' qui'j ji'pjunityva cytee jyaawu'nja. ¹⁹Tyajū' andy ūuste na'jī'nja: Wala qui'jva jyaawni ji'pjngu, wala cuj añu selpiwa'j. Āchja' mjīimée caasena qui'jva ū'na wechwecha miyajcy sūjū'c. ²⁰Nava Dyusa' na'jīc: Ājmeeng yaaqui'. Naa custe uuya'vang. Atsa' iindy ji'pjuni jyaawni' ¿quiim jīi yuuwa'jtyna? jīc. ²¹Jesus we'werra': Tyā'wēc ya'yu' naa quiwete ji'pjunirrá's nuywalaana ūsrra', Dyus dyi'pte yu' puuplec neeyū' jīc.

Cue'sh peejini's Dyusa' jyuca pu'chjina

(Mt. 6.25-34)

²²Jesusa' tyāa yacj u'jusawe'shtyi' na'wēc yu'cypej:

—I'cue'sha' ¿qui'jte ū'wal'j uyuucytja'w? Sa' ropava ¿qui'jte uyuucytja'w? sūjna pa'pchunuwe. ²³Tyā'wē yuucajmení ityī fi'nzenisa' ū'nite jytjaacue ewsa', atsa' tyā'wēy cacueva ropate jytjaacue ewsa'. ²⁴Vichacuēty mtjengwe vacy. Tyāawe'sha' uja'tsvameeta', sa' ū' jyaaw yatva tyajrra' ū' pcjacie'tsvameeta'. Nava Dyusa' tyāawe'shtyi' sāl'jīc na' i'cue'sh yuutyi's wejy tyā'wē sāl'jīna vichacuēte jytjaacuesal'cue naa pa'ga. ²⁵I'cue'sha' ¿maarrá' iiméj wala pa'pchurra peena medio metro tjaacue walaaya' ājama'cue? ²⁶Tyā'wē ājameerra', ¿qui'jya'rráacue naa quiwetewe'shrráaty tyacue wala pa'pchu'?

²⁷Quitety mtjengwe, ropa uyya' mjīimeerrava ma'wēta zhichcue walá'. Isatj we'we': Jycaajsa Salomon tyacue ji'pjsa yujrrava tyāa quite na'wē yu' zhichcuesa ropa atjme'. ²⁸Quite' teech en fi'nzena', cuscuuscjē' ipyte cambwal'jrráa yā'tjeva tyā'wēc zhichcue pjeu'j. Dyusa' tyā'wēy i'cue'sh yuutyi's wejy ropa ewsa ūsna nes yuuna na's i'cue Dyusa' tyā'wē yuuna sūjū'tsmée. ²⁹Tyā'wē yā'tje', ū'wal'j ¿qui'jte uyuucytja'w? sūjna pa'pchuna fi'nzenuwe. ³⁰Naa quiwete nasarráaty cacuete peejinirráana yajcyna fi'nze'. Nava i'cue'sha' cielute Tata ji'pji'cue tyā' jyuca jiiyā'ja' i'cue'sh qui'j peejini'sva. ³¹Tyāa pa'ga wejyva Dyus jycaajnitewe'sha's cjuē'lyna wejy tjaacue mpa'pchuwe. Naa quiwetewe'shtyi' wejy pa'pchumeeteva, pejca yuj ūsni yuuna.

Cielute ji'pjuwa'jrrá's mpa'pchuwe

(Mt. 6.19-21)

³²I'cue'sha' cujmecue i'cue nava ūucjnuwe, tyāa pa'gategy i'cue'sh Tata cielutewe'sha' i'cue'shtyi' peeygājrra tyajy jycaajna ūsni's i'cue'shtyi'

ũsya'va'. ³³Ji'pjunisa's tyweyrra jypeejysaty mpeeswe. Vyu jyaawni suwewa'jmeesa mvitwe. I'cue'sh ji'pjuni cielutewe'sha' ptsumeena, cyteea' quij peswée yujva u'cameena, sa' chicarráa yujva suwmeena. ³⁴Mtee jyaawni ji'pjrra', cyte yuurráac wejy jytjaacue yajcyna ya'fi'nze'.

Jypa'yacy ūytjasna ūsni

³⁵Jyuca pjeu'jrra lamparaty pqui'tarra ūytjasna meswe. ³⁶Patrona' boda yatu shawendna pa'jrra', vityte tu'cacatpcachja', selpisaawe'sha' dundtey vitya's pjaandeya' jypa'yacy ūytjasna ūssa na'wē myuuwe. ³⁷Jypa'yacy ūste patron pa'tje', selpisaawe'sh yacja' wala yuj wecha yujna. Isatj we'we': Tyā'wē jypa'yacy ūssaty' patrona' pjeu'jrra mesate caachi'jina puutsya'. ³⁸Cuspyāj ma'c yuu meerra' cjicjiitste ma'c yuu nava jypa'yacy ūste pa'tje', selpisaawe'sh yacja' wala yuj wecha yujna. ³⁹Ūus miyajcywe vacy: Maa yat namuva peswée quij orate tyajy yatte pa'jwa'ja's jiyuvatsa', dejmée jypa'yacy ūsrra' ca'ga'lmeena tyajy yatte pesweewe'shte. ⁴⁰I'cue'shva tyā'wēy pjeu'jrra jypa'yacy meswe. Tyā'wēme', yajcymée ūsiyna, Dyus Nchi'c Nasa Yuusá' quijrráa yuuna jic.

Selpisáa ewsa vite' ewmeesa

(Mt. 24.45-51)

⁴¹Tyajü' Pedro' na'wēc pējy:

—Naa ejemplo' ¿cue'sh jiirráa váana meerra' jyucaysaty vá'nga pta'shi'? jite', ⁴²Jesusa' na'wēc pta'sh:

—Maa patronva yultumu nwēesē'jsa ewsa's neewe'werra nviituna, tyajy yatte mjīisaty sāl'jīna nes yuucajn. ⁴³Atsa' patron jycaajni's cytey yuuna ūste patron pa'tje', tyāa selpisáa yacja' wala yuj wecha yujna.

⁴⁴Isatj we'we': Tyā'wē yūusa's patrona' tyajy ji'pjuni's quijquijnava jyuca tyāa yultumurrarrá's neewe'werra tjengcajn nviituna. ⁴⁵Nava tyāa yultumu': Andy patron dund pa'lmeena sūjrra cytee mjīisaty pcyuuya' quiiterra, tyāa yu' tundyna tūuya' quiitena. ⁴⁶Naapcachja' tyajy patrona' shawenduuna tyā'wē yultumu' patron pa'jwa'ja's jiimeerra' ūytjasmée ūsiyna. Sa' wala seena' castigaína, nwēesē'jsameewe'shtyi ma'wē castigaicy tyā'wēy.

⁴⁷Maa selpisaava tyajy patron jytjāasni's jiirrava cytey nwēesē'jsame', wala cujus castigāyni yuuna. ⁴⁸Nava maa selpisaava patron jycaajni's jiimeerra' ājmée yūuna tyā'sa' cujasmée ya'castigaína. Maanava wala ūsrra', wala ya'pēyina. Atsa' maanava jytjaacue quijnava neewe'werra', jytjaacue ew jype'cjaníi yuuna.

Jesusa' nasaty caapui'jsa na'wē yuuni

(Mt. 10.34-36)

⁴⁹Naa quiwete ipy pqui'taya' quiisa na'wētj quij, bejnayāl'j ūsvats ma'wē wala wechaaqui'tj. ⁵⁰Andya' uuwa'jsatj tyāasa wala ñusna u'jutj uuwa'lj

en ãjpcach. ⁵¹Naa quiwete puiimée wēt caafi'nze!jya'ne' quij ¿sũjũ'vá'cue andya'sa'? Nava tyã'wē yũuya' quijmeetj. Andy pa'gaterráa maa nasafí yu' puuty yajtsena puiina fi'nzetyna. ⁵²Áchjũyã'ja' teeche yattewe'sh tajts nasarrava tecjsa' e'nzsaty ajtsena puuty tyã'wērrarráa puiina fi'nzetyna. ⁵³Neya' nchi'ca's atseyajcyna fi'nzena. Atsa' nchi'ca' neya's tyã'wēy yũuna fi'nzena. Nji'ja' niisa's ajtsena fi'nzena, atsa' niisa' nji'ja's tyã'wēy yũuna fi'nzena. Suegra' ncuēmyu's atsená, naapcachja' ncuēmyu', suegra's atsená.

Naa ensu quij yũuya'vateva tyãa yu'sa' jiiimée fi'nzeni
(Mt. 16.1-14; Mr. 8.11-13)

⁵⁴Tyajũ' Jesusa' na'wēc we'we:

—I'cue'sha' sec cjeenijũ tāapj quiitena yujte', nus pa'jya'va' jĩ'i'cue, atsa' cytey yu'c. ⁵⁵Sa' wejyaatste', sec ya'va' jĩ'i'cue, atsa' cytey yu'c. ⁵⁶¿Ma'wē yuurra nus pa'jna qui' sec ya'vateva jiisatja'w jina ũuste yu' iiewejch i'cue yajcyna fi'nze'? Sa' jiisarra' ¿ma'wētecue naa ensu' quij yũutsteva tyã's yu' jiyu'tsmée?

Atsesa yacj yuwe's puuty we'weni
(Mt. 5.25-26)

⁵⁷I'cue'sha' ¿mjũitecúe ewterraj puuty we'wena yuwe's pjeu'ju'tsmée?
⁵⁸Maava indya's pãatyĩ'cjte', tyãa yacj cjuēs tashte utyaaya' u'juetsrra', dyi'tje ewterraj puuty we'wena yuwe's mpjeu'jwe, cyaj cjuēs tashte cuutya'lmeena. Tyã'wēme', cjuēsa' indya's policia's ducjena, atsa' policia yu', carcelte cyuupjana. ⁵⁹Na'jĩ'tj na': Tyajũyã'ja' vvyu nmej jĩ'pjuni's ducjmeerra yu', carceluj casejmeene'nga jĩc.

Pcaltyi nvijtmeerra' maava jyuca vituni

13 ¹Tyãa ensuy nasa maafí yu' Jesusa's na'wēty pta'shna utyáa:
—Galileajuwe'sha' Dyusna wechana neewe'weya' altalte cambwal'j tajcy icjetspcachja', Pilato' tyãawe'shtyi' icjcaacj, atsa' tyãawe'sh eea' tacy ee yacj jyuca ca'nduc jĩte', ²Jesusa' na'jĩc:
—Galileaju nasaty tyã'wē yũute', tyãa uusaawe'sha' Galileasu nasate jytjaacue pcalsane'ta yu', tyãa pa'gaty tyã'wē uu ena's jĩ'pju ¿sũjũcúé'? ³Na'jĩ'tj na': Tyãawe'shrráa tjaacue pcalsa yu'tsmeeta'. Atsa' i'cue'shva pcaltyi nvijtrra Dyus tashte shawendmeerra', tyãawe'sh na'wēyrráa uuwal'sai'cue. ⁴Tyã'wēy dieciocho nasa Siloete torre cajcuceljē wetete' uuty tyãa uusaawe'sha' Jerusalen chjambte u'psawe'shte jytjaacue yuuwesane'ta yu', tyãa pa'gaty tyã'wē uu ena's jĩ'pju ¿sũjũcúé'? ⁵Na'jĩ'tj na': tyãawe'shrráa tjaacue yuuwesa yu'tsmeeta'. Atsa' i'cue'shva pcaltyi nvijtrra Dyus tashte shawendmeerra', tyãawe'sh na'wēyrráa uuwal'sai'cue.

Higuera tasha's sp'etj caajni

⁶Jesusa' naa ejemplo'scu pta'sh:

—Teech pitstjē'ja' higuera fytūu tashcu tyajy quiwete ujni ji'pju'. Sa' tjengya' u'cj, yūnváana sūjrra. Nava uyme'. ⁷Tyajū' na'ljic cytee uutjash tjengsa's: Naa fytūu tash yūnuutsváana sūjrra andy tjengya' pa'jna ūsni tej añuyā'ja', nava teech yūn yujva uynimeetj. Atsa' mespē'tj, ¿mjiya'rráa cyul ūsya'vana? jite!, ⁸uutjash tjengsa pasrra': Menvijt naa añurráava, atsa' quiwe's luupe'jrra shaacue'je'nja. ⁹Atsa' yūnne'jváana. Tyā'wē yūute yūnmeete, caaspē'tje'jene'nga jic.

Teech u'y cu'le u'juya' ājasame's sapatu ente nuycatyjini

¹⁰Teech sapatu jycaase ente!, Jesusa' judiwe'sh pcjaacjenitec caapiya'jna ūsu!. ¹¹Atsa' cyte' teech u'y dieciocho añuyā'j ātsā'na u'ljusac ūsu!, ech luucu vit-sa pcyuute cu'le u'juya' ājasamée. ¹²Atsa' Jesus uyrra', pa'yac:

—I'cue' naa weeju catyjiyā'ji'cue jīrra', ¹³Jesusa' ātsā'sa cacuete jya'ndycu. Naapcachja' tyāa u'ya' dundtey cu'le'ya' ājārra', seena' wala Dyusa's wechana we'wec. ¹⁴Jesusa' tyā'wē sapatu jycaase enteva ātsā'a's nuycatyjite!, judiwe'sh pcjaacjenite npiitstjē'jsa' ūsacharra nasaty na'ljic:

—Qui'su' seis en ji'pja' mjiwa'j. Atsa' catyji wēerra' vite ensu myujwe. Nava sapatu jycaase ente yu', catyjiya'rráa yu' pa'jnuwe jīnac jycaaj.

¹⁵Atsa' Jesus pasrra':

—Āaterráa ew we'werra' ūuste yu' ewmeerráa yaacysawe'sh mpaaswe: I'cue'sh cla meerrava i'cue'sh jimba tundni ūste!, macue jycaase enteva jyūcjwenderra yu' yusya' ¿jyūna u'ljmeema'cue? ¹⁶Naa u'ya' Abraham ji'ja' nava echtjē'ja' dieciocho añuc caātsā'jna ji'pju'. Atsa' macue jycaase enteva echtjē'j cuseju cusa'tje ¿ewmeemañ? jite!, ¹⁷Jesusa's atseyaacysawe'sha' wēsē'jrra', tjaamety. Nava nasa jwee cujsa yu' wecha'ty, Jesus tyacue wala ew yūupa'ga.

Mostasa fiwa's caaja'nda'ljni

(Mt. 13.31-32; Mr. 4.30-32)

¹⁸Tyajū' Jesusa' na'ljic:

—Dyus jycaajwa'j ena' ¿ma'wēcy sūjū'cue? Tyā'sa' ¿quij yacj caaja'nda'ljaqui'tj? ¹⁹Nava na'wē!: teech pitstjē'j tyajy quiwete mostasa fiwa's ujte!, ma'wē seena' walaacy. Atsa' vichacuē yujva tyāa mostasa cu'tasu yaatutyqui tyā'wēsa'.

Levadura's caaja'nda'ljnisa

(Mt. 13.33)

²⁰Qui'quin vite ejemplo na'wēsa yacjcu caaja'nda'ljna pta'sh Dyus jycaajwa'j ena's:

²¹—Teech u'ya' tej libra scuutyj ū'wete le'chcuc levadura's ca'ndte!, ma'wē jyuca pēetjējcy tyā'wēy yuuna jic.

Vity pteenzsa
(Mt. 7.13-14, 21-23)

²² Jesusa' Jerusalenna u'juetsrra', chjambsu msuuva iicaapiya'cj u'jue'.

²³ Atsa' teeche'sa' na'wēc pejy:

—Dyus tashte ewte neeyūuwa'jsa' ¿cujmeeváatyna? jīte', Jesus pasrra':

²⁴—I'cue'sha' wala yuj mpa'pchuwe vity pteenzte u'caya'. Na'jī'tj na': Maava wala yuj u'ca wējētyna, nava tjēyteva pa'pchumeerra yu' u'caya' ājāmeetyna. ²⁵Yat namu' vitya's apjyā'tje', i'cue'sha' ecaju neeyūorra' vityte tu'cacana na'jīne'cue: Vitya's meen pjaande, cue'sh u'caya'vatja'w jīne'cue. Nava tyāa pasrra': Andya' jīimeetj i'cue'sha' majūwe'shne'cue nava jīte', ²⁶i'cue'sha' na'jīne'cue: Cue'sha' indy yacj tyutemée mteeva u'jusatja'w. Atsa' indya' cue'sh chjambsuva caapiya'jng jīv'acute. ²⁷Nava tyā' na'wē pasuna: Na'jīyā'tj na', i'cue'shtyi' jīimeetj majūwe'shne'cue nava. Andy tashu me'jwe, i'cue'sha' jyucay ewmée yūsarráa i'cue jīna. ²⁸Atsa' i'cue'sh yu' eca cutyi'jni neeyūutspcachja', Abrahan, Isaac, Jacob vite' Dyus yuwe pta'shsa tyāawe'sh yu' Dyus jycaajna ūsnite ūste uyrra', seena' wala ūnene'cue qui'tj yujtyva csuus'jina. ²⁹Ecaju neeyūsáa tyā'wē űuscainí sec cāanijūwe'sh, sec cjēenijūwe'sh, majū majūwe'shva jyuca pa'jya'vata', Dyus jycaajna ūsnite u'caya'. ³⁰Atsa' cytee u'cawa'jsa āchj maafí yu' e'stewe'sh ūsta' tyāa yu' yatste yuutyna, naapcachja' yatstewe'sh yu' e'ste yuutyna jīc.

Jesusa' Jerusalena's tjengrra ūneni

(Mt. 23.37-39)

³¹Tyāa entey manz fariseowe'sh pa'jrra', Jesusa's na'jīty:

—Me'j ayjyu. Tyā'wēme', Herodesa' indya's icjya'va' jīna pta'shte',

³²Jesus pasrra':

—U'jrra na'jīne'cue tyāa tjē'ja's: Āchj yacj cuscus yacj nee mjīiwa'j jī'pjtu ech luucu vit-saty nasa ūusu cutyi'jna ātsā'satyva nuycatyjina. Sa' tecj ente' mjīina jyā'ja'nja jī'c jīne'cue. ³³Andya' nee u'juwa'j en jī'pjírráatj tecj en ājpcach, tyāa pa'gatey Dyus yuwe pta'shsa' Jerusalen ecaju yu' uuwa'j jī'pjme'.

³⁴Jerusalentewe'sha' Dyus yuwe pta'shsaty icjna Dyus caajnisatyva pāpana pcyuui'cue. Nava andya' i'cue'shtyi' maanzcuēe usva pa'yatj nwe'weya', atallva ma'wēga luuchcuēty fyuu cu'ta dyiite yu'āshi' tyā'wēy yūuya', nava nwēesē'jmeei'cue. ³⁵Tyāa pa'ga mpa'yajcywe. I'cue'sh chjamba' jyuca ptsuuna sa' āchjūyā'ja' andya's peena yu' uymeene'cue, Dyus caajni jyutjtje qui' quīiwa'j en ājpcach jīc.

Tsu'vy weete ātsa'sa's nuycatyjini

14 ¹Teech sapatu jycaase ente' Jesusa' fariseo npiitstjē'j yattec ū'ya' u'j. Atsa' vite fariseowe'sh yu' peetjengu'naty ūsu'. ²Tyāa yatte'

teech pitstjêlj tsu'vy weete âtsâ'sac ũsu'. ³Atsa' Jesusa' na'jīnac pējy ley caapiya'jsawe'sh vite' fariseowe'shtyi:

—Sapatu jycaase enteva âtsâ'sa's nuycatyjite ¿ewmañ? jīte',
⁴tyāawe'sha' pasmée shuuna'ty neeyūu. Atsa' Jesusa' tyāa âtsâ'sa's pa'yarra nuycatyjirrac caaj. ⁵Sa' fariseowe'shtyi' na'jīc:

—I'cue'sh jimba meerrava i'cue'sh cla cāfyte cjēerra u'pte', ¿dundtey cutyiljmeema'cue jycaase enteva?

⁶Tyā'jīte', wej yujva pasya' ājāmeeta'.

Boda fiestate pi'cyte walasatj sūjna pa'jsa

⁷Fiestate pi'cynisa' cachni ewsarrāaty tyjityjiste uyrra', Jesusa' na'wēc yu'cypej:

⁸—Boda fiestate i'cue'shtyi pi'cyte', cachni ewsu yu' cachnuwe. Tyā'wēme' vite i'cue'shte jytjaacue jytujtjesa vāa pa'jana, ⁹atsa' fiesta namu' i'cue'shtyi quiusuna: Ayte' naajy cachwa'jrrá' jīrra. Atsa' wala tjaamena u'juene'cue cachni achamée ewcjē cachya'. ¹⁰Fiestate i'cue'shtyi pi'cyte', wejyva nmej punzacjē mcaachwe, cyaj i'cue'shtyi pi'cysa uyrra': Namicu, ay yatscjē wejy ewcjē myuj cachya' jīte', wala wechana yatscjē cachya' u'juene'cue. ¹¹Maava walasatj sūjna iiwejch iiwejch yaacysa' tjaamewa'jrráa jī'pjuna. Nava ājmeecuesa na'wērráa yajcyna fi'nzesa' jytujtje wálasa yuuna.

¹²Sa' fiesta namu pi'cysa'sva na'jīc Jesusa':

—Indya' sāl'jīya' pi'quitsrra', iindy namicuwe'shtyi yacjtjē'jwe'shtyi pucacjē npe'shtyi meerrava utyasuwe'sh vyu jī'pjsaty pi'cynu. Tyā'wēme' tyāawe'shva caashwendu'ju'tja'w jīna indya's tyā'wēy sāl'jīya' pi'quityna. ¹³Atsa' sāl'jīya' fiesta vitutsrra', wejyva puuple ājmeecuesa lengsa uysamée tyā'wēsarrāaty mpi'cy sāl'jīya'. ¹⁴Atsa' tyāawe'sha' ca'tu' tyā'wēy caashwendu'jya' ājāmeetyna indya's. Nava wechana mneeyūu, tyāa pa'gatey Dyusa' indya's deweena Dyus luuch qui' ityī yuu ente' jīc.

Fiestate pi'cyte wa'lsa

¹⁵Tyā'wē pta'shni's wēsēljrra', mesate u'psa teehsa' na'wēc we'we Jesusa's:
 —Dyus jycaajna ũsnite u'carra ũ'sa yacja' wala yuj wecha yujna jīte',
¹⁶Jesusa' na'wēc cuentulj:

—Teech pitstjêlj fiesta wala vitutsrra', nasa seena' wala kuj pi'cycu sāl'jīya'.
¹⁷Sa' ũ'walj ora ājātste!, teech selpisa's pa'yaya' caacj: Ũ'ya' myujwe, jyuca pjeul'jniyālj ũsa' jīna pa'yacajn. ¹⁸Nava jyucaysa wa'lrira na'wērrāaty pas: Nyafytewe'sh pasrra': Quiwetj wey, sa' tjengya' u'jue jī'pjttju. Atsa' tee peltunaī jīc. ¹⁹Atsa' vite we'werra': Diez novillotj wey, sa' tjengya' u'juetstju. Naa pa'ga tee peltunaī jīc. ²⁰Atsa' tecjtewe'sha' na'wēc pas: Achrrāatja'w ptamúu, sa' yujya' tunduume'nja jīc. ²¹Tyājū' selpisá' shawendna u'jrra tyajy patrona's jyuca pta'shcu. Atsa' patrona' wala ũsacharra tyā's selpisa's na'jīnac jycaaj: Dundtey plaasasu cllīcjunsu qui' u'jrra puuple ājmeecuesa lengsa yafy puuple

uysamée tyã'wēsaty pi'cyrra ayte pe'ljna yuweene'nga jïc. ²²Atsa' selpisá' u'jrra qui' shawendna pa'ljrra': lindy jycaajni's cytey yuutj, atsa' pa'ljty. Nava cachwa'lj yu' nee ūsiyrráata' jíte!, ²³patrona' selpisá's na'ljïc: Achja' chjamb ecaju jyu'juwe'sh vite' dyi'lj u'jsatyva pi'cyrra ayte ca'ga'jane'cue macue wa'lutsteva āandyijimée, andy yatte utapcach. ²⁴Nava nyafyte pi'cynisa wa'ltyi tyāawe'sh yuutyi' caapa'ja'ljme'nja andy yatte puutsya' jïc. Tyã'ljinac cuentu'lj Jesusa'.

Jesus yacj fi'nzewa'lj tjëya'

²⁵Tyãjũ! Jesus e'ste nasa wala u'ljuets yu'ty, atsa' tyāawe'shtyi yu'tjengrra na'ljïc:

²⁶—Maava andy yacj yuusá' tyajy ney, njĩ'lj, nyu, luuch, nyacjwe'sh, npe'shwe'shtyi nvijtrra tyã'wëy iwejch yajcyna fi'nzeni's uu entepcach nvijtmeerra yu', andy yacj fi'nzeyá' ājāmeena. ²⁷Sa' macue tjëyte uupchājteva tyāatyi' yajcymée, andy yacj yujmeerra yu' andy yacj fi'nzeyá' ājāmeena. ²⁸I'cue'sha' yat wálasa tyajya'varra', jyuca jyã'ljwa'lj quĩjqũjva āj ūstymañ sũjna cachrra ¿yajcymeema'cue? ²⁹Tyã'wë yūumeete!, quiwete pyājn pa'lj mjiĩrrarráa nvijtte!, maava uysa' npeevyshicatyna: ³⁰Jyã'ljya' ājāme' jina.

³¹Tyã'wëy maa npiitstjē'ljva vite npiitstjē'lj yacj puiiya'varra', cachrra ūs yajcymeema'c: Naa diez mil soldau yacjrráa veinte mil soldauty ¿cnayma'tj? sũjna. ³²Sa' ewupchājmeete!, vite npiitstjē'lj utyameyna, yuwe cajana cuch puiimée ewterraj neeyūuya!. ³³Atsa' tyã'wëy i'cue'shva dyiicjēy jyuca ūs yajcyrra i'cue'sh ji'pjuni's nvijtmeerra yu', andy yacj fi'nzeyá' ājāmeene'cue.

Nenga seelpimeesa

(Mt. 5.13; Mr. 9.50)

³⁴Nenga' selpi'c, nava jyuca shūucājrra' ¿ma'wë selpiicy? ³⁵Quiwete shaacue'ljwa'ljrráa yujva selpi'tsme!, pumbwa'ljrráac yu!. Jiyuwa'ljsa ūsrra', jiyune'cue jïc.

Piisháa vitusa yacj caaja'nda'ljni

(Mt. 18.10-14)

15 ¹Gobierno jii vyu pcjacsawe'sh vite' pcalsawe'sh jyucaysa Jesus pta'shni's wēsē'ljya' utyaaty. ²Tyāa pa'gaty Dyus ley caapiya'ljsawe'sh vite' fariseowe'sha' Jesusa's na'ljina nuywe'we:

—Naa pitstjē'lja' wala fiy yu'c, pcalsawe'shtyi jypa'garra tyāawe'sh yacjcu ū'we' jíte!, ³Jesusa' naa ejemplo'scu pta'sh:

⁴—I'cue'sha' cien piisháa ji'pjrra', teechna' vyaameete!, vite noventa y nuevesaty cysūu nvijtrra ¿piisháa vitusa's pacueya' u'ljmeema'cue uypcach? ⁵Sa' piisha's uyrra', yacjrra wala wechana ⁶yatte pa'ljrra, namicuwe'sh vite' cysūu utyasuwe'shtyi pa'yarra: Andy piisháa vitusa's uyyā'tj, atsa' andy yacj ja'nda wecha mpu'chwe jina ¿pta'shmeema'cue? ⁷Na'ljĩ'tj na!: Cieluteva tyã'wëy noventa y nueve nasa ewsate jytjaacue

wala wecha yuja' teech nasarráava pcaltyi nvijtrra Dyus tashte shawendte'.

Vyu weteni's caaja'nda'jni

⁸Tyā'wēy teech u'y diez vyu mush ji'pjrra', teehsa wetete', ¿lampara's pqui'tarra yatte jypa'yacy pandna pacuemeema'c uypcach? ⁹Sa' tyāa vyu's uyrra' tyajy namicuwe'sh vite' cysūu utyasuwe'shtyi pa'yarra: Ū'cue vyu wetesa's uytju, atsa' ū'cue yacj ja'nda wecha mpu'chwe jīna ¿pta'shmeema'c? ¹⁰Na'jī'tj na': Dyus angeleswe'shtyiva tyā'wēy wecha yuja' teech nasarráava pcaltyi nvijtrra Dyus tashte shawendte'.

Luuch ney yatu casejni

¹¹Tyajū' Jesusa' vite ejemplo na'wēsac pta'sh:

—Teech pitstjē'j e'nz nchi'ccu ji'pju'. ¹²Atsa' nuuchsa' neya's na'jīc: Tata, iindy ji'pjuni andy jīi yuuwa'ja's tyujnderra maj jīte', neya' tyujnderra ducjcu. ¹³Atsa' jypa'gani manz enterrāa tyāa nchi'c nuuchsa' ney ducjni's jyuca pcjacjrra jyu'j quiwen u'cj. Sa' cyteea' ewmēe yūuna jyuca vyu's psuwna pembac. ¹⁴Tyā'wē vyu's psuwna pemaatspcachja', wējē en pa'cj tyāa quiwete. Atsa' tyāa pitstacya' wēeya' yajcyacu. ¹⁵Sa' cysū mjīi pacueya' u'cj teech pitstjē'j tashte. Atsa' tyāa pitstjē'j yu' cuchi sā'jīya'c caaj tyajy tulte. ¹⁶Tyajū' tyāa pitstacya' wēerra cuchi ū'pusnava ū' wēec. Nava tyā'wēsarrāa yujnava puutsmeeta' tyāa pitstacya's. ¹⁷Tyajū' ūus yajcyya' cachrra naa sūjc: Andy yu' ayte wēerra uuya'vatj, naapcachja' andy tata yatte mjīisa piuna' quīj yujva wēemēe ūstyna maanzcuēerrava. ¹⁸Atsa' andy tata yatna qui' shawendna u'jrra na'jī'nja: Tata, Dyus dyi'pte wala ājmēe yūutj, sa' indya'sva tyā'wēytju wala ājmēe yūu. ¹⁹Sa' nchi'crrava āchja' iindy peeygāawa'lmeeyā'tj. Nava iindy piun na'wērrāava meen jypa'ga jī'nja sūjnac yajcy. ²⁰Tyajū' quiiterra ney yatna shawendna u'cj. Atsa' pa'jatste', neya' jiyuc jyu'tje yujyina. Sa' nchi'ca's peeygājrra pu'tjengya' wuwuuna u'jrra, psha'ndrrac wecha. ²¹Tyajū' nchi'ca' na'jīc neya's: Tata, Dyus dyi'pte wala ājmēe yūutj. Sa' indya'sva tyā'wēytju wala ājmēe yūu. Nchi'crrava, āchja' iindy peeygāawa'lmeeyā'tj jīte', ²²neya' selpisaaty pa'yarra na'jīnac jycaaj: Ropa ewsa cutyi'jrra dund mcaatjē'jwe. Sa' sultyjicjava cusete qui'prra spaatuva mpaatjē'j. ²³Teech tulu pitstacy niishsa's nicyya' u'jrra miicjwe, fiesta vitrra ū'ya'. ²⁴Andy nchi'ca' uuníi na'wē yā'jrrava qui'quin ityī yuuc, sa' vituna u'jurrava qui' vyaac jīrra', wala wechana fiesta vittyi.

²⁵Naapcachja' nchi'c ntjē'jsa yu' mjīi ejisu u'jurrā', shawendna yatte pa'jatsrra', wēsē'cj cu'jna tucani música zhichcuesa's. ²⁶Sa' teech selpisá's pa'yarra pējyacu: Yatte' ¿quīj yūuna ūstyna? jīte', ²⁷selpisá' pta'shcu: Iindy nyacj jyu'j quiwen u'jsa qui' shawendna pa'cj. Tyāa pa'ga iindy tata' tulu niishsa's quicje'jrra fiesta'jatsa' jīte', ²⁸nyacj ntjē'jsa' wala ūusacharra



(San Lucas 15.21)

yatte u'caya' wa'lcu. Atsa' neytjē'ja' casejrra wala pytjaa we'wec u'cacajn. ²⁹Tyajū' tyāa nchi'c yu' na'jīc neya's: Andya' maanzcuēe añu iindy tashte bagach yujva wa'lmée selpiina ūsteva jiing. Nava indya' teech caplacuērrāa yujva iiusmeeng, andy namicuwe'sh yacj fiesta'cjan. ³⁰Nava iindy nchi'c tyacue wala u'y ewmeesa yacj vyu's psuwna pembasāa yu'sa'

tulu niishsa's icjrrang fiesta'ja' jíte', ³¹ neytjêlj pasrra': Andy nchi'c, isa yuj we'we'ng. Indya' bagachteva andy yacj tyutemée nesngu yu', naa pa'ga andy ji'pjuni' qui'jva jyuca iindy jüirraráata'. ³² Tyā'wē iindy nyacj uuní na'wēyā'jrrava qui'quin ityī yuuc sa' vituna u'jurrava qui' vyaac tyāa pa'ga wechana peja fiesta'jwa'j ji'ptja'w jīc neya'.

Yultumu patron jī's ewmée jype'jsa

16 ¹ Tyajū' Jesusa' na'jīnac cuentu'j tyāa yacj u'jusawe'shtyi: —Teech patron wala ji'pjsa' teech yultumu ji'pju'c. Atsa' tyāa yultumu ewmée yūuni's pta'shtyi: Iindy yultumu' iindy ji'pjuni's wala psuwna ūsa' jíte', ² tyāa patrona' tyajy yultumu's pa'yarra na'jīc: Andy ji'pjunityi' wala psuwna ūsa' jī'ty sa' indya' ¿quij yūuna ūsnga? Tyā'wē yā'jrra', indyna neewe'weni andy ji'pjuni's jyuca qui' mducj andyna. Indya' peena yu' andy yultumu selpiiya' ājāmeene'nga jíte', ³ yultumu' ūus yajcyya' cachcu: Áchja' ¿quij yūuqui'tj andy mjīia's patron cusa'tje'? Andya' uutjashte mjīiya' yu' jīimeetj sa' lmushnu tjāasna u'jute yu' tjaameyujna. ⁴ Atsa' patron tashu casejnijū maava tyāawe'sh yat-su pe'jna sāl'jīcajn na'wē yūuya'c yajcy: ⁵ Patrona's yuulsaty teech teechrraj pa'yarra, nyafyte utyaasa's pējyucu: Indya' ¿manz yuulnga andy patrona's? jíte', ⁶ Cien tarro aceite yuultju jīc. Atsa' yultumu' na'jīc: Iindy yuuluni etsa' ayga ūsa' tyā'sa' dund yuj c'jūc'jrra, yuula's cincuentarrāa mqui'p jīc. ⁷ Tyajū' vite'scu pējy: Indya' ¿macue yuulnga? jíte', cien arroba scuutyj yuultju jīc. Atsa' yultumu' na'jīc: Iindy yuuluní etsa' ayga ūsa' tyā'sa' dund yuj c'jūc'jrra, yuula's ochentarrāa mqui'p jīc. ⁸ Tyajū' tyāa yultumu ewmeesa' tyā'wē dundtey yūuni's patrona' jiyurra': Ma'wē fi'nzewa'ja'sva dund yuj ūus yaaqui'c jīc. Atsa' naa quiwete nasa pcalsa' Dyus luuchte jytjaacuety dund ūus yaaqui' tyāawe'sh ma'wē puuty we'wewa'ja'sva.

⁹ Atsa' andya' i'cue'shtyi' yu'cypeje'tj tyā'wēy yūucajn, naa quiwete ji'pjuni's psuwmeé jypa'yacy mcseelpi'jwe namicu vitna. Cyaj naa quiwete ji'pjunisa ptsuuteva, vite quiwe ptsuwa'jmeete i'cue'shtyi jypa'gawa'jsa ji'pjune'cue.

¹⁰ Maava le'chcuērrāa ji'pjrrava jypa'yacy jype'jsa', walasa'sva tyā'wēy jypa'yacy jype'jena. Atsa' maava le'chcuērrāateva jypa'yacymée psuwna jype'jsa', walasa'sva tyā'wēyrrāa jypa'yacymée psuwuuna. ¹¹ Tyā'wē naa quiwete ji'pjuni'srrāa yujva jypa'yacymée psuwna fi'nzetste', i'cue'shtyi' ¿quim neewe'werra nviitucy ptsuwa'jmée ji'pjuwa'ja's? ¹² Peecy jīimée vite jīi yujtyva jypa'yacymée psuwna fi'nzetste', ¿quim ūsucy i'cue'sh jīi yuuwa'ja's?

¹³ Maa selpisāa yujva e'nz patrontyi selpiiya' ājāmeena. Tyā'wē viterrá's wendyna fi'nzerra', vite patron yu'sa' atsena. Sa' teehsa jycaajnrá's cytey yuurra', vite patron jycaajni yu'sa' cytey yuuya' ājāmeena. Tyā'wēy Dyusna selpiina naa quiwete ji'pjuni'sva pa'pchuna e'nz ajtey yajcy

fi'nzeya' ājāmeena jīte', ¹⁴ fariseowe'sha' naa quiwete ji'pjunirrá's wejy pa'pchuna fi'nzesa wēsēljrra', Jesusa's weech we'wety. ¹⁵ Atsa' Jesusa' na'jīc fariseowe'shtyi':

—I'cue'sha' naa quiwete nasaa dyi'pte yu' wala ewsa na'wē fi'nze'i'cue. Nava Dyusa' i'cue'sh ūs yaacynityi' jyuca jiia'. Naa quiwete nasarráa i'cue'shtyi' ewсата' jīte', Dyus yu' tyā'jīmeena.

Dyus jycaajni ley scjēwwa'jsamée

¹⁶ Moises ley vite' Dyus yuwe pta'shsawe'sh caapiya'jni' Juan Bautista entepcachtayi ūsu'. Cyajuc yuwe u'sesa' Dyus jycaajwa'j ena's pta'shni yuu, atsa' maava Dyus jycaajnitewe'sh yuuya' wala pa'pchu'ty. ¹⁷ Macue cielu ptsuuna, quiweva ptsuuna, nava Dyus jycaajni ley yu' wej yujva yu'ptjejwa'jsame' bagachte yujva jīc.

Ptamsa tyuteewa'jme's Jesus caapiya'jni

(Mt. 19.1-12; Mr. 10.1-12)

¹⁸ Maa pitstjē'jva peecy nyu's wāatājrra vite yacj ptamuurra', tyā' pcal yuuna. Atsa' maa pitstjē'jva tyāa u'y wāatāanisa yacj ptamuurra', tyāava pcal firráa yuuna.

Teech ji'pjsa vite' puuple Lasaro

¹⁹ Tyajū' Jesusa' vite cuentu na'wēsac pta'sh:

—Teech pitstjē'j wala ji'pjsa u'pu'c. Sa' ropa ewsa yuurráa atjrra een isac wala wechana fiesta vitu'. ²⁰ Tyāa ji'pjsa yat vityte teech puuple wā'jyrráa uta ji'pjsa Lasaro yaasesac quiwete cachrra u'pu'. ²¹ Tyāa puuple yu' wēerra ji'pjsa mesa tashsu quīj ū' pe'larráava ūshisaty ū'wēn ūytjasna u'pte', alcu' cūjrra tyāa wā'jytyi techi'ty. ²² Nava teech ente' tyāa puuple' uuc. Atsa' angeleswe'sha' jyūna u'jty wēt ūsnite Abrahan yacj ūscajn. Tyāa e'su' ji'pjsava uuc, atsa' tyā'sa' pendaaty. ²³ Atsa' ji'pjsa' uusaawe'sh ūsni cshavyte pytjaa yaachana ūsrra', pesayrra jyu'tje uycu Lasaro yu' Abrahan yacj wēt wechana u'pte. ²⁴ Tyajū' na'jīnac sus we'we: Tata Abrahan, andya's meen peeygāj. Seena' yuj wala pa'ga yuuna ūstju naa ipy wala achate. Atsa' Lasaro's mcaaj tyajy cuse vitsrráanava yu'te tuupja'jrra andy tjunete tuupja'jya' yuucajn jīte', ²⁵ Abrahan pasrra': Nchi'c, miiyajcy. Indya' nee ityī u'juy yu', wala yuj wēt wechana fi'nzesa yu'ng. Naapcachja' Lasaro yu' wala pytjaa yuuna ñuste fi'nzec. Nava āchja' ayte wēt wechana ūsa', naapcachja' indya' wala yuj pytjaa yuuna ūsngu. ²⁶ Pytjaang we'we' nava peña tjcafy wala tyujndena ūsa', atsa' ayjyuwe'sh cytee pesaj wēerrava ājāmeetyna, sa' tyajuwe'shva ayte pesajya' ājāmeetyna jīte', ²⁷ chjavysáa pasrra': Tyā'wēyā'tje', Tata Abrahan, indya'stju pytjaa we'we', atsa' Lasaro's meen caaj andy tata yatna, ²⁸ cyte' tajts nyacj ji'ptju tyāawe'shtyi pta'shya' andy ayte nacue wala pytjaa

yuuna ũstju cytee yuucajmén jíte!, ²⁹Abrahan pasrra': Tyāawe'sha' Moises vite! Dyus yuwe pta'shsawe'sh fi'jnity ji'pjta' na' tyāaty wēsē'jetyna jíte!, ³⁰chjavysáa pasrra': Tata Abrahan, tyā'wē yujta'. Nava maarráava uusaawe'sh cshavyu ityī yuurra tyāawe'shtyi' pta'shya' u'lvatsa', pcaltyi nvijtrra Dyus tashte qui' shawenduutyna jíc. ³¹Atsa' Abrahan pasrra': Moises vite! Dyus yuwe pta'shsa tyāawe'shtyi' nwēesē'jmeeyā'jrra', macue uusaawe'sh cshavyu qui' ityī yuurra pta'shteve, cyul yujna jíc.

Pcalte cweete'jya'mée jypa'yacywa'ja'

(Mt. 18.6-7, 21-22; Mr. 9.42)

17 ¹Jesusa' na'wēc caapiya'j tyāa yacj u'jusawe'shtyi: —Nasaty pcalte cweete'jsa yu' bagachteva nes yuutyna. Nava pcalte cweete'jsa' wala yuj ñus castigo cnayuuna. ²Atsa' tyāa pcalte cweete'jsa's scuutyj ũ'cjni cueta's tyicjite tundrra ícj wala dyiicjē wātājvats yuurráa wejy ewna, naa le'chcuesaty pcalte cweete'cjamen. ³Tyā'wē yūuya'mée jypa'yacy me'juwe.

Meerrava indya's váa ājmée yūuna iindy yacjtjē'j atsa' tyā'sa' myu'cypej. Tyajū' ājmée yūusa': Meen peltunāi jíte!, indya' peltunāywa'j ji'pjngu. ⁴Macue teenterráa sietepcach ājmée yūurrava, cyanz usíi indya's perdon pējyya' pa'tje!, indya' peltunāywa'j ji'pjngu jíc.

Dyusa's jweeírráa chjächja yaacywa'ja's pēyni

⁵Tyajū' Jesus yacj u'jusawe'sha' na'wēty pējy:

—Dyusráana wejy chjächja yajcyna fi'nzeczajn cue'shtyi' meen pu'ch jíte!, ⁶Jesus pasrra':

—Dyusa' pu'chjina sūjwa'ja's mostasa ñiñ na'wēcūerráava ji'pjavatsa', naa fytūu tasha's cjumbeterráa ícj walate me'j cjēeya' jíte!, tyāa fytūu tasha' cytey yuuna jíc.

Selpisa' na'wē yuua'jsa'

⁷I'cue'sha' teech selpisáa ji'pjte!, tyā' mjii ejsu u'jurra cusutste pa'tje!: Myuj ayte cachrra ũ'ya' ¿jīma'cue? ⁸Tyā'jīmée wejyva na'wē cajane'cue: Andy ũ'wa'j iitse'jrra mesate pjeu'jrra mtyaj. Sa' andy ũ'na jyā'tje, indya' ũ'wene'nga jīne'cue. ⁹Patrona' ¿selpisa's wechama'c tyā'wē cytey yuupa'ga? Wechameena. ¹⁰Tyā'wēy i'cue'sha' Dyusa's selpiwa'jsai'cue na' macue tyajy jycaajni's jyuca cytey yuurrava, wechaa jytjāaswa'jsamee'cue jíc.

Diez pitstjē'j wā'jy weete ātsa'saty nuycatyjini

¹¹Tyajū' Jesusa' Jerusalenna u'juetsrra', Samaria vite! Galilea quiwesuc scjēwna ul'. ¹²Atsa' teech chjambte' diez pitstjē'j wā'jy wee canzh ji'pjsaty Jesusa's puuty uyya' casej. Nava jyu'tjerráa yujurra, ¹³na'jīnaty sus we'we:

—Cue'shtyi meen peeygāj jīte!, ¹⁴Jesusa' tyāawe'shtyi' na'wēc jycaaj:
 —I'cue'sh cacueti sacerdotewe'shtyi tywesya' me'jwe jīna jycaatje',
 tyāawe'sha' dyi'tje u'juetsty yu', naapcachja' tyāa wā'jy we' naa dundte
 jyuca wēetcu. ¹⁵Atsa' teehsa' catyjijyā'jrra', dyi'juu shawendcu Dyusa's
 sus we'wena wechana. ¹⁶Sa' Jesus tashte cūjrra' peejyūcuc: Wech ew
 yūung jīna. Tyāa pitstjē'j yu' Samariajūwe'shcu yu'. ¹⁷Atsa' Jesusa' na'jīc:
 —¿Diezsaíi jyuca catyjimeevá'nta? Vite nuevesa yu' ¿mteeta yuu?
¹⁸¿Naa pitstjē'j vite ajūwe'shrráa vá' Dyusna wechaya' shawend? jīrra',
¹⁹tyāa pitstjē'ja's na'jīc:
 —Quiiterra me'j. Indya' catyjining neeyūu, tyā'wē Dyusa' nuycatyjina
 sūjrrane'nga cytey nwēesē'j naa pa'ga jīc.

Dyus Nchi'c Nasa Yuusáa pa'jwa'j en

(Mt. 24.23-28, 36-41)

²⁰Tyajū' fariseowe'sha' Jesusa's na'jīnaty pējy:
 —¿Bagach Dyusa' isa naa quiwete jycaajacy? jīte', Jesus pasrra':
 —Dyus naa quiwete jycaajni's yafyju yu' āate ya'uymeena.
²¹Dyusa' jycaajya' pa'jrra: Achja' ayte ūsa' meerrava cytee ūsa' jīna
 ya'we'wemeena. Tyāa pa'gategy i'cue'sha' Dyus jycaajni enteyā'j ūsi'cue.
²²Tyajū' tyāa yacj u'jusawe'shtyi na'jīnac yu'cypej:
 —I'cue'sha' Dyus Nchi'c Nasa Yuusáa naa quiwete quīini's dund
 uy wējēne'cue, nava dund yu' uymeene'cue. ²³I'cue'shtyi' nasa yu'
 na'jīváatyna: Ayte ūsa' meerra' cytee ūsa' jīteva, u'jmeene'cue sa'
 nwēesē'jvameene'cue. ²⁴Cpi'sh cwejnevatsrráa ma'wē naa dundte majūva
 jyuca vyaacy, tyā'wēyrráa yuuna Dyus Nchi'c Nasa Yuusáa pa'jwa'j en
 ājte'. ²⁵Nava tyāa en ājmeyna, Dyus Nchi'c Nasa Yuusa' wala pa'ga yuuna
 naa ensu nasa yaatseni. ²⁶Noé ensuva ma'wēga yuu, tyā'wēyrráa yuuna
 Dyus Nchi'c Nasa Yuusáa pa'jwa'j ensuva. ²⁷Noé ensu nasa' quīj yujva
 peejymée ū'na ptamuuna vite' tyāawe'sh niisaty caaimi'a'jnaty ūsu'.
 Nava Noé barcode u'catspcachja', nus wala pa'jrra icj utate' jyuca uuty.
²⁸Lot ensuva tyā'wēytyi yūuna ūsu', quīj yujva peejymée ū'na, uutjash
 vitna, tyweyna, yatva tyā'wēytyi wala tyajna ūsu'. ²⁹Nava Lot Sodomajū
 casejetspcachja', cielujū asufre bejna quījrra jyucaysaty cambcu.
³⁰Tyā'wēyrráa yuuna Dyus Nchi'c Nasa Yuusáa vyaa enteva.
³¹Tyāa ente' ēeyatte váa u'psa yuuna, nava sa'jrra quījrránava dyiiju
 cutyi'jwa'j enrúa yujva jil'pjumeena. Sa' maaii yu' chjamb ecaju váa u'ju
 yuuna, nava yatna shawendwa'j enrúa yujva uymeena. ³²Lot nyuuva
 ma'wēga yuu tyā'sna miiyajcywe. ³³Tyāa ente' maa nasava naa quiwete ityi'
 fi'nzenirrá's yaacysa', Dyus yacj ityi' fi'nzewa'j yu'sa' iviituna. Nava maava
 naa quiwete ityi' fi'nzeni's yaacysame', Dyus yacj ityi' fi'nzewa'ja's jil'pjuna.
³⁴Na'jī'tj na': Tyāa custe' teech camaga e'nz váa dejna ūs yuutyna. Nava
 teehsa's pejna u'jni yuuna, naapcachja' vite yu' neeyūuna. ³⁵Tyā'wēy

e'nz u'y váa cyteerraj ũ'cjna ũs yuutyna. Nava teehsa's jyūna u'jni yuuna, naapcachja' vite yu' neeyūuna. ³⁶Meerra' e'nz pitstjē'j váa cyteerraj mjīina ũs yuutyna. Nava teehsa's jyūna u'jni yuuna, naapcachja' vite yu' neeyūuna jīte', ³⁷Jesus yacj u'jusawe'sha' na'wēty pējy:

—¿Mtee tyā'wē yuucy? jīty. Atsa' Jesus pasrra':

—Cacue cja'ty mcaa uuna ũsteva, mēewējya' āate pcjaacjetyna jīc.

Cjuēs ewmeesa viuda's nwe'weni

18 ¹Dyusa's pechcanamée bagachteva tyāa yacj puuty we'wena nes yuucajn naa ejemplo'scu pta'sh Jesusa':

²—Teech chjambte teech cjuēs u'pu'c, Dyusa's yaacysamée sa' nasatyva peeygāja'tsme'. ³Tyāa chjambte' teech u'y viudac u'pu', sa' cjuēs tashte pāatyjī'cjya' u'jna nescu yu': Ũ'cue's meen nwe'we, atsesa wala pcyu'ty jīna. ⁴Maanzcuēe usva pa'tjeva, tyāa cjuēsa' pu'chme', nava na'wēc yajcy: Dyusnava yaaquitsmeetj sa' nasa maa yujtyva peeygāasameetj. ⁵Nava naa viuda' wala cuch tajtatey pa'ja'c atsa' pu'chji'nja peena yu' pa'cjamén jīc.

⁶—Cjuēs ewmeesa yujva tyā'wēc pu'chya' yajcy jīc Jesusa'. ⁷Dyusa' ¿tyā'wēyrrāa pu'chmeema'c tyajy tyjityjnisatyi'? Tyā'wē cus ma'c yuu en ma'c yuu nava pytjaa we'wena nes yuute' pu'chya' jytjēyumeena. ⁸Na'jī'tj na': Dyus Nchī'c Nasa Yuusáa naa quiwete shawendna quiī enteva ¿tyā'wē Dyus yacj pu'vitumée neewe'wesa ũsma'ty yuu? jīc.

E'nzsa dyuus yatte Dyus yacj puuty we'weya' u'cani

⁹Jesusa' na'wēc vite ejemplo pta'sh tyā'wē maafī yu' wala ewsatja'w sūjna vite yuutyi' ajtsena fi'nzesawe'shtyi:

¹⁰—E'nz pitstjē'jty dyuus yatte Dyus yacj wechana puuty we'weya' u'ca. Teehsa' fariseo', atsa' vite' gobierno jīi vyu pcjacjsac yu'. ¹¹Fariseo yu' yujurra na'jīnac Dyus yacj puuty we'we': Dyus, indya's wala wecha'tj, andya' vite nasa na'wēmeetj. Tyāawe'sha' pesweeta', ewmée canzhzata'. Sa' nyu jī'pjrrava vite yacj pcal yuusata'. Atsa' andya' tyā'wēsameetj. Naa pitstjē'j ayte ũsa' gobierno jīi vyu pcjacjsa tyā'wēsarrāa yujva meetj. ¹²Sa' qui'sute e'nz us yūuna'tj. Andy cnayni quijqūjnava diesmo ducje'tj indya's jīc. ¹³Naapcachja' gobierno jīi vyu pcjacjsa yu' jyu'tjerrāa yujurra cielute yujva pagaymée naasāa tyajy pechuterrāac iicacana Dyusa's na'jī': Dyus, andya's meen peeygāj. Wala yuuwesatj jīnarrāac we'we'. ¹⁴Na'jī'tj na': Gobierno jīi vyu pcjacjsa we'weni's Dyusa' pasne'. Nava fariseo yu' pasnimeene' yatna shawendna u'j. Maava iiwejch iiwejch yajcyrra we'wesa', jytjaacue ājmeecuesa yuuna. Nava maava ājmeecuesa na'wē yajcyna we'wesa' iiwejch yaacysate jytjaacue ewsa yuuna jīc.

Luuchcuēty Jesus bendeciyni

(Mt. 19.13-15; Mr. 10.13-16)

¹⁵Tyajū' nasa' Jesus tashte tyāawe'sh luuchcuēty nuypa'jty Dyus cusete neewe'wecajn. Atsa' Jesus yacj u'jusawe'sha' ūuscha we'wety luuchcuēty nuypa'jsaty. ¹⁶Nava Jesusa' tyāa yacj u'jusawe'shtyi pa'yarra na'ljic:

—Luuchcuē andy tashte yujte!, cuch yupnuwe, tyāa pa'gately Dyus jycaajna ūsnisa' naa luuchcuēwe'sh na'wēsa jii íírrá!. ¹⁷Isatj we'we!, maava luuchcuē na'wē Dyus jycaajwa'j ena's wa'lmée jypa'gameerra yu!, bagachte yujva Dyus tashte u'cameetyna jic.

Pitstacy wala ji'pjsa Jesus yacj puuty we'weni

(Mt. 19.16-30; Mr. 10.17-31)

¹⁸Tyajū' teech pitstacy npiitstjē'jsa na'wēc paapējy Jesusa's:

—Indya' wala ewngu quijsuva jyuca, tyāa pa'ga na'wētj paapēyi! ¿Ma'wē yūurra ptsumée ityí fi'nzewa'ja's ji'pjuqui'tj? jíte!, ¹⁹Jesusa' na'ljic:

—¿Quij yuupa'ganga andya's ewsa jí'? Naa quiwete! teechrráa yujva ewsa yu' meeta'? naasáa Dyus yuurráa ewsa ūsa!. ²⁰Ptsumée ityí fi'nzewa'ja's ji'pju wēerra!, Dyus jycaajnityi' jing tyāatyi' cytey myuu. Tyā' naata!: Ptamsayā'ja' vite yacj pcal yuua'jme!. Nasa icjwa'jme!. Pesweewa'jme!. Vitety ishīina nuywe'wewa'jme!. Neywe'shtyi peeygājna ewrráa yūuna fi'nzewa'ja' jíte!, ²¹tyāa pitstacy pasrra':

—Tyāatyi' le'chcuējūy jyuca cytey yuunatj waláa jic.

²²Atsa' Jesus wēsē'jrra' na'wēc jycaaj:

—Tyā'wēteva, nee peeji!. Iindy ji'pjuni's jyuca tyweyrra, puuplesaty peesune'nga. Tyā'wē yūurra!, cielute ji'pjsa yuune'nga. Tyā'wē yūurra andy yacj myuj jíte!, ²³tyāa pitstacya' wala űusna neeyūuc, wala ji'pjsa yu'c tyāapa'ga. ²⁴Tyā'wē űuste!, Jesusa' na'ljīnac we'we:

—Maava wala ji'pjsa yacja!, wala yuj tjēya' Dyus jycaajna ūsnite u'cawa'ja!. ²⁵Atsa' tyā'wē tjēysa's yajcyte yu!, camello yujva tjēymée vaa yūnz cacya u'caya' ājatyna.

²⁶Tyā'jíte!, na'wēty we'we:

—Tyā'wē tjēyte!, ¿quim ewte neeyūuya' ājācy? jí'ty. ²⁷Atsa' Jesusa' na'ljic:

—I'cue'shrráa yu' ājāmeene'cue. Nava Dyus yacj yu!, quij yujva tjēysa meea' jíte!, ²⁸Pedro' na'wēc we'we:

—Cue'sha' indy yacj yujya' cue'sh ji'pjuni's jyuca nvijttja'w jic. ²⁹Atsa' Jesus pasrra' na'ljic:

—Isatj we'we!: Dyus jycaajni's nwēesē'jya' maava yat, neywe'sh, nyacjwe'sh, nyu, nchi'cwe'sh tyā'wēsaty nvijtrra!, ³⁰naa quiwete nee ūsīi tyāa nviitnisate jytjaacue jypa'gatyna, sa' vite quiwete' ptsumée ityí fi'nzewa'ja's ji'pjutyna jic.



(San Lucas 18.22)

Jesusa' tyajy uuwa'ja's qui' pta'shni

(Mt. 20.17-19; Mr. 10.32-34)

³¹Jesusa' tyāa yacj u'jusawe'sh docesaty fiite pa'yarra na'wēc pta'sh:
—Āchja' Jerusalente pa'jya' u'juetstja'w, atsa' Dyus yuwe
pta'shsawe'sha' fil'ty Dyus Nchi'c Nasa Yuusá's ma'wē yūuwa'tjeva tyā'
jyuca cytey yuuna. ³²Dyus Nchi'ca's vite nasaty ducj ya'vata', atsa'
tyāawe'sha' npeevyshijcana wēeshuuna fyne'sh avytjetjna yūuya'vata'.
³³Sa' wala pechujcuena yuurra icjetyna. Nava tecj ente' qui' ityī yuuna
jīteva, ³⁴tyāa yacj u'jusawe'sha' wej yujva jiyumeeta' sa' tyā'wē cytey
yuutyna sūjū'tsvameeta'.

Tech pitstjē'j Jericotewe'sh uyya' ājasame's Jesus nuycatyjini

(Mt. 20.29-34; Mr. 10.46-52)

³⁵Tyajū' Jesusa' Jerico chjambte pa'jatste', tech pitstjē'j uysamēec dyl'j
pucate cachrra lmushnu pējyna u'pu'. ³⁶Sa' nasa wala scjēwna susutste
wēsē'jrra', pējycu:

—¿Qui'j yuutsna? jīna. ³⁷Atsa' nasa pasrra':

—Jesus Nasaretjuwe'sh aysu scjēuutsa' jīte', ³⁸uysame' na'jīnac sus
we'we:

—¡Jesus, David ji'j, andya's meen peeygāj! jīna pytjaa we'wete', ³⁹nasa
yatste u'jsawe'sh yu':

—Shuuna' myuu jīnaty wēeshu we'we. Nava tyāa yu' jweeírráac sus we'we:

—¿David ji'j, andya's meen peeygāj! jīna.

⁴⁰Tyājū' Jesusa' nee yujurra pe'jya' caacj. Sa' utyaana cūjte!, na'jīc:

⁴¹—¿Quijnga yūu jytjāasu!? jīte!:

—Andya' uyya' ājā'tsmeetj, tyāasatj uy wējē' jīc.

⁴²Atsa' Jesus we'werra!:

—Caayu'u'juna sūjrrane'nga andya's pi'cy, tyāa pa'ga āchja' uyna mneeyūu jītspcachja', ⁴³tyāa dundtey uyya' ājāc, sa' Dyusna wala wechana Jesus e'stey u'cj. Tyā'wē uyya' ājāte nasa uyrra', tyāawe'shva tyā'wēytyi Dyusa's wala wecha.

Zaqueo yacj Jesus puuty we'weni

19 ¹Tyājū' Jesusa' Jerico chjambte pa'jrra', tyāa chjamsu scjēuutsu yu'. ²Atsa' cyte' teech pitstjē'lj wala ji'pjsa Zaqueo yaasesac ūsu'. Tyāa yu' gobierno jīi vyu pcjacsja npiitstjē'jsac yu'. ³Tyāa Zaqueo' Jesus quimteva jiyuya' puuty uy wēerrava, nasaa wala cshavyte' ājāme', tyāa yu' le'chcuēec yu' naa pa'ga. ⁴Sa' yatste wuwuurra, sicómoro fytūu tashtec tejca Jesusa's uyya'. ⁵Atsa' Jesusa' cyuy uycjēuutsrra', fytūu tashte pagayrra Zaqueo's we'wec:

—Dundrrāa tyājū miisa'lj, andya' iindy yatte āchjīi pa'jwa'lj ji'ptju jīte!, ⁶Zaqueo' dundrrāa sa'jrra, Jesusa's wechanac tyajy yatte jypa'ga. ⁷Tyā'wē yūute' nasa jyucaysa atsewe'wety: Jesusa' tyāa pitstjē'lj pcalsa yattede pa'jya' u'lj jīna. ⁸Tyājū' Zaqueo' yujurra na'jīnac we'we:

—Andy ji'pjuni's puupyājn tyujnderra puuplety peesu'nja, sa' maafītyi's īshīrra jytjaacue vántca vyu cusa'lj nava cusa'jnite pajnz us jytjaacue caashwendu'ju'nja jīte!, ⁹Jesusa' na'jīc:

—Naa pitstjē'ja' Abrahan ji'cj yuu naa pa'ga naa yattewe'sh ewte neeyūuwa'lj en pa'cj āchja'. ¹⁰Dyus Nchi'c Nasa Yuusa' tyā'wē vituna ūssaty pacuerra ewte nvijit-ya' írrráatj quīj jīc.

Patron vyu's nuypenacajn selpisaaty nviitni

¹¹Jesus we'weni's wēsē'jsa yu', naa sūjnaty ūsu!: Jesusa' Jerusalente pa'ljatsa' na' āchja' tyāa jycaajsa yuuna sūjnaty ūsu!. ¹²Naa pa'ga na'wēc cuentul'jna pta'sh:

—Teech pitstjē'lj jytujtjesa jyu'lj quiwen u'cj, cytee pa'jrra jycaajsa yuurra qui' shawendya'. ¹³Nava u'jmey, diez selpisaaty pa'yarra, cyanzīty tyacuerrarráac vyu ūsrra na'jīna neewe'we: Andy shawendna pa'pjcach naa vyu yacj mjīine'cue nuypejnaya'. Tyā'jīrrac jycaajsa yuuya' jyu'lj quiwen u'lj. ¹⁴Nava tyajy quiwete nasa' jycaajsa qui'pni's wa'Irra, na'jīnaty pātyjī'cjya' caaj tyajy e'stey: Naa pitstjē'lj cue'shty jycaajni's peejymeetja'w jīteva, ¹⁵pejca jycaajsa yuurra qui' shawendcu tyajy

quiwení. Sa' pa'jrra' selpisaaty vyu ūsne' tyāaty pa'yac, nasa iisa manz nuypejnateva jiyuya'. ¹⁶Atsa' nyafytewe'sh cūjrra' na'ljīc: lindy vyu ūsngu tyāate dieztju jytjaacue nuypejna jīte', ¹⁷jycaajsa pasrra': Wala ew selpiing. Tyā'wē walameecuēsa'sva ew jype'pja'ga, diez chjambte jycaajwa'jsa ne'jue'sh qui'pu'nja jīc. ¹⁸Tyajū' viteva utyaarra na'ljīc: lindy vyu ūsngu tyāate tajstju jytjaacue nuypejna jīte', ¹⁹jycaajsa pasrra': Indya' tajts chjambte jycaajwa'jsa ne'jue'sh yuune'nga jīc. ²⁰Tyajū' tecjtewe'shva utyaarra na'ljīc: lindy vyu ūsngu tyā'sa' pañuelote yaprra jyaawtju. Tyā' ayga ūsa'. ²¹Indya' wala juuna' yu'ng, tyā'wē mjīimeerrava vyu pēyi'ng sa' iindy uutjashmeeteva cytee u'carra jyuca pcjacje'ng. Atsa' ūucjrra iindy vyu'sa' cmāajil'meetj jīte', ²²jycaajsa pasrra': Indya' seelpimeeng. lindy yuweteyrrāa ewmeete neeyūtsngu. Andya' juuna'sarra' mjīimeerrava vyu pējyna andy uutjashmeeteva pcjacjsateva jiirra', ²³¿quīy yūutenga andy vyu'sa' bancoga jyaawmēe? pejnate andy shawendna pa'jrra' jytjaacue cutyi'cjan jīc. ²⁴Sa' tyāa jycaajsa' na'ljīnac we'we cytee ūssaty: Tyāa vyu's cusa'jrra diez vyu jī'pjsa's meswe jīte', ²⁵tyāawe'sh pasrra': Tyā' vyu walayā'j jī'pja', atsa' ¿ma'wē tyā'sírrāa ūsucytja'w? jīteva, ²⁶jycaajsa pasrra na'ljīc: Maava jypa'yacy jype'jrra nuypenasa's jytjaacue ūswa'j yuuna. Nava jype'jya' ājāmeerra nuypenasame's jyuca cusa'jwa'j yuuna, le'chcuērrāa jī'pjteva. ²⁷Sa' andya's ajtserra jycaajsa yuucajmēn pāatyjī'cjsawe'shtyi' ayte pe'jna cūjrra andy uyna ūste miicjwe jīc.

Jesus Jerusalente u'cani

(Mt. 21.1-11; Mr. 11.1-11; Jn. 12.12-19)

²⁸Tyāa ejemplo's pta'shna jyā'jrra', Jerusalente pa'jya' u'cj. ²⁹Sa' Betfagé vite' Betania chjamb ūsu'ty Olivos vits utyaga cytee pa'jya'rrāa tyāa yacj u'jusa e'nzsaty caacj ³⁰na'ljīna:

—Naaga chjamb ūsa' cytee me'jwe. Sa' cytee pa'jatsrra', teech burrucuē yuune'cue quim yujva a'jñimeesa tundni ūsna. Tyā'sa' jyūcjwenderra jyūna yuweene'cue. ³¹Jyūna yujte', maafí yu' pēyiváatyna atsa': Cue'shtyi jype'jsac nicyya' caaj jīne'cue. ³²Atsa' tyā'ljīte' u'jrra', Jesus ma'wēne' we'we tyā'wēy uytyi. ³³Tyajū' burru's jyūcjwendetste', namuwe'sha' pējtyi:

—¿Quījya' burru's jyūcjwendetscue? jīte', ³⁴tyāawe'sh pasrra':

—Cue'shtyi jype'jsac nicyya' caaj jīty. ³⁵Sa' Jesus tashte jyūna cūjrra', tyāawe'sh atyjtyi pusrra Jesusa's ca'jal'jty.

³⁶Tyajū' Jesus u'jwa'j dyi'jsu yatstety tyāawe'sh atyjtyi pusna u'jue'.

³⁷Sa' Olivos vits e'scjē u'juetspcachja', Jesus yacj yuusa nasa' Dyusa's wala wechana weyya' tacjtyi tyā'wē Jesusa' quījquījva ew yūuna u'juni's uyrra.

³⁸Sa' na'ljīnaty weyi':

—¡Dyus caajni wala yuj ew jycaajwa'jsa yuja! ¡Dyus cielutewe'sha's wechaaga wala ew yūupa'ga! jī'ty.

³⁹Tyajū' nasaa cshavyte yuusa fariseowe'sha' na'jīty:

—Indy e'ste cuch susna yuusaty mwe'we, shuuna' yuucajn jīte', ⁴⁰Jesus pasrra':

—Macue tyāawe'sh yu' shuuna' yuuteva, cueta' Dyusa's tuutje'jetyna jīc.

⁴¹Tyajū' Jerusamente utya pa'jrra', chjamba's tjengrra ū'nec ⁴²na'jīna:

—I'cue'sha' wēt cfi'nze'jwa'jsa's jiyurra naa ente jypa'gavatsa', wala yuj ewna. Nava i'cue'sha' jiimée ūsi'cue na' jypa'gameene'cue. ⁴³Naa pa'ga i'cue'shtyi' nūsual'j en pa'jana, atsa' tyāa ente' chjamba's jyuca yupna ctandyirra ⁴⁴chjamba's quīj yujva nvijtmée jyuca suwuutyna cytee ūssaty icjna. Sa' teech cuetrráa yujva quēese'jnimée yu' neeyūumeena, i'cue'sh cshavyte Dyus quījteva, jypa'gameei'cue naa pa'ga jīc.

Dyuus yatte tyweysaaty Jesus cashishni

(Mt. 21.12-17; Mr. 11.15-19; Jn. 2.13-22)

⁴⁵Tyajū' Jesusa' dyuus yatte u'carra cytee tyweyna ūssaty jyuca eca cashishcu ⁴⁶na'jīna:

—Dyus librute na'wē fi'jni': Andy yata' Dyus yacj puuty we'wena ūswal' yattrá' jīna fi'jni'. Nava i'cue'sh yu' peswée pcjaacjena ūsni cagy na'wērráa vitrra jī'pji'cue jīc.

⁴⁷Jesusa' een isac dyuus yatte u'carra caapiya'ja'. Naapcachja' sacerdote npiitstjē'jwe'sh vite' Dyus leya's caapiya'jsawe'sh vite' chjambte ne'jue'sh tyāawe'sh yu': ¿Ma'wē yūurra icjecytja'w? jīnaty puuty we'wena ūsu'.

⁴⁸Nava icjya' yu' ājā'tsmeeta', nasa jyucaysa Jesus ju'ngurrarráaty ūsu' naa pa'ga.

Dyuus yatte Jesus juuna' yūuni's pēyni

(Mt. 21.23-27; Mr. 11.27-33)

20 ¹Teech ente' Jesusa' dyuus yatte Dyus yuwe ewte nviitwa'jsa's pta'shna ūste', sacerdote npiitstjē'j vite' Dyus leya's caapiya'jsa vite' judiu ntjē'jsa tyāawe'sh pa'jrra' ²na'jīnaty pējy:

—Indya' ¿quim jycaatjenga dyuus yatte tyā'wē juuna' yūu? Quim jycaatje tyā'wē yūurrava mpeeta'sh jīte', ³Jesusa' na'wēc pas:

—Andyva i'cue'shtyi' pējy ya'vatj atsa' tyā'sa' mpaaswe. ⁴Juan Bautista's ¿quimga jycaaj yu'te bautisāycajn? ¿Dyus vá' jycaaj meerra' naa quiwete pitstjē'j jycaajni vá' yu'? jīte', ⁵tyāawe'sh pwe'sh na'jīnaty puuty we'we':

—¿Ma'jīna pasucytja'w? Dyusne! jycaaj jīvatsva, tyā'wē Dyus jycaatje' ¿mjīya'cue Juan pta'shni's jypa'gamée? jīna. ⁶Atsa' naa quiwete nasane'ta

jycaaj jīte!, cue'shtyi cuet wāatatajrra icjetyna, nasa! jyucaysa Juana's ew jīita' Dyus yuwe pta'shsateva. Tyāasa cue'shtyi! tyā'wē yūutyna jī'ty.

⁷Tyajū! Jesusa's pasrra':

—Juana's quimne! jycaaj bautisāycajn nava jiimeetja'w jīte!, ⁸Jesus pasrra':

—Andyva quim jycaatje tyā'wē yūurrava pta'shme'nja jīc.

Mjīisawe'sh patron nchi'ca's icjni yacj caaja'nda'jni

(Mt. 21.33-44; Mr. 12.1-11)

⁹Tyajū! Jesusa' naa ejemplo'scu pta'sh:

—Teech pitstjē'ja' tyajy quiwete jyuca uva ujrra mjīisaty ew neewe'werra wala tyach u'cj. ¹⁰Sa' uva tjē'jetste!, quiwe namu' teech selpisa's caacj quiweepa'ga pējyya'. Nava quiwe's mjīisawe'sha' tyāa selpisa's pāpārra quīj yujva ducjmée caajty. ¹¹Atsa' quiwe namu' vite selpisa's qui' caacj. Nava tyā'snava tyā'wēy iiwēeshuna pāpārra quīj yujva ducjmée neeuty. ¹²Tyajū! quiwe namu' qui' vite selpisa's caacj. Nava quiwe's mjīisawe'sha' tyā'snava cpā'vitrra ducjmée neeuty.

¹³Tyā'wē yūute!, nmejte! quiwe namu' na'jīc: Achja! ¿quīj yūuqui'tj? Meerra' andy nchi'c wendynisa's caja'nja. Atsa' tyā'sa' ūucjrra tyā'wē yūumeevāatyna jīrrac caaj. ¹⁴Atsa' mjīisawe'sha' quiwe namu' nchi'ca's uyrra!, tyāawe'sh pwe'sh na'jīnaty puuty we'we: Ney uute!, quiwe's naatjē'j iiyamuwa'jsana. Atsa' icjega, cjīrra quiwe's cue'sh iiyamu'nja'w jīrra ¹⁵eca cutyi'jrra icjtyi jīc.

Tyajū! Jesusa' tyā'wē pta'shrra' pējycu:

—Tyā'wē yūute!, quiwe namu' tyāa mjīisawe'shtyi! ¿quīj yūucy?

¹⁶Tyā'wē yūupa'ga quiwe namu' tyāa mjīisawe'shtyi! jyuca icjrra quiwe's vitety ūsuna jīte!, tyā'wē pta'shni's wēsē'jrra na'jīty:

—Dyusa' cytee pal'j yu' wendymeena jī'ty.

¹⁷Tyā'wē paste!, Jesusa' tyāawe'sh dyi'psu tjengrra na'wēc pta'sh:

—Tyā'wē yuune'jmeete!, ¿quījya'rráaqui'c Dyus librute na'wē we'we?:

Yat tyaa'jsawe'sha': Naa cueta' selpime' jīrra wāatājty,

Nava tyāa íic yat macuesanava chjāchja neewewa'jsa yuuna pal'j.

¹⁸Atsa' maava tyāa cuette iicasa! jyuca chateteetyna. Meerrava tyāa cuet nasaa cajcucjē weterra!, jyuca cu'china jīna fi'jni!

Gobierno's ducjwa'ja'sva pēyni

(Mt. 21.45-46; 22.15-22; Mr. 12.12-17)

¹⁹Tyajū! sacerdote npiitstjē'j vite! ley caapiya'jsawe'sha' jiyuty tyāa ejemplo' tyāawe'shtyi we'weniteva. Sa' ūusacharra tyāa dundtey Jesusa's tund wēty. Nava Jesus ju'ngusa nasa wala cuj ūste!, ūucjrra quījva yūumeeta'. ²⁰Nava quījterrāava ewmeete nviyt-ya' sūjrra tjengsa caajty. Atsa' tyāawe'sha' Jesusa's ew paapēysa na'wē yuj we'wena utyaaty,

jycaajsa's ewmée we'weteva jiyurra' nel'jue'sha's päätyjĩ'c'ya' sũjrra. ²¹ Sa' na'ljĩnaty paapẽjy:

—Cue'sha' indya's jĩitja'w. Indya' isasarrá'sngu pta'shi', Dyus tashte pa'l'waj' dyi'ja's caapiya'l'jna. Sa' nasaa jycaajna yu'cypejnyty nwẽese'je'tsmeeng, tyāa pa'gatey indya' nasa ewsa na'wẽ tjengsaty jiyumey ju'ngu yu'tsmeeng. ²² Achja' na'wõtja'w jiyu wẽjẽ': Jycaajsa Cesara's v'yu ducjete ¿ewmañ? meerra' ducjmeete ¿ewmañ? jĩte', ²³ ewmée yajcyrra tyā'wẽ pẽjyna ũsteva Jesusa' jiyurra na'l'jic:

—¿Quĩjya'cue andya's ewmeete nviit wẽjẽ'? jĩrra ²⁴ tyāawe'shty' teech v'yu mush pẽjy'cu. Sa':

—Naa v'yu' ¿quiim dyi'pa's ji'pjna, sa' quiim yase's fi'l'jnina? jĩte', tyāawe'sh pasrra':

—Cesar dyi'pa's ji'pja' sa' tyajy yase's fi'l'jni' jĩty. ²⁵ Atsa' Jesusa' na'wẽc jycaaj:

—Cesar ji'sa' Cesara's ducjwa'l'ja'. Sa' Dyus ji'sa' Dyusna ducjwa'l'ja' jĩc.

²⁶ Tyā'wẽ nasaa dyi'pte isasarráana paste', Jesusa's ewmée vit-ya' ajámeerra, cuj yajcyna shuuna'ty neeyũu.

Uusaawe'sh qui' ĩtyi yu'wa'l'ja'sva pẽyni

(Mt. 22.23-33; Mr. 12.18-27)

²⁷ Tyajũ' saduceowe'sh maafi yu' Jesus tashte paapẽjy'ya' pa'l'jty. Nasa' uuyã'l'jrra' peena yu' ĩtyĩ yuumeety'na sũjsaty yu' tyāa saduceowe'sha', tyāasaty na'wẽ pẽjy:

²⁸ —Moisesa' na'l'jĩnac fi'l'jrra nvijt: Maa pitstjẽ'l'jva luuch ji'pjumey nyu's nvijfrra uute', uusáa nyacja' tyāa u'ya's iyyuuna, atsa' tyāate luucha' uusáa nchi'c na'wẽ neeyũuna jĩnac fi'l'. ²⁹ Atsa' cue'sha' jĩitja'w siete pitstjẽ'l'j pyacjtyi u'pu', sa' nyacj ntjẽ'l'jsa' iyyuurrava luuch ji'pjumey uuc. ³⁰ Atsa' nyacj e'stewe'shcu iyyuu tyāa u'ya'sũĩrráa. Nava tyāava luuch ji'pjumey uuc. ³¹ Tyajũ' nyacj tecjtewe'shva tyāa u'ya's fĩrráac iyyuu. Tyāava luuch ji'pjumey uuc. Tyā'wẽrrarráaty sietesay tyāa u'yrrarrá's iyyuuna jyã'l'j. Nava maa yujva luuch ji'pjumey uuty. ³² Atsa' nmejte' tyāa u'yva uuc. ³³ Atsa' uusaawe'sh qui' ĩtyĩ yuu ente', tyāa u'ya' ¿maa yacj isa nyu yu'wa'l'jsacy? jĩte', ³⁴ Jesus pasrra':

—Naa quiwete nasa' ptamuuna tyāawe'sh luuchtyiva caaptamu'l'ju'ty.

³⁵ Nava vite quiwete ptsumée ĩtyĩ fi'nzewa'tje pa'l'jya' ajãsa' qui' ĩtyĩ yuurra' tyāawe'sha' ptamuwa'l'sameeta', sa' tyāawe'sh luuchtyiva caaptamu'l'jna ũswa'l'sameeta', ³⁶ tyāa pa'gatey tyāawe'sha' Dyus angeleswe'sh na'wẽsa yã'tja', sa' Dyus luuch yã'tja' na' ĩtyĩ yuuyã'l'jrra' peena yu' u'wa'l'sameeta'. ³⁷ Tyā'wẽ uusaawe'sha' qui' ĩtyĩ yu'wa'l'jsate fĩrráac Moisesi'iva jiyucajn na'wẽ fi'l'jrra nvijt tyajy librute. Cyteea' Dyusa' tsjũtsy ju'cj bejna ũsni pyãjũ we'werra': Abrahan, Isaac, Jacob tyāawe'sh Dyustju jĩc. ³⁸ Dyusa' uusaawe'sh Dyusme', naasáa ĩtyĩsawe'sh Dyusrrá'. Dyus tashte' maa yujva uumée ĩtyĩ ũsta' jĩnac pta'sh.

³⁹Tyajú' Dyus leya's caapiya'jsawe'sh we'werra':

—Wala ew pta'shngu jírra, ⁴⁰peena yu' quíjva jwee yu' pějymeeta'.

Dyus tashu yuusa' ¿quiim nchi'cqui? jína Jesus péyni

(Mt. 22.41-46; Mr. 12.35-37)

⁴¹Tyajú' Jesusa' na'wēc pějy:

—¿Ma'wēteta Cristo' David nchi'ca' jína we'we' nasa'? ⁴²Naapcachja' Salmos librote David we'werra yu' na'jī'c:

Andyna jype'jsa Cristo's Dyusa' na'jī'c:

Andy pucate patsu ju'ngte mcaach,

⁴³Indyna atsesaty indyrrarráana nwēese'jwa'ja's vitna jyā'pjcach jīc.

⁴⁴Dauida' Cristo's we'werra': Andyna jype'jsa jīc, atsa' Cristo' ¿ma'wē yuurra David nchi'c yuucy?

Fariseo vite' ley caapiya'jsawe'shtyi yuuwesa Jesus nviitni

(Mt. 23.1-36; Mr. 12.38-40; Lc. 11.37-54)

⁴⁵Nasa jyucaysa wēsē'jna ūssa cshavyte Jesusa' tyāa yacj u'jusawe'shtyi na'jīnac we'we:

⁴⁶—Dyus leya's caapiya'jsawe'shtyi' mpa'yajcywe. Tyāawe'sha' ropa jyu'jsa atjrra plaasasu msuuva wecha jytjāasnaty pecūjū'. Sa' judiwe'sh pcjaacjenisuva cachní wejy zhichcue ewsarráanaty pacué'. Maa yat-su sāl'jiya' pi'cyteva, tyā'wēytyi cachwa'j ewsarráana pacué'. ⁴⁷Sa' viudawe'sh yattyiva cusa'ja'ty, quíjquij ji'pjuni'sva jyuca. Nava ewsata' sūjcajn wala jyu'j lisa'ty. Tyā'wē yūupa'ga tyāawe'sha' wejy jytjaacue Dyus castigāyni yuutyna jīnac pta'sh.

Viuda ofrenda acjni

(Mr. 12.41-44)

21 ¹Wala ji'pjsawe'sh dyuus yatte ofrenda wala āshitstec uy Jesusa'. ²Tyā'wēy teech viuda puuplesava cūjrra', e'nz vyyu mushcuē acjetste uyrra' ³na'jīc:

—Isatj we'we', naa viuda puuple' maateva jytjaacuec wala acj. ⁴Vite yu' acjrrava, neeyūsáa peejyeesarráan yā'jty acje'. Nava naa u'ya' quíj yujva ji'pjmeesarrava tyajy ū' weywa'ja's jyucac acj jīc.

Dyuus yat ptsuwa'ja's Jesus pta'shni

(Mt. 24.1-2; Mr. 13.1-2)

⁵Tyajú' cytee ūssa maafi yu' dyuus yata's tjengrraty we'wena ūsu': Ofrenda peesni yacj wala yuj zhichcue pjeu'jna tyaajni' jīte', Jesusa' na'jīc:

⁶—Āchjfi yu' tyā'wē yuj zhichcue tjengna ūsa', nava quíj yujva nvijtmée jyuca suwní yuowa'j en pa'jana. Atsa' teech cuetrráa yujva quēesē'jnimée yu' neeyūumeetya naa yattewe'sh jīc.

Naa quiwe ptsuwa'j en ājatste seena'sa vyaawa'j
(Mt. 24.3-28; Mr. 13.3-23)

⁷Tyā'jīte':

—¿Bagach tyā'wē yuucy? meerrava tyā'wē yūuwa'j en ājatste' ¿qui'jrra yuucy? jīna pējyte', ⁸na'wēc pta'sh:

—I'cue'shtyi caypumba'jwe'shte mpa'yajcywe. Tyā'wēme' wala casejetyna Dyus caajnisatja'w jīna na'jīna: Andya' Cristotj, atsa' āchja' nmej en ājc jītya. Nava tyāawe'shtyi' nwēesē'jnuwe. ⁹I'cue'sha' wēsē'jene'cue guerra seena'sa yuja' jīni, nava tyā' nyafytewe'shrráata' atsa' ūucjmeene'cue. Nmej en yu' ājméy tyā'wē yuuna.

¹⁰Tyājū' ma'wē yūuwa'ja'sva jyuca pta'shcu na'jīna:

—Tyān en ājatste', gobierno' vite quiwete gobierno yacj puiityna. Naapcachja' puuty jyu'j quiweju pwe'shva puiityna. ¹¹Sa' msuu msuuva seena' ejnd u'juena. Wējēva tyā'wē wala pa'jana. Naapcachja' cacuete wee seena'sava pa'jana. Sa' cieluju qu'jqu'jva seena'sarráa vyaatyna. ¹²Nava tyā'wē seena' yūuwa'j en pa'jmeyna, i'cue'shtyi ajtserra preesu'jya' pacueetyna. Sa' judiuwe'sh pcjaacjenisuva jyūna u'juetyna: Nasa ewmeesa' jīna. Tyā'wē yūuna carcelteva tyajatyna, i'cue'sha' andyna nwēesē'pja'garráa jycaajsawe'sh tashsu vite' ne'jue'sh tashsuva cuutya'jni yuune'cue. ¹³Tyā'wē yūute', Dyus yuwe's tyāawe'shtyiva pta'shwa'j en ji'pjune'cue. ¹⁴I'cue'sha' tyāawe'shtyi' ¿ma'wē pasucytja'w? sūjna cuj yajcymeene'cue, ¹⁵tyāa pa'gatey andya' i'cue'shtyi atsesawe'shtyi ma'wē paswa'ja'sva caaūusutje'je'nja. Atsa' tyāawe'sha': Īshīja'ng jīya' ājāmeetyna maa yujva. ¹⁶Sa' i'cue'sh nwe'shīi yujva atseni yuune'cue, tatawe'sh, yacjtjē'jwe'sh, namicuwe'sh preesu'jutyna. Atsa' maaíi yu' icjni yuune'cue. ¹⁷I'cue'sha' andyna nwēesē'pja'ga naa quiwete jyucaysa atseni yuune'cue. ¹⁸Nava i'cue'sh dycjasrráa yujva vitumeetyna teechráa yujva. ¹⁹I'cue'sha' uu entepcach Dyus yacj tyutemée fi'nzerra', Dyus tashte ityī fi'nzewa'ja's ji'pjune'cue.

²⁰Jerusalen chjamba's soldaurraráa jyuca ctandyiirra ūste uyrra', āchja' naa chjamba' jyuca ptsuwa'jsana sūjna jii ūsune'cue. ²¹Naapcachja' Judeasuwe'sha' ūpjna u'juetyna yu'cjsu, atsa' Jerusalen chjambtewe'shva tyāa chjambu ūpjna casejetyna, vite' chjamb ecajuyā'j ūssa' chjambte u'cameetyna. ²²Tyā'wēme' tyān ensu' castigo seena'sa yuuna Dyus libruete ma'wēga pta'shi' tyā' jyuca cytey yuuna. ²³Atsa' tyān ensu' nasa ji'pjsa meerrava luuch āpācuē ji'pjsa' wala yuj pytjaa yuutyna, tyā'wē tyāa nasaty castigo seena'sa pa'tje', naa quiwete wala yuj űnuswa'j yuuna. ²⁴Maaíityi's guerrate icjetyna, sa' vite yuutyi's preesu'jrra jyu'j quiwen jyūna u'juetyna. Naapcachja' Jerusalen chjamba's vite nasa u'carra jyuca suwrra cytee macue tyachva ūsutyna.

Dyus Nchi'c Nasa Yuusáa seena' zhichcue vyaana

(Mt. 24.29-35, 42-44; Mr. 13.24-37)

²⁵Tyã'wě yūunijū' sec a'te estrella tyāasu seena'rráa vyaatyna. Atsa' naa quiwete nasa mtee mteewe'shva jyuca jypumbana iiméj wala ūucjutyna tyã'wě íc wala seena' yuuna susni's wēsē'jrra. ²⁶Tyã'wě seena' yuutste', naa quiwete nasa' ūucjrra ūus yu'sva iviitutyna, naapcachja' ēe walate quījquīj ūssava jyuca seena' quēesē'jni yuutyna. ²⁷Tyājū' Dyus Nchi'c Nasa Yuusa's uyuutyna, tāapj pyājte sec na'wě seena' zhichcue cjiçjyna quījatste. ²⁸Tyã'wě seena' yuuya' tacjetste', i'cue'sha' ūucjmée wechana ūytjasna meswe, jwee yu' jytjēyuumée nwe'weni yuune'cue jīc.

²⁹Tyāa e'su' vite ejemplo pta'shcu:

—Mtjengwe higuera fytūu tash meerrava vite fytūu tashtyi. ³⁰Sa' tyāa fytūu tash yeetsutste uyrra', yūnya'vateva jiyu'i'cue. ³¹Tyã'wěy andy pta'shni cytey yuutste uyrra', Dyus naa quiwete quīiwa'j en utyaatsna sūjna jii meswe.

³²Isatj we'we': naa ensu nasa uumeyna, tyã'wě cytey yuuna. ³³Cielu naa quiwe jyuca scjēuutyna, nava andy we'weni' jyuca cytey yuumey yu', scjēwmeetyna.

³⁴Wala jypa'yacy meswe, ewmée yūuna tūuna quījquījva naa quiwetewe'shrrá's yajcyna fi'nzenuwe. Tyã'wěme' Dyus yu's yajcymée ūsiyna, Dyus quīiwa'j en ājrráa yuuna. ³⁵Niimalva jiimeerra' ma'wēga yajcyte cjeje', tyã'wēyrráa Dyus quīiwa'j ena' cpaaquina naa quiwete nasa mtee mteewe'shtyiva jyucaysaty. ³⁶I'cue'shva wala jypa'yacy meswe, na'wě seena' yuuya'va' tyājū iyuya'. Dyus yacj puuty we'wena nes myuuwe bagachteva, sa' tyã'wě yūurra' Dyus Nchi'c Nasa Yuusáa tashte utyaaya' ājāne'cue jīc.

³⁷Jesusa' en yu' dyuus yattec caapiya'ja', nava cus yu' Olivos vitsnac u'jue'. ³⁸Atsa' nasa' een isa cuusíity dyuus yatte pa'ja' Jesus caapiya'jni's wēsē'jya'.

Jesusa's icjwa'ja's puuty we'weni

(Mt. 26.1-5, 14-16; Mr. 14.1-2, 10-11; Jn. 11.45-53)

22 ¹Pan levadura jil'pjmée ū'ni Pascua fiesta ājātsu yu'. ²Atsa' sacerdote npiitstjē'jwe'sh vite' ley caapiya'jsawe'sha': Jesusa's çma'wě yūurra icjecytja'w? jīnaty tyāawe'sh pwe'sh puuty we'wena ūsu'. Nava nasa wala cuj Jesus ju'ngusa ūste', ūucju'ty.

³Naapcachja' echtjē'ja' Judas Iscariote ūuste u'cac. Tyāa Judas yu', Jesus yacj u'jusa docesatewe'shírráac yu'. ⁴Tyājū' tyāa Judasa' puuty we'weya' u'cj sacerdote npiitstjē'jwe'sh vite' dyuus yatte tjengsawe'shtyi, Jesusa's tyāawe'sh cusete ducjya'. ⁵Atsa' tyã'wě puuty we'wete', tyāawe'sha' vyu ducjya' neeyūuty Judasa's. ⁶Tyājū' Judasa' nasa uynimeete paatste ducjwa'ja's pacuec.

Jesusa' docesawe'sh yacj nmej ũ'ni

(Mt. 26.17-29; Mr. 14.12-25; Jn. 13.21-30; 1 Co. 11.23-26)

⁷Tyajú' pan levadura ji'pjmée ũ'ni fiesta en äjc. Tyāa ente' piishāa luuchtyi icje' Pascuatewe'sh. ⁸Atsa' tyāa ente' Jesusa' na'jīnac jycaaj Pedro Juanwe'shtyi:

—Me'jwe Pascua fiestate ũ'wa'ja's pjeu'jya' jīte', ⁹tyāawe'sha' pējytyi:

—¿Mteenga pjeu'j jytjāasu'? jīte', ¹⁰Jesus pasrra':

—Chjambna u'jrra cytee pa'jatsrra', teech pitstjē'j uyuune'cue yu' mityja's yacjrra u'juetste. Sa' e'ste u'juene'cue yatte u'capcach. ¹¹Sa' cytee pa'jrra', yat namu's na'jīne'cue: Cue'shtyi jype'jsa' pējyya'c caaj: Pascua fiestate tyāa yacj u'jusawe'sh yacj ũ'wa'j ¿mtee piesa pjeu'jni ũ'sna? jīcaja' jīne'cue. ¹²Atsa' yat namu' ēe yatte piesa walasa pjeu'jniyā'jsa's pta'shina. Cytee ũ'wa'ja's pjeu'june'cue jīnac jycaaj. ¹³Atsa' Pedrowe'sha' u'jrra', Jesus ma'jīni'sva jyuca cytey uyrra Pascua fiestate ũ'wa'ja's pjeu'jty.

¹⁴Tyajú' ũ'wa'j ora äjte', Jesusa' tyāa yacj u'jusawe'sh yacj cachcu mesate ũ'ya'. ¹⁵Sa' na'wēc we'we:

—¿Manzcuē usva wala yuj yaaqui'tj, andya's uu en pa'jmeyna, naa Pascua fiestate i'cue'sh yacj nmej ũ'wa'ja's! ¹⁶Na'jī'tj na': ächja' ayte peena yu' naa Pascua fiestatewe'sha's ũ'me'nja, Dyus qui' jycaajya' pa'jwa'j en äjpcach.

¹⁷Tyajú' vaso's uwerra Dyusna wechana oräyrra', na'jīc:

—Jypa'garra jyucaysa mtundywe naa vasotewe'sha's. ¹⁸Na'jī'tj na': ächja' ayte peena yu' uva yu'a's tundyme'nja, qui' Dyus jycaajya' pa'jwa'j en äjpcach.

¹⁹Tyajú' pana'sva Dyusna wechana oräyrra', pe'ltenderra tyāawe'shtyi ũ'su'scu na'jīna:

—I'cue'sh pa'gate andy cacue' ducjwa'j yuuya'va', atsa' naa pana' andy cacue na'wēsa'. I'cue'sh pa'gate andy pytjaa yuurra uuni's yajcyna tyā'wē myūuwe bagachteva.

²⁰Ū'na jyā'jrra', vaso's jypa'garra na'wēc we'we:

—Andy eea's pcawrra yuurráac Dyusa' i'cue'shtyi nwe'wewa'ja's u'se pjeu'jrra nvijt. Atsa' naa vasotewe'sha' andy ee na'wēsa'.

²¹Atsa' ächja' andy yacj ũ'na u'pa' ay mesate tyāa pitstjē'ja' andya's atsesawe'sh cusete ducjya'va'. ²²Dyus Nchi'c Nasa Yuusá' ächja' pejca uuya'vayuja'. Andy uuwa'ja's ma'wēne' Dyus nvijt tyā' cytey yuuya'va'. Nava andya's atsesawe'sh cusete ducjsa' jseena' yuj ñuste cjējena' jīte', ²³Jesus yacj u'jusa pwe'sh puuty ya'paapēy'ity na'jīna: Cue'sh cshavytewe'sh ¿quim tyā'wē ducjya'vacy? jī'ty.

Maa wejy jytjaacue walasa yuua'ja's pēyni

²⁴Tyajú' tyāawe'sh pwe'sh na'wē yūuwa'ja'styi puuty ya'paapēy'ity:

—Ayte cue'sh cshavytewe'sh ¿maa wejy jytjaacue walasacy? jíte',
25 Jesus pasrra!:

—Naa quiwete jycaajsawe'sha' wala juuna'rráa yuuna jycaaja'ty. Tyã'wēteva tyãawe'sh yuutyi's wala ewsata' jī'ty nasa yu'. 26 Nava i'cue'sha' tyã'wē yūuna jycaajwa'jsameei'cue, wejyva i'cue'sha' maafi yu' jytjaacue walasa ūsrrava, nuuchsa na'wē yuuwa'l jī'pji'cue. Atsa' maava jycaajwa'ja's jī'pjsa', selpisáa na'wērráa yuuwa'l jī'pji'cue. 27 ¿Maa wejy jytjaacue walasacy? ¿Puutste mesate ū'ya' cachsá wejy jytjaacue walasamañ, meerra' puutssa vaa wejy jytjaacue walasana? Isa ew yajcyte', mesate ū'ya' cachsá jytjaacue walasana. Nava andya' i'cue'shtyi selpisáa na'wērráa ūstju.

28 Andya' bagachteva ñuste tjēyte fi'nzetsteva i'cue'shva andy yacj ja'nda pytjaa yuuna nesi'cue yu' nvijtmée. 29 Tyāa pa'ga andya' i'cue'shtyi ūsu'nja jycaajwa'ja's, andya'sva ma'wēga andy Tata jycaajwa'ja's ūs tyã'wēy, 30 cyaj andy jycaajna ūsnite pa'jrra', andy yacj ij mesate ū'wene'cue, sa' Israelwe'sh jī'j docesaty jycaajsa yuune'cue.

Pedro ĩshiiwa'ja's Jesus pta'shni

(Mt. 26.31-35; Mr. 14.27-31; Jn. 13.36-38)

31 Tyajū' Jesusa' Simona's na'wēc pta'sh:

—Simon, indya' wala yuj mpa'yajcy. Tyã'wēme' echtjē'ja' i'cue'shtyi pējycu scuutyj cweejya'jsa na'wē yuuya'. 32 Nava andya' iindy pa'gate Dyusa's neewe'wetj, Dyusrráana yajcyna fi'nzecajn. Atsa' indya' Dyus tashte qui' shawendrra', yacjtjē'ljwe'shtyi cchjāachja'jane'nga Dyus yacj tyutemée fi'nzewa'ja's jíte', 33 Simon pasrra!:

—Andya' carcelna ma'c yuu meerra' uuwa'l ma'c yuu nava andya' quijte yujva tyuteme'nja jíte', 34 Jesus qui' we'werra na'jīc:

—Pedro, indya's na'jī'tj na': āchjīi atall we'wemeyna, indya' tecj us ĩshījatsyā'l yuune'nga andya's jiimeetj jīna.

Jypa'yacy ūs caajni

35 Tyã'wē pta'shrra' Jesusa' na'wēc pējy:

—Andya' teech ente' i'cue'shtyi' Dyus yuwe pta'shya' caajrra' quīj yujva jī'pjmeetj caaj, ya'ja, vyu, pelgaty tyã'wēsaty. Atsa' i'cue'shtyi' dyi'tje ¿quījrrá' peejiigá'? jíte', tyãawe'sh pasrra!:

—Cue'shtyi' quīj yujva peejime' jīty.

36 Atsa' Jesus we'werra' na'jīc:

—Āchja' ya'ja ma'c yuu, vyu ma'c yuu, cchill ma'c yuu nava jī'pjsa' jyūrra me'ljwe. Atsa' cchill jī'pjmeesa' atya's tyweyrra cchill mweywe.

37 Tyã'wēme' Dyus librute we'werra': Ewmeesatjas yuuwesa yacjcu qui'pni yuu jīc naa pa'ga āchja' andya's jyuca tyã'wēy yuuya'vata' jíte', 38 tyãawe'sh we'werra!:

—Ayte e'nz cchill yu' ũsta' jíte!, Jesus pasrra!:

—Tyā'wērra!. Tyāarráa ewtyna jíc.

Jesusa' Getsemanite Dyus yacj puuty we'weni

(Mt. 26.36-46; Mr. 14.32-42)

³⁹Tyajū' Jesusa' ũ'na jyā'jrra', tyajū casejrra', Olivos vitsna qui' u'cj. Atsa' tyāa yacj u'jusawe'shva e'stey u'jty. ⁴⁰Cytee pa'jrra na'jíc:

—Dyus yacj puuty we'wena me'pwe, ewmeete weteya'mée jírra',

⁴¹tyāawe'sh tashu jyu'jmeecuē tyuteena u'jrra peejyūcuerra na'jīnac Dyus yacj puuty we'we:

⁴²—Tata, indya's ewuwechte!, seena' ñuste uuwa'ju meen nwe'we. Nava andy jytjāasni's cytey yuumeerrava, iindy jytjāasnirrá's cytey meen yūu jíte!,

⁴³Dyus angel cielujūwe'sh cviisha'jna cchjāachja'jya' quīj. ⁴⁴Tyā'wēme' wala yuj pytjaa ñusna Dyus yacj puuty we'wena u'pu'c naa pa'ga pē'ts yujva ee na'wēsac wala pcaw. ⁴⁵Sa' Dyus yacj puuty we'wena jyā'jrra' quiiterra u'cj Pedrowe'shtyi tjengya'. Nava tyāawe'sha' deenity yu', wala ñusrra.

⁴⁶Atsa' cūjrra na'wēc we'we:

—¿Quījya'cue dejé'? Quiiterra Dyus yacj puuty we'wena me'pwe, ewmeete weteya'mée jíc.

Jesusa's preesu'jni

(Mt. 26.47-56; Mr. 14.43-50; Jn. 18.2-11)

⁴⁷Jesusa' cytee we'wena nee ũsiyna, nasa wala cūjty. Atsa' Jesus yacj u'jusa Judas yu' tyāa nasa yatste cūjrra, Jesus tashte utyaac pucacuetta wechaya!. ⁴⁸Atsa' Jesusa' na'jíc:

—¿Judas, indya' Dyus Nchi'c Nasa Yuusa's wechani yacj váa cuuwe'jya'vane'nga? jíte!, ⁴⁹Jesus yacj u'jusawe'sha' Jesusa's pējtyti:

—¿Tyāa nasatyi's cchill yacj puiimtja'w? jīty. ⁵⁰Tyajū' Jesus yacj u'jusa teecha yu' sacerdote npiitstjē'ja's selpisáa tjū'wē's spē'tjcu patsuwe'shna. ⁵¹Atsa' Jesusa' we'wec:

—Cytee pa'j yu' yūunu jírra', tyāa tjū'wē spē'tjnite jya'ndyrra', qui' caywētucj. ⁵²Sa' sacerdote npiitstjē'j vite' dyuus yatte tjengsawe'sh vite' judiu ntjē'jsawe'sh preesu jyūna u'jya' pa'jsaty we'wec:

—Andya' ¿pesweetjas i'cue'sha' cchill pety fytū atrravá'cue andya's preesu jyūna u'jya' yuwé'? ⁵³Andya' i'cue'sh yacj een isatj dyuus yatte ũsu!, nava tyagachjii yu' tundya' utyaameerra!, jyuca chji'ndyni naa orate yu' pejca preesu'jya' pa'ji'cue jíc.

Jesusa's jiimeetj jīna Pedro we'weni

(Mt. 26.57-58, 69-75; Mr. 14.53-54, 66-72; Jn. 18.12-18, 25-27)

⁵⁴Tyajū' Jesusa's tundra jyūna u'jty sacerdote npiitstjē'j yatna. Atsa' Pedro' Jesus e'ste jyu'j neeyūrrac u'jna ũsu!. ⁵⁵Cytee pa'jrra' patyute ipy

yutjrraty bajchya' cach. Atsa' Pedrova tyāawe'sh yacj ij bajchya' cachcu. ⁵⁶Atsa' teech u'y selpisá' Pedro tyā'wē ipy pucate bajchna u'pte', dyi'pte ew tjengrra na'jīc:

—Naa pitstjē'jva Jesus yacj u'jusa' jīte', ⁵⁷Pedro' īshīic:

—Andya' jiimeetj tyāa pitstjē'j cysusu'i'cue tyā'sa' jīc.

⁵⁸Tyājū' tyāa e'su' viteva uyrra na'jīc:

—Indyva tyāawe'sh yacj u'jusang jīte', Pedro pasrra':

—Isa, andya' tyāawe'sh yacj u'jusameetj jīc.

⁵⁹Tyāa scjēwni teech orate' vitec na'jīna we'we:

—Īshīimeete, naa pitstjē'ja's uytju Jesus yacj u'jute. Tyāa yacj u'jusarraí, Galileajuwe'sha' jīte', ⁶⁰Pedro pasrra':

—Quijne'nga we'we' na'sva jiyutsmeetj. Tyā'jīna we'wena nee ūsiyna, atall we'wec. ⁶¹Atsa' Jesusa' tupjirra Pedro dyi'pte tjengte', Pedro' yajcyu Jesus we'werra': Āchj atall we'wemeyna, tecj us īshīijatsyā'j yuune'nga jīni's. ⁶²Tyājū' Pedro' eca casejrra seena' wala űsna ű'nec.

Jesusa's npeevyshicani

(Mt. 26.67-68; Mr. 14.65)

⁶³Tyājū' Jesus űpjwe'shte yupna ūssa yu' weech we'wenaty pāpā'. ⁶⁴Sa' yafytyi tundrraty dyi'pte uca'ca' na'jīna:

—Aan jiyune'nga quim uca'catsteva.

⁶⁵Tyā'jīnaty wala cuj jwend we'wena wēeshu'.

Judiu ntjē'jsawe'sh tashte Jesusa's cuutya'jni

(Mt. 26.59-66; Mr. 14.55-64; Jn. 18.19-24)

⁶⁶Sa' cjicjyna sējētste', judiu ntjē'jsa sacerdotewe'sh, Dyus leya's caapiya'jsa tyāawe'sh pcjaacjerraty Jesusa's cytee cuutya'jrra pējy:

⁶⁷—Mpeeta'sh, indya' ¿Cristo dyijngá'? jīte', Jesus pasrra':

—Tyā'wēíitj jīteva, isane' we'we' sūjmeene'cue. ⁶⁸Sa' i'cue'shtyi andy paapējyvatsva, pasya'vameei'cue. Sa' andya's tyjweteya'vameei'cue.

⁶⁹Nava āchjūyá'ja' Dyus Nchi'c Nasa Yuusá' Dyus ityīsa pucate cachya' u'juena jīc.

⁷⁰Atsa' jyucaysa na'wēty pējy:

—Na'jī'ng na', indya' Dyus Nchi'ctju jīne'nga jīte', Jesus pasrra':

—Tyā'wēíitj. I'cue'sha' isa i'cue we'we' jīc. ⁷¹Atsa' tyāawe'sh we'werra':

—¿Quijya' jwee vite testigo peejiicytja'w? Cue'sh tjū'wēju yuutja'w tyajy we'weni's wēsē'j jī'ty.

Jesusa's Pilato cusete ducjni

(Mt. 27.1-2, 11-14; Mr. 15.1-5; Jn. 18.28-38)

23

¹Tyā'wē yūurra' Jesusa's Pilato tashna jyūna u'jty. ²Cytee pa'jrra' na'jīnaty pāatyjī'cj:



(San Lucas 22.66)

—Naa pitstjê'ja' nasaty caypumba'jna üstetja'w uy, sa' Romate gobierno's ducjwa'jme'. Sa' Dyus tyjityjrra caajnsa andytju jycaajwa'jsa jî'c jîte', ³Pilato' pējyucu:

—Indya' ¿judiuwe'shtyi jycaajsa dyijngá'? jîte', Jesus pasrra':

—Tyã'wê íitj, isang we'we' jïc.

⁴Atsa' Pilato' sacerdote npiitstjê'jwe'sh nasa jyucaysaty na'wêc we'we:

—Naa pitstjê'j yuuwe yuuni's uyu'tsmeetj jíteva, ⁵tyãawe'sh yu' jweeírráaty sus we'wena na'jî':

—Judeate nasa jyucaysaty jyuca caypumba'jna jyã'jatsa' tyajy we'weni yacj, Galileaju tacjrra áchja' aysuva jyuca pecũjutsa' tyã'wê yũuna jî'ty.

Jesusa's Herodes tashte cuutya'jni

⁶Tyã'wê we'wete Pilato wêsê'jrra', nasaty pējyucu:

—Tyãa pitstjê'ja' Galileajũwe'shvéana jína. ⁷Atsa':

—Tyajũwe'shí'c jína pta'shte', Galileate nel'jue'sh Herodes tashnac caaj, tyãn ensu' Herodesva Jerusalenteycu ũsu' naa pa'ga. ⁸Atsa' Herodesa' Jesusa's uyrra', wala wechac, tyã'wê Jesusa' quĩjva yu'c jĩni's wêsê'jrra' nyafiic Jesus yacj puuty uy wëena ũsu', cieluju quĩjrráava caavya'ja'tje' tyãava uyu'nja sũjrra. ⁹Tyajũ' Jesusa's quĩjquĩjva wala pējyucu, nava pasme'. ¹⁰Cyteeva sacerdote npiitstjê'jwe'sh vite' Dyus leya's caapiya'jsawe'sh cũjrra wala juuna' we'wena yuwee ũsty. ¹¹Atsa' Herodesa' tyajy soldauwe'sh yacj Jesusa's weech we'wena ajtserra jycaajsa ropa na'wê zhichcuesa caatje'jrraty npeevyshijcana ũsu'. Tyã'wê yũurrac

Herodesa' Pilato tashtey Jesusa's qui' caaj. ¹²Pilato yacj Herodes yacja' nyaffi yu' iipuiisaty yu', nava tyān ente tyā'wē yūurra' yuwe ewuuty.

Jesusa's icjwal'j vitni

(Mt. 27.15-26; Mr. 15.6-15; Jn. 18.39-19.16)

¹³Tyajū' Pilato' sacerdote npiitstjē'jwe'sh vite' judiu ntjē'jsawe'sh chjambte nasa jyucaysaty caapcjacjē'jrra, ¹⁴na'jīnac we'we:

—I'cue'sha' naa pitstjē'ja' nasaty caypumba'jna ūsa' jīrra andy tashte nuypa'ji'cue. Atsa' andya' i'cue'sh wēsē'jna ūstey jyuca paapējytju. Nava quījte yujva ewmēe yūuni's yu' uymeetj. ¹⁵Atsa' Herodesva ewmēe yūuni's uymeerra', qui'quin caashwendu'cj. I'cue'shīva jiyui'cue naa pitstjē'ja' yuuwesa casejme'. Atsa' ¿ma'wē icjwal'j yuucy? ¹⁶Tyāa pa'ga icjmēe caapechucue'jrrarrāa caatyjweete'je'nja jīte', ¹⁷⁻¹⁸nasa jyucaysa na'jīnaty sus we'we:

—Naa pitstjē'ja's icjrra Barabasrrā's mityjwete jī'ty. (Pilato' añu iisac tyāa fiestate teeche preesu tyjweeté' nasa wechaacajn naa pa'gaty tyā'jī'.)

¹⁹Tyāa Barabas yu' chjambte gobierno's puí quiisrra nasaty wala quicje'pja'ga carceltec tyaa'jni ūsu'. ²⁰Tyajū' Pilato' Jesusa's tyjweete wēerra nasaty qui' pējycu. ²¹Nava tyāawe'sh yu' jweefirráaty sus we'we:

—Cluuste pejca mcaafyutsul'j yuj jīna.

²²Atsa' Pilato' tej usva nasaty qui' we'wec na'jīna:

—Naa pitstjē'ja' ¿quījga ewmēe yūu? Andya' macue paapējyrrava, ewmēe yūuni's yu' uymeetj icjcajn yuuva. Tyā'wē yuuwesa casejetsme' atsa' caapechucue'jrrarrāa caatyjweete'je'nja jīteva, ²³tyāawe'sh yu' jweefirráaty sus ūuscha we'wena cluuste fyutscaaj. Sacerdotewe'sh nasa jyucaysa tyā'wē sus we'weni yacjrrāa pejca cnaytyi tyāawe'sh pēyni's. ²⁴Tyajū' Pilato' tyāawe'sh pēyni's cytey yuuc, ²⁵sa' gobierno's puí quiisrra nasaty quicje'jsa yu'sa' carceluj caacutyi'jrra Jesus yu'sa' tyāawe'sh cusete nvijtcu, quīj yūu wēerrava cytey yuucajn.

Jesusa's cluuste fyutsni

(Mt. 27.32-44; Mr. 15.21-32; Jn. 19.17-27)

²⁶Jesusa's cluuste fyutsya' jyūna u'juetsrra', teeche pitstjē'j Cirenejūwe'sh Simon yaasesa chjambte pa'jatste pul'jycjēwrra', cluusa's tyā'sna cyaacjē'jrraty Jesus e'stey pe'jna u'j. ²⁷Tyā'wē yūuya' u'juetste, nasa wala cuj u'juets yu'ty. Tyāa cshavyte u'ywe'shva tyā'wēty wala cujsa ñusrra sus ū'nena u'jna ūsu'. ²⁸Atsa' Jesusa' tyāawe'shty yu'tjengrra':

—Jerusalente u'ywe'sh, andya's ñusrra ū'ne na'wē' wejy yuuva i'cue'sh fi'nzewa'ja's yajcyrra mñuswe, i'cue'sh luuch pa'gate. ²⁹Tyā'wēme' naa quiwete ñusu en yuja'. Tyāa en pa'tje', tyāawe'sh luuch pytjaa yuutste



(San Lucas 23.17-18)

uyrra' na'ljityna: Bagach yujva nasa ji'pjurra cchu'chu'jsamée yacja' tyacue ñus yujmeena jityna. ³⁰Tyajü' nasa' ñusna ũucjna vits wala uperra jyuca icj jytjåasutyna, sa' tjäl'j le'hcuesatyva tyä'wëy yüu jytjåasutyna. ³¹Fytüu tash buchatsterráa yujva na'wëty yü' na' fytüu tash ewsa ucawa'l'j en äjte yu' wejy tyä'wë yüutyna jïc.

³²Jesü yacj icjya' e'nz pitstjël'j wala yuuesaty jyüna ul'jty. ³³Sa' teech ajte Uusáa dyictjé dyi'tjrráasa jínisate pa'l'jrra', Jesusa's cluuscjé qui'ptyi, tyä'wëy e'nz yuuesatyva teehsa's patsu, vite's jembu. ³⁴Tyä'wë cluuste fyutsutste', Jesusa' na'ljínac we'we:

—Tata, meen peltunaí andya's atsesawe'shtyi. Tyäawe'sha' jiimeerraty tyä'wë yü' jïc.

Tyajü' soldauwe'sha' suerte caajty, Jesus atjni ropa's maa soldau cnayteva jiyuya'. ³⁵Naapcachja' nasa cujsa cytee tjengna ũssa vite' judiu npiitstjël'jwe'shva Jesusa's weech we'wena npeevyshijcaty na'ljína:

—Vitetyva nwe'weya' äjá'c na' ächja' peequí cluusuva iyuna, Dyus tyjityjrra caajnisá dyijrra' jī'ty. ³⁶Atsa' soldauwe'shva weech we'wena utyaarra', vino ewmeesa's yus wēena ³⁷na'ljī'ty:

—Indya' judiwe'shtyi jycaajsa dyijrra', peequí cluusu iyurra msa'l'j jī'ty.

³⁸Cluus vitste' griego, latin, hebreo yuweju fi'ljni na'ljī'c: Naaí Judiwe'shtyi Jycaajsa' jī'c.

³⁹Tyajü' yuuwesa cluuscjẽ a'cyni u'psa teechna' na'jic Jesusa's iiwẽeshuna:

—Indya' Cristo diyjrra', peequí cluusu iyurra cue'shtyiva meen nwe'we jite', ⁴⁰vite' ca'tu pucacjẽ u'psa yu' na'jĩnac pas:

—Indya' yuuwesarra tyã'wẽ seena' castigãyni u'prrava, Dyusa's ñucju'tsmeevá'nga tyã'wẽ wẽeshu'. ⁴¹Cue'sha' isa yuuwesayujtja'w, tyãa pa'ga castigãyni u'ptja'w. Nava naa pitstjẽ'ja' qujite yujva yuuwesa meec yu' jĩrra', ⁴²Jesusa's na'wẽc we'we:

—Iindy jycaajwa'tje pa'jrra', andya's yaaquine'nga jite', ⁴³Jesus pasrra':

—Isatj we'we', Dyus ñsnite ächjii andy yacj ñsune'nga jic.

Jesus uuní

(Mt. 27.45-56; Mr. 15.33-41; Jn. 19.28-30)

⁴⁴Tyajü' ñepyãj yuutpcachja', naa quiwete jyuca chji'ndycu cusutste las trestepcach. ⁴⁵Seca' cweetjme', naapcachja' dyuus yatte tyundenisa liensu pesatj a'cynisa' puupyãjcjẽc sute. ⁴⁶Naapcachja' Jesusa' na'jĩnac sus we'we:

—Tata, iindy cusete andy ñusa's nviitutstju jĩna'va uuc.

⁴⁷Tyã'wẽ yũute', soldau cpiitan uyrra', na'jĩnac Dyusna wecha:

—Isa, naa pitstjẽ'ja' yuuwemeesa yuj yu'ga jic. ⁴⁸Atsa' nasa jyucay cytee ñssava tyã'wẽ yũute uyrra', ¿tyã'wẽ yuja' yuumañ? sũjnaty ñusna ñucjna u'j. ⁴⁹Atsa' Jesusa's jiisawe'sh vite' Galileajũjy Jesus yacj yuusa u'ywe'sha' jyu'jurrãaty tjengna ñsu' tyã'wẽ yũutste.



(San Lucas 23.43)

Jesusa's pendaní

(Mt. 27.57-61; Mr. 15.42-47; Jn. 19.38-42)

⁵⁰Cyte! teech pitstjêlj José yaasesa ūsu'c. Tyāa yu! Judea quiwete Arimatea chjambtewe'sh judiu npiitstjêlj walasatewe'shcu yu!. ⁵¹Tyāa Jose! isa bagach Dyus jycaajya! tacjeyc sūjna ūytjassac yu!. Tyā'wërraíic vite judiu npiitstjêljwe'sh Jesusa's icjya! puuty we'wetste!, tyāa yu! wa!. ⁵²Tyājū! tyāa Jose! Pilato tashte u'jrra Jesus cacue's pējyuc. ⁵³Sa! cluusu'j spajcyrra liensute yaprra cuet peña u'se pjaandeni quim yujva pendanimeegac c'ijc. ⁵⁴Tyā'wë sapatu jycaasewa'j en jyuca ājātsu yu!. ⁵⁵Atsa! u'ywe'sh Galileajūjy Jesus yacj pi'cyna yuusa! tyāawe'shva u'jrra cuet c'afy pendani's uytyi Jesus cacue's mcaa c'ijcjetsteva. ⁵⁶Sa! yatna shawendna u'jrra, Jesus cacuete shūshwa'j jyuca pjeu'jrraty sapatu jycaase ente qui'sna fi'nze, Dyus jycaajni's cytey nwëesē'jna.

Jesus qui' ityi yuuni

(Mt. 28.1-10; Mr. 16.1-8; Jn. 20.1-10)

24 ¹Jycaase en scjēwnijū cuscuscjē wala cusí u'ywe'sha! Jesus cacuete shūshwa'j pjeu'jnisa's atra pendaní cuet c'afyna u'jty. Vite u'yva tyāawe'sh yacj ja'nda pi'cyna u'jty. ²Cytee pa'jrra!, c'afyte ap'nisa cueta's fiite qui'pni u'pte uyrra!, ³c'afyte u'caty. Nava Jesus cacue yu'sa! uymeeta!. ⁴Sa! wala ūucjna ma'wē yūuwa'ja's yuuva jiimeety ūsu!, naapcachja! e'nz pitstjêljty ropa zhichcue zmeena! chijmesa atjrra tyāawe'sh pucate vyaa. ⁵Atsa! wala ūucjrra quiwecjēty quītsju, naapcachja! tyāa pitstjêljwe'sha! na'jity:

—Uusaawe'sh cshavyu ityī yuusa's ¿quījya'cue pacué'? ⁶Ayte meeyā'ja! Uurrava qui' ityī yuuyā'cj. Galileate ūsrra! na'jīnac we'we tyā'sa! miiyajcywe: ⁷Dyus Nchi'c Nasa Yuusa's ewmeesawe'sh cusete ducjni yuuna, atsa! tyāawe'sha! cluuscjē qui'prra icjetyna. Atsa! uurrava tecj ente! qui' ityī quiiteena ¿jīna pta'shmeená'?

⁸Tyā'jite! Jesus we'weni's yajcytyi. ⁹Sa! pendaniijū shawendna u'jrra ma'wē uyni'sva jyuca pta'shtyi oncesaty, sa! Jesus yacj u'jusa vitesatyva pta'shtyi. ¹⁰Tyā'wë pta'shsa yu! Maria Magdalena, Juana, Jacobo nji'j Maria, vite! u'ywe'sh ja'nda u'jsa tyāawe'shtyi yu!. ¹¹Nava Jesus yacj u'ljusawe'sh yuutyi! luucu we'weni na'wërrāane! ptjūuse! tyāa u'ywe'sh pta'shnisa yu!, atsa! isane'ta we'we' sūjū'tsmeeta!. ¹²Tyā'wēteva Pedro! wuwuurrac tjengya! u'j pendaní c'afyte, sa! dyiiga cuyrra!, liensurrá's putste qui'pni u'pte uyrra!: ¿Tyā'wë yuja! yuumañ? sūjna wala cuj yajcyna yatna shawendcu.

Emaus chjambna u'jsaty Jesus vyaani

(Mr. 16.12-13)

¹³Tyāa entey Jesus yacj u'jusa e'nzsa! Emaus chjambnaty u'juets yu!. Tyāa chjamba! Jerusalenuj once kilometro āj jyu'cjac ūsu!. ¹⁴Tyāa

e'nzsa' jū'nacjē quījquīj yūuni'sva jyuca yajcynaty puuty we'wena u'juets yu'. ¹⁵Tyā'wē dyi'tje we'wena u'juetspcachja', Jesusa' vyaarráa yuurra tyāawe'sh yacj ja'nda u'cj. ¹⁶Tyā'wēteva, tyāawe'sh yu' uyrrava, quimteva jiyumeeta'. ¹⁷Tyajū' Jesusa' pējyuc:

—¿Quījcue tyacue puuty we'wena u'jue'? ¿Quīj yuupa'ga tyā'wē ñusna u'juetscue? jīte', ¹⁸Cleofas yaasesa teechna' na'ljīnac pas:

—Jū'nacjērráa Jerusalente tyā'wē seena' ñus ñus yūunisa's majūwe'shva jyucaty jiyu, atsa' indyrráavá'nga jiyumée neeyūu cytee ūsrrava jīte', ¹⁹Jesusa' pējyuc:

—¿Quījga yuu? jīna. Atsa' tyāawe'sha' pta'shtyi jyuca:

—Jesus Nasaretjūwe'sha's seena' ñusñus vitra icjni'stja'w ji'pju. Tyā' Dyus yuwe pta'shsa quījquīj yūuya'va ājāsac yu', sa' Dyus dyi'pte vite' nasaa cshavyteva tyā'wēc ewrráa yūuna fi'nzesa yu'. ²⁰Tyā'wēteva sacerdote npiitstjē'jwe'sh vite' cue'sh npiitstjē'jwe'sh yu' tyā'sa' icjwa'jrráa vitra ducjtyi, atsa' cluuste fyutsrra icjtyi. ²¹Cue'sh yu' Israelwe'shtyi nwe'wewa'jsana sūjū'tja'w, nava cytey yuume'. Tyā'wē ñus yūuni āchja' tecj en yā'j yuutsa'. ²²Atsa' u'ywe'sh cue'sh yacj ij pcjaacjena u'jusa maafí yu' pندانí cafyte tjengya' u'jrra ²³qui' shawendrra', cue'shtyi cjāawāshi'ty tyāawe'sh pta'shrra': Uusáa cacue yu's uymeerrava, angeleswe'shrráaty'tja'w uy, atsa' Jesusa' ítyī yuuc jī'ty jīnaty cue'shtyi pta'sh tyāa pa'gatja'w ūucj. ²⁴Atsa' cue'sh yacj u'jusa pítstjē'j maafí yu' pندانí cafyna u'jrra u'ywe'sh ma'wēne'ta pta'sh tyā'wēyrráatja'w uy. Nava Jesus yu'sa' uymeetja'w jīnaty pta'sh jīte', ²⁵Jesusa' na'wēc we'we:

—Dyus yuwe pta'shsawe'sh we'weni's nacue tyachteva, jiyuya' ājā'tsmée írráai'cue. ²⁶Cristo' cielute u'camey, ¿seena' ñus pytjaa yuuwa'jsa yu'tsmeená'? jīrra', ²⁷Dyus librute ma'wē fi'jni'sva jyuca pta'shya' tacjcu, tyā's ma'wē yūuwa'ja'sva Moises we'wenijūjy tacjrra mtee pa'jne'ta Dyus yuwe pta'shsawe'sh fi'jrra nvijit cytee pa'j. ²⁸Sa' tyāawe'sh pa'jwa'lj chjambte pa'tje', Jesus yu' u'ljnic u'juets yu'. ²⁹Atsa' tyāawe'sha' na'ljīnaty neevisha:

—Cue'sh yacj ayte me'ca dejya'. Tyā'wēme' cusutsyā'ja' na' chji'ndyina jīte', Jesusa' tyāawe'sh yacj u'cac cytee dejya'. ³⁰Sa' tyāawe'sh yacj mesate u'prra', Dyusna wechana'va pana's pe'ltenderra tyāawe'shtyi ūsu'scu. ³¹Tyā'wē yūunijūty quimteva jiyu. Naapcachja' Jesus yu' naa dundte tyāawe'sh yafyju vyaame'. ³²Atsa' tyāawe'sh pwe'sh na'ljīnaty puuty pta'shi':

—Jesusne' yu' atsa' isa yujne' cue'sh ūuste seena' wechwecha ūusutje' dyi'tje yujrra Dyus librute fi'jni's pta'shitste' jī'ty. ³³Sa' tyāa oratey quiitena'va qui' Jerusalen chjambna shawendrra Jesus yacj u'jusa oncesawe'shtyi uyna pa'jty vite nasa yacj pcjaacjerra u'pte. ³⁴Atsa' cytee pcjaacjena u'psa yu' e'nzsa Emausu shawendsaty pta'shtyi na'ljīna:



(San Lucas 24.30)

—Isa, cue'shtyi jype'ljsa' qui' ityī yuuyujga atsa' Simonva uyca jīte',
³⁵Emausu shawendna pa'jsava pta'shtyi dyl'tje ma'wē puuty uyrra
 we'weni'sva jyuca, sa' pana's tyundendetspcachja' ma'wē yūurra
 Jesusteva jiyurrava jyuca pta'shtyi.

Jesusa' tyāa yacj u'jusawe'shtyi neewe'werra nviitni
 (Mt. 28.16-20; Mr. 16.14-18; Jn. 20.19-23)

³⁶Tyāawe'sha' cytee we'wena u'píyna, Jesusa' tyāawe'sh pyājte
 vyaarrāa yuurra na'jīnac wecha:

—Ūucjmée wechana meswe jīte', ³⁷tyāawe'sh yu': ańimusa's ne'tca'w
 uy sūjrra ūucjutsty yu'. ³⁸Atsa' Jesus we'werra:

—¿Quīj yuutecue ūucjú'? Sa' pta'shte', ¿quīj yuurracue isa yujna
 sūjū'tsmée? ³⁹Mtjengwe andy cuse pety andy chinda yā'jrra. Vitemée,
 andytju. Atsa' andya's ew jiyuya' mjya'ndywe. Andya' ańimusmeerra',
 dyl'tj ji'pjsatj, sa' cacue'sva ji'pjsatj. I'cue'sh yafyte ma'wētcva vya' tyāa
 yu'sa' jyuca ji'ptju.

⁴⁰Tyā'jīrra', cuse pety chinda yā'jrra ctjeengu'cj. ⁴¹Nava tyāawe'sha' cuj
 yajcyna wechaniiterrāa Jesusna sūjna yaacywa'j yu'sa' ji'pjumeeta'.

Tyājū' Jesusa' na'jīc:

—¿I'cue'sha' ū'wa'j quījrrāava ji'pjmeecue'? jīte', ⁴²wendy cjacjni pe'la
 vite' chji'ndy mil tyā'wēsa'styi ūs. ⁴³Atsa' jypa'garra' tyāawe'sh dyl'ptey
 uyna ūste ū'c. ⁴⁴Sa' na'jīnac we'we:

—Andyna na'wẽ yũuc tyã'snatj andya' i'cue'sh yacj nee u'juy pta'sh. Moises ley fi'jni vite! Dyus yuwee pta'shsawe'sh librute fi'jni vite! Salmos librute fi'jni ũsta', andya's ma'wẽ yũuwa'ja'sva tyã' jyuca cytey yuuna jĩnatj pta'sh.

⁴⁵Tyajũc Dyus librute fi'jni's isa ew caajiyu'j, ⁴⁶sa' na'jĩc:

—Cristo' uuwa'jsa', nava tecj ente' qui' ityĩ yuuna uusaawe'sh cshavyuj. ⁴⁷Atsa' tyã'wẽ yũuni's Jerusalenu pta'shya' tacjrra maa maa quiwetevea jyuca pta'shityna, cyaj nasa' pcaltyi nvijtrra Dyus tashte shawendte', Cristo' tyãawe'shtyi peltunaĩna jĩna fi'jni ũsa'. ⁴⁸Atsa' i'cue'sha' andy ma'wẽ yũurra qui' ityĩ yuuni's uysaai'cue na' tyã'sa' pta'shwa'j ji'pji'cue. ⁴⁹Nava mwẽesê'jwe: andy Tata i'cue'sh jii caajya' neeyũuc tyã'sa' caja'nja jypa'gacajn. Nava tyã'sa' jypa'gamey yu', ay Jerusalentee meswe jypa'gapcach jĩc.

Jesus cielun u'jni

(Mr. 16.19-20)

⁵⁰Tyãa e'su' tyãa yacj u'jusawe'shtyi pe'jna u'cj chjamb eca Betaniate pa'j. Sa' cusety quiiarra jyucaysaty bendecĩycu. ⁵¹Tyã'wẽ yũutspcachja', cielun pe'jna u'jnic yuu tyãawe'shrráaty nvijtrra. ⁵²Atsa' tyãawe'sha' Jesus yuj yu'ga jĩna wechana Jerusalen chjambnay wala wêtwêť yajcyna shawendtyi. ⁵³Sa' pu'vitumeety dyuus yatte Dyusna wechana nes yu'.